

# Մուրացան Ռուզան

ԳՈՐԾՈՂ ԱՆՁԻՆՔ

ՀԱՍԱՆ-ՁԱԼԱԼ—Արցախի իշխանապետ  
ՄԱՄՔԱՆ—Ձալալի կինը  
ՌՈՒԴԱՆ—Ձալալի աղջիկը  
ՆԵՐՍԵՅ—Ռուզանի նշանածը  
ՉԱՔԱՐԵ—Ձալալի մեծ եղբայրը  
ՈՒՄԵԿ—Ձալալի մեծ փեսան  
ՍՄԲԱՏ—Ներսեհի մտերիմը  
ՀԱՄՏՈՒՆ—Սյունյաց իշխան  
ՊԱՊԱՔ—Ձորափորի իշխան  
ԹԵՆԻ—Ռուզանի դայակը  
ՇԱՆՈՒՅՇ—Ռուզանի նաժիշտը  
ԱՄՊՐԱՄ—պալատական սպասուհի  
ՍՈՒՐԻԿ—Ներսեհի հավատարիմը  
ՋՈԼԱ—թաթարաց զորապետ  
ԲՈՒՐԱ-ՆՈՒՆ—Ջուլայի եղբորորդին  
ԱԲՈՒ  
ՉԱՓԱՐ թիկնապահներ

Դահճապետ, հայ գուժկան, թաթար գուժկան, փայտահատ:

ԱՐԱՐՎԱԾ ԱՌԱՋԻՆ

ԱՌԱՋԻՆ ՊԱՏԿԵՐ

Ձալալ իշխանի պալատում սրբատաշ քարերից շինված մի սրահ կամարակապ առաստաղով, նեղ և սրածայր պատուհաններով, որոնք ազուցած են գույնզգույն ապակիներով: Սրահն ունի երկու հակադիր սրակամար դռներ: Պատերի մոտ դրված են հնատարազ աթոռակներ ու բազմոցներ. վերջինները ծածկված են մետաքսով: Սրահի հատակը ծածկված է գորգերով:

ՏԵՍԻԼ Ա

Ասպրամ և Սուրիկ

ԱՄՊՐԱՄ.—Ինչո՞ւ համար ես հետաքրքրվում, Սուրիկ:

ՍՈՒՐԻԿ.—Նրա համար, որ դու սովորություն չունիս օրիորդ Ռուզանի կացարանը հաճախելու, իսկ վերջին օրերս բոլոր ժամանակդ այս սրահներումն են անցնում:

ԱՄՊՐԱՄ.—Այդ դու արդեն նկատե՞լ ես:

ՍՈՒՐԻԿ.—Ոչ միայն ես, այլև պալատի ծառաները:

ԱՄՊՐԱՄ.—Օ՛, այդ լավ չէ: Ես չէի կամենալ, որ իմ քայլերը ուրիշները դիտեին:

ՍՈՒՐԻԿ.—Գիտե՞ս, Ասպրամ, փասյաններն էլ ճիշտ քեզ նման են մտածում. գլուխները խրում են ձյունի մեջ և կարծում են թե՛ որսորդի աչքերից ծածկվեցին:

ԱՄՊՐԱՄ.—Էհ, ի՞նչ անենք: Կինը հո փասյանից ավելի չի կարող մտածել:

ՍՈՒՐԻԿ.—Ինչո՞ւ չէ, երբեմն սատանայից ավելի:

ԱՄՊՐԱՄ.—Սատանայից ավելի՞. այդ ե՞րբ է լինում:

ՍՈՒՐԻԿ.—Երբ կամենում է մի գաղտնիք զինքը սիրողից ծածկել:

ԱՍՊՐԱՄ.—Ես ոչինչ չեմ ծածկում քեզանից:

ՍՈՒՐԻԿ.—Ուրեմն ասա՛, ինչի՞ համար ես այդքան այս կողմերը հաճախում:

ԱՍՊՐԱՄ.—(մտախոհ) Ինչի՞ համար:

ՍՈՒՐԻԿ.—Յա՛, ինչու համար:

ԱՍՊՐԱՄ.—Գիտե՞ս, ի՞նչ կա: Կամենում եմ հարստացնել թե՛ քեզ և թե՛ ինձ:

ՍՈՒՐԻԿ.—Յարստացնե՞լ:

ԱՍՊՐԱՄ.—Այո:

ՍՈՒՐԻԿ.—Ինչպե՞ս. ոսկու հա՞նք ես գտել:

ԱՍՊՐԱՄ.—Պապաք իշխանն արել է ինձ մի հանձնարարություն, որը եթե հաջողությամբ վերջացնեմ, հարյուր ոսկի պիտի ստանամ:

ՍՈՒՐԻԿ.—Յարյուր ոսկի՞...

ԱՍՊՐԱՄ.—Այո՛, հարյուր ոսկի, մի դանկ ոչ ավել և ոչ պակաս:

ՍՈՒՐԻԿ.—Ի՞նչ հանձնարարություն է այդ:

ԱՍՊՐԱՄ.—(զգուշությամբ այս ու այն կողմը նայելով)

Իշխանը պատվիրել է ինձ՝ աշխատել, ինչ միջոցով ուզում է լինի, գրավել օրիորդ Ռուզանի սիրտը դեպի Յամտուն իշխանը:

ՍՈՒՐԻԿ.—Ինչո՞ւ համար:

ԱՍՊՐԱՄ.—Որպեսզի Յամտունը խլե Ներսեհից նրա հարսնացուն:

ՍՈՒՐԻԿ.—(զարմացած) Ինչպե՞ս:

ԱՍՊՐԱՄ.—Յենց այնպես ինչպես արծիվը խլում է բազեից նրա որսը:

ՍՈՒՐԻԿ.—Յասկանում եմ. բայց դու ի՞նչ կարող ես անել. չե՞ որ Ռուզանը Ներսեհին է սիրում:

ԱՍՊՐԱՄ.—Այդ նշանակություն չունի. Ռուզանը Յամտունին էլ կսիրե, եթե սրա օգտին աշխատող լինի: Չե՞ որ աղջիկները լավին սիրում են՝ քանի դեռ լավագույնը չկա, բայց հենց որ սա հայտնվում է, լավին մոռանում են:

ՍՈՒՐԻԿ.—(հեզակական ժպիտով) Մի՞թե, ես այդ չգիտեի: Ուրեմն գործդ հաջողեցրել ես:

ԱՍՊՐԱՄ.—Այնքան, որ կարող եմ ոսկիները ստանալ:

ՍՈՒՐԻԿ.—Այդ մեծ բան է: Կնշանակե անձամբ խոսել ես Ռուզանի հետ:

ԱՍՊՐԱՄ.—Այո՛:

ՍՈՒՐԻԿ.—Ի՞նչ էիր խոսում:

ԱՍՊՐԱՄ.—Ինչ որ Պապաք իշխանը թելադրում է ինձ:

ՍՈՒՐԻԿ.—Օրինա՞կ:

ԱՍՊՐԱՄ.—Գովում էի շարունակ Յամտուն իշխանին՝ հիշելով նրա բարեմասնությունները, հռչակված անունը, նրա գորությունը, քաջատոհմությունը, հարստությունը, խելքը, գեղեցկությունը: Պատմում էի առասպելներ Սյունյաց օրիորդների մասին, որոնք, իբր թե, խելագարվելու չափ սիրահարվել են Յամտունին, բայց որոնց հպարտ իշխանը մերժել է սառնությամբ: Ի վերջո հայտնեցին թե՛ Յամտունը սիրում է միայն գեղեցիկ Ռուզանին, որից եթե մերժվի, անապատը պիտի քաշվի կուսակրոնություն ընդունելու:

ՍՈՒՐԻԿ.—Եվ ի՞նչ օգուտ այդ գրույցներից:

ԱՍՊՐԱՄ.—Նախ այն՝ որ Ռուզանն այսպիսով կընտելանա այն մտքին թե՛ Ներսեհից զատ կա և մի ուրիշ արժանավոր իշխան, որ հետամուտ է յուր սիրույն: Երկրորդ՝ նա ինքն իրեն կսկսե համեմատություններ անել Ներսեհի և Յամտունի մեջ և վերջինին ավելի գերազանց գտնելով՝ նրան էլ կընտրե փեսա:

ՍՈՒՐԻԿ.—Բայց չե՞ որ մեծ իշխանը Ռուզանի ձեռքը Ներսեհին է խոստացել:

ԱՍՊՐԱՄ.—Այդ նշանակություն չունի: Յենց որ Յամտունն իմացավ, թե Ռուզանի սրտում բացվել է յուր համար մի փոքրիկ անկյուն, նա իսկույն փոխել կտա մեծ իշխանի որոշումը:

ՍՈՒՐԻԿ.—Բայց բացվե՞լ է այդ անկյունը:

ԱՍՊՐԱՄ.—Արդեն:

ՍՈՒՐԻԿ.—Ի՞նչ ապացույց ունիս:

ԱՍՊՐԱՄ.—Ահա՛, թե ինչ: Ներսեհ իշխանի բացակայության պատճառը մինչև այսօր ծածկել են Ռուզանից՝ վախենալով թե՛ միգուցե նա անհանգստանա իմանալով, որ յուր փեսացուն գնացել է թաթարների դեմ կռվելու: Պապաք իշխանի խորհրդով ես օրիորդին հայտնեցի թե՛ Ներսեհ իշխանը Խոխանաբերդ չէ գալիս այն պատճառով, որ մեծ իշխանը մերժել է նրան յուր ձեռը:

Օրիորդն այս նորությունը լսեց անտարբերությամբ:

ՍՈՒՐԻԿ.—Եվ առանց հուզվելո՞ւ:

ԱՄՊՐԱՄ.—Առանց հուզվելու:

ՍՈՒՐԻԿ.—Օ՛, այդ չափազանց է:

ԱՄՊՐԱՄ.—Յապա, ի՞նչ էիր կարծում: Այժմ իմացիր թե՛ ի՞նչ փայտից են լինում տաշած այդ իշխանուհիները:

ՍՈՒՐԻԿ.—Եթե այդպես է, ուրեմն ոսկիները կստանաս:

ԱՄՊՐԱՄ.—Իհարկե: Բայց եթե ստանամ, իսկույն պիտի պսակվինք, այնպես չէ՞:

ՍՈՒՐԻԿ.—Անշուշտ: Յարյուր ոսկու հետ ո՞վ չի պսակվիլ:

ԱՄՊՐԱՄ.—Յարյուր ոսկո՞ւ և ո՞չ Ասպրամի հետ:

ՍՈՒՐԻԿ.—Այսինքն ուզում էի ասել՝ հարուստ Ասպրամի հետ:

ԱՄՊՐԱՄ.—(ցուցամատով սպառնալով) Յա, զգույշ կաց, խելոք խոսիր: Այժմ մնաս բարով, ես շտապում եմ, վաղը կրկին կտեսնվենք:

(Դուրս է գնում)

ՍՈՒՐԻԿ.—Երթաս բարով:

## ՏԵՍԻԼ Բ

Սուրիկ (միայնակ)

Վերջապես գաղտնիքը պարզվեցավ: Անպիտանը չէր ուզում հայտնել: Երևի խիստ են սաստել: Բայց ի՞նչ հիմարներն են. կարծես չգիտեն, որ կնոջ բերանում տաք

## ՏԵՍԻԼ Գ

Նույնն և Սմբատ

ՍՄԲԱՍ.—(մտնելով) Դու այստե՛ղ, Սուրիկ:

ՍՈՒՐԻԿ.—Քո հրամանով, տեր:

ՍՄԲԱՍ.—Մի բան իմացա՞ր:

ՍՈՒՐԻԿ.—Ավելի բան սպասում էի:

ՍՄԲԱՍ.—Այսի՞նքն:

ՍՈՒՐԻԿ.—Քո գուշակությունը ճիշտ էր: Պապաքն ու Յամտունը, արդարև, աշխատում են խլել իմ տիրոջ հարսնացուն:

ՍՄԲԱՍ.—Յաստա՞տ տեղեկացար:

ՍՈՒՐԻԿ.—Այնպես հաստատ, ինչպես որ հաստատ է այն, թե՛ ես մի գլուխ ունիմ և ոչ երկու:

ՍՄԲԱՍ.—Ապրես իմ քաջ. ուրեմն դու կերթաս Ներսեհի ետևից:

ՍՈՒՐԻԿ.—Իմ նժույզը, տեր, սրընթաց է քամու պես, երկու ժամվա մեջ նա կհասցնե ինձ Մռավ:

ՍՄԲԱՍ.—Կպատրաստվես և կսպասես իմ հրամանին: Այժմ պատմիր ինձ քո լսածները: (Կամենում է նստել, բայց մի ոտնաձայն գրավում է յուր ուշադրությունը): Ո՞վ է գալիս այստեղ:

ՍՈՒՐԻԿ.—(Նայելով դռան կողմը) Պապաք իշխանը՝ օրհորդի դայակի հետ:

ՍՄԲԱՍ.—Որ այդպես է, հեռանանք, մենք կխոսենք իմ սենյակում :

(Դուրս են գալիս աջ դռնով):

## ՏԵՍԻԼ Դ

Թենի և Պապաք

(Ներսեհն է մտնում ձախ դռնով)

ԹԵՆԻ.—Այստեղ, Պապաք իշխան, կարող եմ մի փոքր հանգստանալ:

ՊԱՊԱՔ.—(աթոռը մոտեցնելով) Յրամմե, մայր Թենի, այս սրահի վերելքն, արդարև, շատ բարձր է:

ԹԵՆԻ.—Այո՛, ամեն անգամ երբ վերադառնում եմ եկեղեցուց, այս քարե սանդուղքները հոգնեցնում են ինձ: (Մի փոքր հանգստանալուց հետո շարունակում է): Յա, ա՛յն էի ասում. այդ միության ես դեմ եմ: Երբեք չէի կամենալ, որ իմ պահած ու պաշտած Ռուզանը այդ ճորոգետացուն գնար: Ի՞նչ մեղքս ծածկեմ. ասելով ատում եմ Ներսեհ իշխանին:

ՊԱՊԱԲ.—Եվ իրավունք ունիս: Ասում են թե՛ դրա մայրը մեծ թշնամություն է արել քեզ:

ԹԵՆԻ.—Օ՛, և ի՛նչ թշնամություն. Նա ուղղակի դժբախտացրեց ինձ: Լսե՛լ ես այդ պատմությունը:

ՊԱՊԱԲ.—Լսել եմ. ասում են աղջիկ ժամանակդ շատ գեղեցիկ ես եղել. այնպես որ Յանդաբերդի Վախթանգ իշխանը տեսնելով քեզ՝ հրապուրվել է քո գեղեցկությամբ և հետո՛ նշանվել: Բայց նրա քույրը, որ այս Ներսեհի մայրն է եղել, չարախոսել է քո մասին, ասելով թե՛ Թենին տարիքով մեծ է և բարքով դաժան: Վախթանգը

քրոջ զրպարտության հավատալով հրաժարվել է քեզնից:

ԹԵՆԻ.—Այո. և այդ չարաբաստիկ դեպքից հետո՝ հայրս հիվանդացավ ու մեռավ: Նա պատվասեր մարդ էր և չկարողացավ յուր դստեր անարգանքը տանել:

ՊԱՊԱԲ.—Երևակայում եմ թե՛ որքա՛ն կվշտանայիր:

ԹԵՆԻ.—Իմ վիշտն անսահման եղավ. որովհետև քիչ հետո մայրս էլ նույն բախտին հանդիպեց, սիրած ամուսնու մահը հարվածեց նրան ինչպես շանթ:

ՊԱՊԱԲ.—Օ՛, ի՛նչ դժբախտություն:

ԹԵՆԻ.—Այո՛, նա մեռավ թողնելով ինձ այս՝ (ցույց տալով մատի վրա ունեցած մատանին) իբրև միակ պաշտպան այս աշխարհի մեջ:

ՊԱՊԱԲ.—Այդ մատանի՞ն:

ԹԵՆԻ.—Այո:

ՊԱՊԱԲ.—Անշուշտ դա ունի թանկագին մի գոհար, որի արժեքը կարող է քեզ ապահովել:

ԹԵՆԻ.—Ոչ. նրա գոհարը չարժե ավելի՞ քան մի հատ երինջ,

բայց նրա տակը պահված է զորավոր մահաթույն:

ՊԱՊԱԲ.—(զարմացած) Մահաթո՞ւյն:

ԹԵՆԻ.—Այո՛: Մայրս մեռնելուց առաջ տվավ ինձ այս՝ ասելով.— Թենի, քեզ այս աշխարհում թողնում եմ միայնակ: Եթե երբևիցե հանդիպես այնպիսի դժբախտության, որ մահը գերադաս համարես կյանքից, հանիր այս մատանու ակը և նրա տակ դրած թույնը ջրում լուծելով խմի՛ր. նա քեզ կբերե խաղաղ՝ բայց հավիտենական քուն:

ՊԱՊԱԲ.—Որպիսի՞ տարօրինակ կտակ:

ԹԵՆԻ.—Բայց և փրկարար: Քանի՛-քանի՛ անգամ ես կամեցել եմ դիմել այս քնաբեր մատանու օգնության:

ՊԱՊԱԲ.—Ի՛նչ տղայություն: Արժե՞ միթե այդ աստիճան ընկճվիլ չարության առաջ:

Ընդհակառակը, պետք է աշխատել՝ պատժել հակառակորդին:

ԹԵՆԻ.—Օ՛, շատ կցանկանայի, բայց ի՞նչ կարող էի անել:

ՊԱՊԱԲ.—Այն, ինչ որ Ներսեհի մայրը քեզ արավ:

ԹԵՆԻ.—Այսի՞նքն:

ՊԱՊԱԲ.—Նրա շնորհիվ դու իշխանուհի լինելու փոխարեն՝ դարձել ես մի դայակ. հենց այդ պաշտոնիդ շնորհիվ՝ դու կարող ես վրեժ լուծել քո թշնամուց:

ԹԵՆԻ.—Ինչպե՞ս:

ՊԱՊԱԲ.—Օգնելով ինձ՝ խանգարել Ներսեհի ամուսնությունը Ռուզանի հետ:

ԹԵՆԻ.—Օգնելով քե՞զ... Ուրեմն դու է՞լ դեմ ես այս միության:

ՊԱՊԱԲ.—Եվ ինչպե՞ս կարող եմ չլինել դեմ, քանի որ այդ միությունը պատճառ պիտի լինի իմ կործանման:

ԹԵՆԻ.—(վախեցած) Ինչպե՞ս:

ՊԱՊԱԲ.—Դու գիտես, որ յոթ երկար տարիներ ես գերի էի Թաթարստանում և միայն երկու տարի է, ինչ վերադարձել եմ մեր երկիրը:

ԹԵՆԻ.—Գիտեմ:

ՊԱՊԱԲ.—Իմ գերության միջոցին՝ Ներսեհի հայրը անիրավաբար խլել էր այրի մորս ձեռքից Ծոփափորի իմ կալվածները և մեռնելուց հետո թողել այն յուր որդուն՝ իբրև նրա սեփական ժառանգություն: Երբ ես վերադարձա՝ աշխատեցի համոզել Ներսեհին ճանաչել իմ իրավունքը և վերադարձնել ինձ և իմ կալվածները, բայց նա չլսեց և իմ խնդիրն ու բողոքը թողեց անուշադիր: Ինը տարի է՛ ինչ իմ տունը մի դանգ չէ ստացել այդ կալվածներից:

ԹԵՆԻ.— Իսկ այդ խնամությունը ի՞նչ կապ ունի քո զրկանքի հետ:

ՊԱՊԱԲ.— Իմ հույսը Ջալալ իշխանի վրա էր: Նա յուր ազդեցիկ միջնորդությամբ կարող էր վերադարձնել տալ ինձ իմ հայրենի ժառանգությունը: Բայց այժմ, երբ Ներսեհն առնում է Ռուզանին, Ջալալն այլևս չի ցանկանում յուր միջամտությամբ զրկանք պատճառել փեսային: Մյուս կողմից էլ Ներսեհն աներոջ զորության վրա վստահանալով՝ այսուհետև ավելի ևս համառությամբ պիտի դիմադրե ինձ: Այս պատճառով, ահա՛, ես դեմ եմ այդ միության:

ԹԵՆԻ.— Իրավունք ունիս. այս ամուսնությունը վնաս կբերե քեզ:

ՊԱՊԱԲ.— Բայց եթե դու ինձ օգնես, ես վնասից կազատվեմ, իսկ դու՛ քո ատելիից:

ԹԵՆԻ.— Ամենայն սիրով. բայց ի՞նչ կարող եմ անել:

ՊԱՊԱԲ.— Ահա՛ թե ինչ: Յամտունը, ինչպես գիտես, եկել է Խոխանաբերդ Ռուզանի ձեռքը ինդրելու, բայց հայրը անպատճառ պիտի մերժե նրան, առարկելով, որ յուր դուստրը սիրում է Ներսեհին: Այս պատճառով, ահա՛. ես որոշեցի գործը կարգադրել այնպես, որ Ռուզանը ինքը ընտրե Յամտունին իրեն փեսա: Եվ գործ դրած հնարներս հաջողվել են. Ռուզանի սիրտը այժմ գրավված է միայն Յամտունով:

ԹԵՆԻ.— (ընդհատելով Պապաքին) Այդ մի ավետիք է, Պապաք իշխան. ո՞ր էր թե Ներսեհը չերևար այլևս այս ամրոցում: Բայց ես Ռուզանի մեջ փոփոխություն չեմ նկատել, միգուցե սխալվում ես:

ՊԱՊԱԲ.— Ռուզանը ծածկամիտ է և չէր բացվիլ քո առաջ, բայց ես ապահով եմ, որ հմտությամբ եմ գործել:

ԹԵՆԻ.— Ի՞նչ ես արել իսկապես:

ՊԱՊԱԲ.— Պատմությունը երկար է, հետո կզրուցեմ: Այժմ ինձ հարկավոր է քո շուտափույթ օգնությունը:

ԹԵՆԻ.— Այսի՞նքն:

ՊԱՊԱԲ.— Քանի դեռ Ջալալը բացակա է ամրոցից, անհրաժեշտ է, որ Յամտունը տեսնվի Ռուզանի հետ և յուր առաջարկությունը անե նրան անձամբ: Յամտունը պերճախոս է և կգրավե օրհորդին: Բավական է աղջկա կողմից համաձայնության մի բառ և իշխանն այնուհետև կխլե նրան յուր հորից. դրա համար Յամտունն ունի օրինական իրավունք: Արդ դու մի հնարով բեր Ռուզանին այս սրահը և միջոց տուր նրան՝ պատահել Յամտունին և խոսել նրա հետ...

ԹԵՆԻ.— (ընդհատելով) Իմ ներկայությամբ այդ անկարելի է:

ՊԱՊԱԲ.— Քո ներկայությամբ. Իհարկե ոչ. մի՞թե ես թույլ կտամ, որ իշխանուհու դայակը պատասխանատվության ենթարկվի:

ԹԵՆԻ.— Յապա՞:

ՊԱՊԱԲ.— Յենց որ իշխանն ու օրհորդը կսկսեն խոսել, մենք մի պատրվակով կհեռանանք այստեղից:

ԹԵՆԻ.— Եթե այդպես է, կարող ես հուսալ ինձ վրա:

ՊԱՊԱԲ.— Բայց պետք է շտապես, որովհետև Յամտունը շուտ պիտի գա այստեղ:

ԹԵՆԻ.— (վեր կենալով տեղից) Յենց հիմա կերթամ Ռուզանի մոտ և մի պատրվակով կբերեմ նրան այս կողմը: Բայց մինչև այն՝ իշխանը թող պատրաստ լինի այստեղ: (Դուրս է գնում):

ՊԱՊԱԲ.— (ճանապարհ դնելով Թենիին) Նա պատրաստ կլինի անշուշտ:

ՏԵՍԻԼ Ե

Պապաք (վերադառնալով)

Այս էլ այսպես, ուրեմն հաջողվում է: (Ձեռքերը գոհությամբ շփելով): Այսուհետև Ներսեհը թող պիտի պահե յուր հարսնացուն: Իշխաններն, անշուշտ, կմեղադրեն ինձ, երբ իմանան, որ գործը խանգարվել է իմ ձեռքով: Բայց ինձ ի՞նչ: Ազնիվ կոչվելու համար ես հո չեմ կարող ցնցոտի հագնել կամ ծոմապահության վարժվիլ: Ես միջոց չունիմ, գեթ, հասարակ իշխանի վայել ապրուստ անելու, մինչ Ներսեհն իմ կալվածների եկամուտով բանակներ է կազմում և փառք ու հռչակ ստանալու համար թաթարաց դեմ արշավում: Կարո՞ղ եմ միթե այս անիրավությունը տանել:

ՏԵՍԻԼ Զ

Նույնն և Սմբատ

ՍՄԲԱՏ.—(մտնելով) Ողջոյն, տյար Պապաք:

ՊԱՊԱՔ.—Ողջոյն, իշխան:

ՍՄԲԱՏ.—Ես քեզ էի որոնում:

ՊԱՊԱՔ.—Ծառա եմ հրամանիդ:

ՍՄԲԱՏ.—Այս պալատում, բարեկամ, պատրաստվում է մի խռովություն, որի մեջ, կարծեմ, մատ ունիս և դու:

ՊԱՊԱՔ.—(իբր զարմանալով) Մի խռովություն, որի մեջ մատ ունիմ և ե՞ս:

ՍՄԲԱՏ.—Այո՛:

ՊԱՊԱՔ.—Ենթադրությանդ մեջ, Սմբատ իշխան, կարի համարձակ ես:

ՍՄԲԱՏ.—Ես համարձակ եմ լինում երբ վտանգը տեսնում եմ վերահաս:

ՊԱՊԱՔ.—Քաջի պատասխան է, բայց ի՞նչ խռովության մասին է խոսքը:

ՍՄԲԱՏ.—Այն, որ Համտունը պատրաստվում է հարուցանել:

ՊԱՊԱՔ.—Ես ոչինչ չգիտեմ:

ՍՄԲԱՏ.—Դու նրա խորհրդատուն ես և ոչինչ չգիտե՞ս:

ՊԱՊԱՔ.—Բարի գործի համար ես ամենքի խորհրդատուն եմ:

ՍՄԲԱՏ.—Բայց մի սիրահող միություն քանդելը մի՞թե բարի գործ է:

ՊԱՊԱՔ.—Միություն քանդե՞լը... Ոչինչ չեմ հասկանում, կարո՞ղ ես պարզ խոսել:

ՍՄԲԱՏ.—Ինչու՞ չէ, այդ իմ թուլությունն է:

ՊԱՊԱՔ.—Ուրե՞մն:

ՍՄԲԱՏ.—Հասան-Ձալալ-Տոլան յուր Ռուզան աղջիկը մի՞ մարդու հետ պիտի ամուսնացնես, թե՞ երկու:

ՊԱՊԱՔ.—Եթե քրիստոնյա է՝ մեկ:

ՍՄԲԱՏ.—Իսկ եթե կռապաշտ լինե՞ր:

ՊԱՊԱՔ.—Դարձյալ մեկ:

ՍՄԲԱՏ.—Արդ, ամենքին հայտնի է, որ նա յուր դուստրը խոստացել է Ձորագետի Ներսեհ իշխանին: Ինչո՞ւ ուրեմն Համտունը յուր երկիրը թողած՝ նստել է այստեղ և սպասում է Ձալալին՝ նրա աղջկա ձեռքը խնդրելու համար:

ՊԱՊԱՔ.—Ես Համտունի ինամակալը չեմ, իրենից հարցրու այդ:

ՍՄԲԱՏ.—Բայց Համտունը եկել է խոխանաբերդ քո խորհրդով:

ՊԱՊԱՔ.—Ո՞վ ասաց քեզ այդ:

ՍՄԲԱՏ.—Նրանք, որ ուրիշի ասածովն են տեսնում, ոչինչ չեն տեսնում, ես վաղուց դիտում եմ քո քայլերը և հավատում եմ իմ աչքերին:

ՊԱՊԱՔ.—Քո աչքերը, բարեկամ, շատ վատ են ծառայում քեզ:

ՍՄԲԱՏ.—Ես կխլեմ նրանց, եթե կհաստատես թե՛ դո՛ւ չես այս բանում Համտունին դրդողը:

ՊԱՊԱՔ.—Ուրեմն խլիր, որովհետև Համտունին դրդողը ոչ թե Պապաքն է, այլ տոհմական օրենքը և յուր պատվասիրությունը: Ամենքին հայտնի է, որ իբրև Սյունյաց իշխանի, նրան կպատկանի Բագրատունյաց տոհմի աղջկա հետ ամուսնանալու առաջին իրավունքը: Եվ ահա նա եկել է այդ իրավունքին տիրանալու:

ՍՄԲԱՏ.—Եթե այդպես է, դու մի՛ խառնվիր գործին, իսկ ես կհամոզեմ Համտունին՝ զոհել այդ իրավունքը հասարակաց խաղաղության:

ՊԱՊԱՔ.—Համոզի՛ր, եթե կարող ես: Ես ուրախ կլինիմ, եթե նման կասկածներ հեռու լինին ինձնից: (Նայելով լուսամուտին) Ի դեպ, ահա՛ իշխանը գալիս է այստեղ, փորձի՛ր խոսել հետը, աշխատի՛ր՝ ազդել վրան, ես առ ժամանակ միայնակ կթողնեմ ձեզ, որպեսզի հարկ եղածը բացատրեք նրան ազատորեն: Հետո կվերադառնամ, որ տեսնեմ ինչ եք շահել: (Առանձին): Թող խոսե ինչ կամենում է: Ես Համտունի սրտում այնպիսի թույն եմ կաթեցրել՝ որ սրա դեղթափը չի ազատիլ նրան: Թող սա այստեղ խոսե, իսկ ես կաշխատեմ գործը կարգավորելու:

(Դուրս է գնում)

ՏԵՍԻԼ Ե  
Սմբատ (միայնակ)

Շահը, անձնական շահը... Ամենքի աչքերն էլ դրանով են կուրացած: Ով է մտածում ժողովրդի համար. ում հոգն է թե՛ թշնամին նստած է երկրի սրտում, թե նրա հրոսակները ավերում են հայ գյուղերը: Վայ մեզ, սրանք են, ուրեմն, մեր երկրի պետերը, ժողովրդի պաշտպանները... փոխանակ միանալու և թշնամուն դիմադրելու՝ օրն ի բուն իրար ոտքի տակն են փորում:

ՏԵՍԻԼ Ը  
Սմբատ և Համտուն

ՀԱՄՏՈՒՆ.—(մտնելով) Ողջույն, իշխան. ների՛ր, որ խանգարում եմ քո մենավոր մտածությունները:

ՍՄԲԱՏ.—Շնորհ արա, տե՛ր Համտուն, ավելի լավ է քեզ հետ խոսակցել, քան միայնակ մտորել:

ՀԱՄՏՈՒՆ.—Այո՛ միայնությունը վատ է ազդում և ինձ վրա, մանավանդ այս ամրոցում, ուր, կարծես, ինձ համար դարձնվում է մի դժբախտություն: Չգիտեմ ինչու, ինձ այնպես է թվում թե՛ այս կամարները պիտի փլչեն իմ գլխին: Կարծես մինը շարունակ, արդյոք չար ոգի, թե պահապան հրեշտակ՝ շնջում է իմ ականջում թե՛ հեռացիր այս սրահներից, այստեղ ոչ մի բարիք չէ սպասում քեզ:

ՍՄԲԱՏ.—Բայց դու գտնվում ես մեր ամենից բարի և ամենից առաքինի իշխանի հարկի տակ:

ՀԱՄՏՈՒՆ.—Այդ ես գիտեմ, իմ կասկածը դրա մասին չէ ինձ անհանգստացնում է քո երեկվա գուշակությունը:

ՍՄԲԱՏ.—Այն որ ասացի թե՛ իշխանը կմերժե քեզ:

ՀԱՄՏՈՒՆ.—Այո՛: Եվ ինձ այժմ տանջում է ոչ միայն այն միտքը, թե չի պիտի կարենամ նպատակիս հասնել, այլև այն թե՛ ինչ մեծ գանձ եմ կորցրել իմ անհոգության շնորհիվ:

ՍՄԲԱՏ.—Իշխան, իզուր ես մտածում կորստյան մասին ա՛յն գանձի, որն երբեք չես ունեցել:

ՀԱՄՏՈՒՆ.—Չեմ կարող չմտածել: Ես նմանում եմ ա՛յն անհոգ կալվածատիրոջ, որ յուր գետինը մի չնչին գնով վաճառել է դրացուն, իսկ սա այդ գետնում գտել է ոսկու հանք: Քանի դեռ իմ երերումն էի, գիտեի որ Ջալալ-Տուլան ունի մի աղջիկ, որ գեղեցիկ է և որի հետ ամուսնանալու տոհմական իրավունք ունիմ ես: Այն ժամանակ, արդարև, չէի մտածում այդ աղջկա վրա: Բայց բարի մարդիկ նախանձ գրգռեցին իմ մեջ: Այդ նախանձն այժմ տոչորում է ինձ:

ՍՄԲԱՏ.—Մարդիկ ասացիր: Մի՞թե Պապաք իշխանից զատ մի ուրի՞շն էլ խոսել է քեզ Ռուզանի մասին:

ՀԱՄՏՈՒՆ.—Պապաք իշխանի՞ց... դու ուրեմն գիտե՞ս այդ մարդու անունը:

ՍՄԲԱՏ.—Գիտեի ավելի վաղ, քան ինքը կկարծեր:

ՀԱՄՏՈՒՆ.—Այո՛, բարեկամ, այդ Պապաքն էր, որ իմ իշխանական պատվասիրությունը գրգռեց: Նրա խորհրդով ես եկա մրցելու Ներսեհ իշխանի հետ, բայց շուտով էլ պատժվեցա: Իշխանական սին փառասիրությունը տեղի է տվել այժմ իմ մեջ սիրո տանջանքների:

ՍՄԲԱՏ.—Թույլ կտա՞ս ինձ՝ ազատել քեզ այդ տանջանքներից:

ՀԱՄՏՈՒՆ.—Օ՛, և ինչպիսի՛ շնորհակալությամբ կընդունեմ այդ օգնությունը: Պատրաստ եմ իմ երկրի ամենից բերրի գավառը նվիրել քեզ, միայն թե ասա՝ ինչո՞վ կարող ես օգնել ինձ:

ՍՄԲԱՏ.—Մի բարի խորհրդով:

ՀԱՄՏՈՒՆ.—Իսկ այդ խորհո՞ւրդը:

ՍՄԲԱՏ.—Հեռացիր այստեղից և մոռացիր այս խաչենցի օրիորդին:

ՀԱՄՏՈՒՆ.—(հուսահատաբար) Հեռանա՞լ այստեղից... օ՛, եթե միայն կարենայի, եթե ոտքերս հպատակվեին ինձ...

ՍՄԲԱՏ.—Քո սյունեցի նժույզը մի օրվա մեջ կարող է վերադարձնել քեզ քո երկիրը:

ՀԱՄՏՈՒՆ.—Իհարկե, նա իմ մարմինը կտանե, բայց հոգիս կմնա այստեղ. Հասան-Ջալալի աղջկան ես չեմ կարող մոռանալ:

ՍՄԲԱՏ.—Ով որ հեռանում է, նա էլ մոռանում է. լսի՛ր բարեկամիդ, որ խոսում է անկեղծությամբ:

ՀԱՄՏՈՒՆ.—Հավատում եմ քեզ, իմ բարի իշխան, բայց հեռանալ չեմ կարող:

ՍՄԲԱՏ.—Քո վիճակն ավելի կվատթարանա՝ եթե Ներսեհը վերադառնա այստեղ:

ՀԱՄՏՈՒՆ.—Գիտեմ: Նախանձը, որ այժմ իմ սրտում վառվում է իբրև զոհի հուր, այն ժամանակ կբորբոքի ինչպես մի հրդեհ:

ՍՄԲԱՏ.— Բավական չէ նախանձը: Կծագեն, նաև, ուրիշ գծտություններ:  
ՀԱՄՏՈՒՆ.— Գծտություններից չեմ վախենում, նույնիսկ եթե բոլորը զինվեն իմ դեմ. միայն թե նա՛...  
Նա՛ լիներ ինձ հետ:  
ՍՄԲԱՏ.— Ո՞վ, օրի՞րդը:  
ՀԱՄՏՈՒՆ.— Այո՛, իմ սրտի իշխանուհին...  
ՍՄԲԱՏ.— Նա Ներսեհին է սիրում.  
ՀԱՄՏՈՒՆ.— (հանկարծ հուզվելով) Մի՛ ասիր այդ, Սմբատ իշխան, այս ամբողջ ես կկործանեմ  
միայն այդ խոսքը չլսելու համար:  
ՍՄԲԱՏ.— (զգաստանալով և ինքն իրեն) Սա կատակ չէ անում, ես իզուր եմ խոսում: (Համտունին)  
Ուրեմն ի՞նչ ես մտադիր անելու:  
ՀԱՄՏՈՒՆ.— Չգիտեմ, շփոթված եմ: Ես եկա այստեղ Պապաթի հետ խոսելու, նա է կապել այս  
հանգույցը, նա ինքն էլ պիտի լուծե: Չգիտե՞ս ուր է նա:  
ՍՄԲԱՏ.— Քիչ առաջ այստեղ էր և խոստացավ վերադառնալ:  
ՀԱՄՏՈՒՆ.— Կխոսեմ նրա հետ առանձին:  
ՍՄԲԱՏ.— Եթե այդպես է, ուրեմն չեմ խանգարիլ ձեզ: Խոսեցեք, ինչ կամենում եք: Միայն թե դու,  
ազնիվ իշխան, մի՛ մոռանար իմ խորհուրդը: Եթե քո սերն ու իրավունքը կարող ես զոհել  
հասարակաց բարվոյն, ապա զոհիր քաջությանը, և ամեն բերան կօրհնե քեզ սրտագին:  
ՀԱՄՏՈՒՆ.— Կաշխատեմ, Սմբատ իշխան, ստանալ քո սիրտն ու զգացմունքը: Բայց եթե իմ ջանքն  
ապարդյուն անցնե և խելքը սրտիս վրա իշխել չկարենա՞մ...  
ՍՄԲԱՏ.— Այն ժամանակ, իհարկե, կհաշտվիմ այն մտքի հետ թե՛ մարդը իրեշտակ չէ... թող  
աստված օգնե քո ջանքերին: Պետք է շտապել ճամփել Սուրիկին:

(Արագ դուրս է գնում)

ՏԵՍԻԼ Թ

Համտուն (միայնակ)

Ի՞նչ տարօրինակ զգացմունք է այս: (Ձեռքը դնելով սրտին): Ի՞նչ կա այստեղ. ինչո՞ւ չէ  
հանգստանում... Արդյոք մի աներևույթ ձեռք սեղմել է սրան յուր բռան մեջ, թե՞ սեզ իշխանուհու  
աչքերն են հարվածել: Եվ ինչ. մի թե՛ սա է սերը... Օ՛, ոչ, սերը երկնքից է իջնում, նրան աստված է  
վառում, իսկ այստեղ հրդեհում է մի դժոխք, որ դևերը կարող են բորբոքել...

ՏԵՍԻԼ Ժ

Նույնն և Պապաթ

ՊԱՊԱԹ.— (մտնելով) Ի՞նչ է պատահել քեզ, իշխան, դու այսօր ավելի տխուր ես, քան երբևիցե  
տեսել եմ քեզ:

ՀԱՄՏՈՒՆ.— Հույսս արդեն հատել է. ինձ թվում է թե՛ երկար և ապարդյուն սպասեցի: Մնում է  
միայն հեռանալ:

ՊԱՊԱԹ.— Բայց մեր գործն արդեն հաջողվելու վրա է:

ՀԱՄՏՈՒՆ.— Դու այդ միշտ ես ասում, ուր է ապա հաջողությունը:

ՊԱՊԱԹ.— Ամեն ինչ վերջացած է. մի քանի վայրկյանից Ռուզանն յուր դայակի հետ կգա այս  
սրահը:

ՀԱՄՏՈՒՆ.— Հետո՞:

ՊԱՊԱԹ.— Դու կներկայանաս նրան և քո առաջարկը կանես:

ՀԱՄՏՈՒՆ.— Բայց օրիորդը... կհոժարի արդյոք լսել ինձ:

ՊԱՊԱԹ.— Անհոգ եղիր. նախապատրաստ է այնքան, որ կարող է լսել:

ՀԱՄՏՈՒՆ.— Քո հնարագիտությունը, Պապաթ իշխան, հիացնում է ինձ:

ՊԱՊԱԹ.— Աստծո տված շնորհից պետք է միշտ օգտվել:

ՀԱՄՏՈՒՆ.— Շնորհակալ եմ, բարեկամ: Հենց ա՛յն միջոցին, որ հուսահատությունը ճնշում է իմ

հոգին, դու նրան կազդուրում ես նորից: Եթե քո ջանքերը հաջողությամբ իսկ չպսակվին, այսուամենայնիվ, ես միշտ երախտապարտ պիտի մնամ քեզ:  
ՊԱՊԱԶ.—Բարեկամական պարտքիցս ավելի ոչինչ չեմ արել:

ՏԵՍԻԼ ԺԱ

Առաջիններն և Ասարամ

ԱՍՊՐԱՍ.—(մտնելով՝ հայտնում է Պապաքին իբր զգուշանալով) Իշխան, պատրաստվեցեք, մայր Թենին և Ռուզանը գալիս են այստեղ:

ՊԱՊԱԶ.—Յա՛, շատ բարի, ուրեմն ես կդիմավորեմ օրիորդին, իսկ դու մտածիր թե՛ ի՞նչ պիտի խոսիս հետը: Իմ կարծիքով ազատ ու անկեղծ խոսիլը ավելի լավ է:

ՀԱՄՏՈՒՆ.—Գնա՛, դիմավորի՛ր. խոսելու համար կարիք չունիմ պատրաստվելու:

ՊԱՊԱԶ.—Բարի, (Դարս է գնամ):

ՏԵՍԻԼ ԺԲ

Համտուն (միայնակ)

Բախտը, ուրեմն, դեռ երեսը չէ դարձրել ինձանից, դեռ կարելի է հուսալ: Նախագգացումը, կարծես, շշնջում է իմ ականջի թե՛ նա իմը պիտի լինի: Օ, եթե այդ ճիշտ լիներ, եթե նա կարողանար ինձ սիրել, ինձ մտերմանալ և յուր սիրտն ու բախտը իմ ձեռքը հանձնել...

Տեսիլ ԺԳ

Նույն, Պապաք, Ռուզան և Թենի

ՊԱՊԱԶ.—(մտնելով Ռուզանի հետ) Այո՛, իշխանուհի, հենց իսկույն կամենում էի բարձրանալ քո դստիկոնը և խնդրել իշխանի կողմից՝ (ցույց տալով Համտունի վրա), որ հաճեիր թույլ տալ իրեն՝ ներկայանալ քեզ:

ՌՈՒԶԱՆ.—Ուրախ եմ, որ այդ նեղությունը չեմ պատճառել քեզ: (Համտունին դառնալով): Ինչո՞վ կարող եմ ծառայել իշխանին:

ՊԱՊԱԶ.—Տյար Համտունը, կարծեմ, կարիք ունի քո խորհրդին:

ՀԱՄՏՈՒՆ.—(Ռուզանին) Եթե մեծաշուք օրիորդը կհաճի նվիրել ինձ մի քանի վայրկյա՞ն....

ՌՈՒԶԱՆ.—Բարի խորհրդի համար պատրաստ եմ զոհել մի ժամ:

ԹԵՆԻ.—Իսկ ես, դստրիկս, մինչև դուք կխոսեք, կիջնեմ մատուռը մի փոքր աղոթելու.....

(Պապաքին): Պապաք իշխան, կարո՞ղ ես ինձ օգնել:

ՊԱՊԱԶ.—Սանդուղքներից իջնելո՞ւ, ամենայն սիրով: Ով որ հաճախ չէ աղոթում նա պետք է մի բանով ծառայե աղոթողներին, որպեսզի նրանց աղոթքից շահվի և ինքը. տուր ինձ քո ձեռքը, մայր Թենի (Թենիի թևն առնելով՝ դուրս են գալիս):

ՏԵՍԻԼ ԺԴ

Համտուն և Ռուզան

ՌՈՒԶԱՆ.—(Թենիի ետևից նայելով) Բարեպա՞շտ կին: Օրը քանի՞ անգամ է սա մատուռ իջնում աղոթելու:

ՀԱՄՏՈՒՆ.—Երջանիկ է, ով հանգիստ խիղճ ունի և կարող է աղոթել:

ՌՈՒԶԱՆ.—Այո՛, իմ դայակը բախտավոր է այդ կողմից: Բայց... ներողություն, ես իշխանի այցելության պատճառը չհարցրի:

ՀԱՄՏՈՒՆ.—Իմ այցելության պատճառը, ազնիվ օրիորդ, է իրավունքի մի բռնաբարումս, որի համար եկել եմ պաշտպանություն խնդրել քեզանից:

ՌՈՒԶԱՆ.—Իրավունքի բռնաբարո՞ւմ... տարօրինակ դարձված է այդ, տյա՛ր Համտուն: Եթե իրավունքը Սյունյաց իշխանինն է և բռնաբարողը նրանից հզոր մեկը, ապա դժվար թե մի կին կարողանա պաշտպանել քեզ:

ՀԱՄՏՈՒՆ.— Ազնիվ օրիորդ, գործ դրված բռնությունը զորություն է ստացել քո համաձայնությամբ: Եթե այդ համաձայնությունը դու վերապահես քեզ, այն ժամանակ բռնությունը կթուլանա ինքնիրեն:

ՌՈՒԶԱՆ.— (հուզվելով) Իշխան, ես իմ կյանքում չեմ քաջալերել ոչ մի անիրավ գործ:

ՀԱՄՏՈՒՆ.— Դու իսկապես չես մտածել քաջալերել մի անիրավություն: Բայց համաձայնվելով երջանկացնել մինին՝ զրկել ես բախտից մի ուրիշին:

ՌՈՒԶԱՆ.— Քո խորհրդավոր խոսքերը չեմ հասկանում, իշխան, հաճիր պարզ խոսել:

ՀԱՄՏՈՒՆ.— Թույլ կտա՞ս ինձ անկեղծ լինել:

ՌՈՒԶԱՆ.— Կիսնդրեմ... Թաքնող ճշմարտության արժեքը ստությունից ավելի չէ, ազնիվ մարդը չպետք է կեղծի:

ՀԱՄՏՈՒՆ.— Ուրեմն ես կխոսեմ քեզ հետ ինչպես իմ...

ՌՈՒԶԱՆ.— (ընդհատելով) Ինչպես քո քրոջ հետ:

ՀԱՄՏՈՒՆ.— Իշխանուհի, դու ինձ հրամայում ես անկեղծ լինել, բայց կաշկանդում ես իմ լեզուն:

ՌՈՒԶԱՆ.— Ինձ զարմացնում է քո վարանումը, իշխան, եթե չես կարող ազատորեն խոսել, ապա լավ է որ չխոսես, ես սովոր չեմ լսել այն, ինչ մարդիկ վախենալով են արտասանում:

ՀԱՄՏՈՒՆ.— Վախենալու և ակնածելու մեջ տարբերություն կա, օրիորդ, կատաղած առյուծի ժանիքները ինձ չեն վախեցնիլ. բայց քո հայացքը պատկառանք է ազդում:

ՌՈՒԶԱՆ.— Չկա աշխարհում մի ճշմարտություն, որն ազնիվ մարդն ամաչեր հայտնել: Խոսիր այնպես ազատ, ինչպես վայել է մի ազատ իշխանի:

ՀԱՄՏՈՒՆ.— Բարի, ուրեմն, կխոսեմ: (Մի փոքր մտածելուց հետո): Դու գիտես, օրիորդ, որ մեր և ձեր իշխանական տների մեջ կան ավանդական սովորություններ, որոնք հարգվել են մեր արժանավոր նախահայրերից և որոնք պտի հարգվեն նրանց հետևորդներից:

ՌՈՒԶԱՆ.— Անշուշտ այդպիսի սովորություններ կան:

ՀԱՄՏՈՒՆ.— Դրանցից մինը այն է, որ Բագրատունյաց ցեղի աղջիկը Սյունյաց տոհմին էր հարսնանում, իսկ Սյունյաց օրիորդը՝ Բագրատունյաց տանը:

ՌՈՒԶԱՆ.— Գիտեմ. նույնիսկ հայրս, որ Բագրատունյաց ցեղի իշխան էր, Սյունյաց Գրիգոր իշխանի դստեր հետ ամուսնացավ: Բայց ինչի՞ համար են այդ հիշողությունները:

ՀԱՄՏՈՒՆ.— Ձալալ մեծ իշխանի աղջիկը, օրիորդ, Սյունյաց տան հարսը պիտի լիներ, բայց որի՞ն են նրա համար փեսացու ընտրել:

ՌՈՒԶԱՆ.— Իմ մասի՞ն է քո խոսքը:

ՀԱՄՏՈՒՆ.— Այո, օրիորդ. Սյունյաց իշխանը տոհմական իրավունք ունի քեզ յուր հարսնացուն անվանելու:

ՌՈՒԶԱՆ.— Իրավո՞ւնք, տե՛ր աստված, իրավո՞ւնքն է ուրեմն ամուսնության շաղկապը:

ՀԱՄՏՈՒՆ.— Ոչ, իշխանուհի. ամենից առաջ՝ սրբազան սերը: Բայց երբ այդ սիրով լցված ազնիվ սիրտը մերժվում և արհամարհվում է, այն ժամանակ, արդեն, երևան է գալիս իրավունքի խնդիրը:

ՌՈՒԶԱՆ.— Եվ ո՞վ է իրավատերը:

ՀԱՄՏՈՒՆ.— Ես, որ միևնույն ժամանակ քո երկրպագուն եմ և ստրուկը:

ՌՈՒԶԱՆ.— Երկրպագիր միայն Կատարյալին, իսկ ստրկությունը անարգ արհեստ է:

(Վսեմությամբ): Քեզ վրա, Համտուն իշխան, ավելի մեծ համարում ունեի:

ՀԱՄՏՈՒՆ.— Այդ համարումը չպետք է նվազի. որովհետև անարգ մարդը չէր կարող քեզ պաշտել, որովհետև...

ՌՈՒԶԱՆ.— (ընդհատելով) Որպեսզի չնվազի, թույլ տուր, որ քո սիրո մասին ուրիշ բացատրություններ չլսեմ:

ՀԱՄՏՈՒՆ.— Իշխանուհի, թող որ խոսիմ, թող որ առ քեզ տածած իմ զգացմունքն արտահայտեմ, թող որ ասեմ թե՛ սիրում եմ քեզ...

ՌՈՒԶԱՆ.— (տեղից վեր կենալով) Իշխան՛ն, ների՛ր, որ ավելին չեմ կարող լսել: Գուցե իմ ընտանեկան կրթությունը, կամ կանացի երկչոտությունս է պատճառ, որ Սյունյաց իշխանի սիրո խոստովանությունը դողալով եմ լսում, բայց այդ այդպես է: Իմ ապագա բախտի տնօրինության իրավունքն իմ սիրելի ծնողներին է պատկանում, ես հնազանդում եմ նրանց հրամանին՝ ինչպես երկնառաք պատգամի. հետևապես ինքս իմ մասին որոշում անել չեմ կարող:

ՀԱՄՏՈՒՆ.— Բայց եթե քո հայրը ցանկանա յուր ընտրությամբ քեզ դժբախտացնել, միթե ոչ մի բողոք չի պիտի բառնաս նրա դեմ:

ՌՈՒԶԱՆ.— Ես հավատում եմ իմ հոր առ իս ունեցած սիրույն, ուստի և իմ ապագայի վերաբերմամբ նրա փորձառությունն ու հեռատեսությունն ավելի գին ունի իմ աչքում, քան իմ անփորձ

զգացմունքները... Թող որ այս խնդրի մասին վերջինը լինի մեր տեսակցությունը: (Վայելչաբար գլուխ տալով՝ շուռ է գալիս դեպի դուռը):  
ՀԱՄՏՈՒՆ.—Օրիորդ, դարձյալ մի խոսք:  
ՌՈՒԶԱՆ.—(Կես դեպի ետ դառնալով) Ազնիվ իշխան, ես բոլորը ասացի: (Դուրս է գնում):

ՏԵՍԻԼ ԺԵ

Համտուն, հետո Պապաք

ՀԱՄՏՈՒՆ.—(միայնակ և զայրացած) Ի՞նչ, ուրեմն, նա ինձ մերժում է. նա, մինչև անգամ, չէ կամենում ինձ լսել՝ այս արդեն չափազանց է. ստորանալ մինչև այս աստիճան... (Դառնալով Պապաքին, որ այդ րոպեին մտնում է): Պապաք իշխան, նա ինձ մերժեց, ես անպատված եմ:

ՊԱՊԱԷ.—Հանգիստ եղիր. ես բոլորը լսեցի. նա չմերժեց քեզ:

ՀԱՄՏՈՒՆ.—(շփոթված) Ինչպե՞ս, ուրեմն ես... Ի՞նչ, շփոթված էի... կամ գուցե լավ չլսեցի... բայց նա բացեիբաց մերժեց:

ՊԱՊԱԷ.—Ո՛չ, նա մերժման համար ոչ մի խոսք չասաց, այլ առարկեց թե՛ ինքն յուր հոր հլու հպատակն է, այդ կնշանակե թե՛ հայրս հրամայում է ինձ Ներսեհին գնալ, գնում եմ, կհրամայե քե՞զ հետ ամուսնանալ, քեզ հետ կամուսնանամ: Հասկացա՞ր:

ՀԱՄՏՈՒՆ.—(բարկանալով) Է՛հ, ի՞նչ ես դու քեզանից ենթադրություններ անում:

ՊԱՊԱԷ.—Ենթադրություն չէ, այլ իսկություն: Օրիորդը քեզ

հետ համակրությամբ խոսեց. նա, մինչև անգամ, շեշտեց թե՛ հոր հրամանը գերադասում է յուր զգացմունքներին, հասկանո՞ւմ ես. այդ կնշանակե թե՛ նա զգացմունքներ էլ ունի քեզ համար, բայց, իբրև պարկեշտ աղջիկ, ծածկում է յուր հորից: Նա ասաց թե՛ ինքն իրավունք չունի ինքնակամ յուր բախտը տնօրինելու և թե՛ այդ

դեպքում՝ հնազանդում է հոր հրամանին՝ ինչպես երկնառաք պատգամի:

ՀԱՄՏՈՒՆ.—Այո՛, այդպիսի մի բան ասաց:

ՊԱՊԱԷ.—Իհարկե, ասաց. դու հուզված էիր և ամեն բան չլսեցիր: Երբ մարդու կիրքն ելնում է՝ ականջներն այլևս չեն ծառայում նրան: Դու չպետք է քեզ այդպես շուտ կորցնեիր:

ՀԱՄՏՈՒՆ.—Օ՛, այդ աղջկա հայացքը կշփոթեցնե ամենից սառնարյուն մարդուն: Յոթանասնամյա ծերունին, անգամ, կկորցնե նրա առաջ յուր փորձառու իմաստությունը:

ՊԱՊԱԷ.—Եվ, ահա՛, հենց այդպիսի գանձը չպետք է ձեռքից հանել:

ՀԱՄՏՈՒՆ.—(հառաչելով) Ավա՛ղ, նա արդեն ելած է իմ ձեռքից:

ՊԱՊԱԷ.—Ո՛չ, ասում եմ քեզ. բոլոր նրա խոսածներից ես ա՛յն հետևցրի թե՛ նա մի զոհ է կամակոր հոր ձեռքում. թե՛ նա ճնշված է ծնողական հրամանի տակ. այս դեպքում, մինչև անգամ, պետք է կարեկցել և պաշտպանել նրան:

ՀԱՄՏՈՒՆ.—Բայց եթե դու սխալվո՞ւմ ես:

ՊԱՊԱԷ.—Չեմ սխալվում բոլորովին: Եթե օրիորդը քեզ չհամակրեր, ապա նա չէր գալ քեզ հետ տեսակցելու:

ՀԱՄՏՈՒՆ.—(մտախոհ) Այո՛, այդ ճիշտ է... բայց չէ՞ որ նա չկամեցավ մինչև վերջն ինձ լսել:

ՊԱՊԱԷ.—Նա վեր կացավ տեղից, հենց որ դու ասացիր թե՛

«սիրում եմ քեզ»:

ՀԱՄՏՈՒՆ.—Այո՛:

ՊԱՊԱԷ.—Եվ ավելացրեց թե՛ «ների՛ր, որ քո սիրո խոստովանությունը դողալով եմ լսում»:

ՀԱՄՏՈՒՆ.—ճիշտ որ այդպես ասաց:

ՊԱՊԱԷ.—Եվ ապա բացատրեց թե՛ դրա պատճառը յուր ընտանեկան կրթությունը և կանացի երկչոտությունն է...

ՀԱՄՏՈՒՆ.—՛, ի՞նչ լավ հիշում ես: Իրավ որ այդ՝ ամենը ես լսեցի:

ՊԱՊԱԷ.—Ուրեմն էլ ուրիշ ի՞նչ կարող էր ասել մի իշխանագուն օրիորդ, որ առաջին անգամն էր սիրո խոստովանություն լսում:

ՀԱՄՏՈՒՆ.—Եթե այդ բոլորը ճիշտ է, Պապաք իշխան, ուրեմն այս ամբողջից ես չեմ հեռանալ:

ՊԱՊԱԷ.—Այո՛, չի պիտի հեռանաս և պիտի պնդես քո իրավունքների վրա:

ՀԱՄՏՈՒՆ.—Կայնդե՞մ. և, եթե հարկ լինի՝ նույնիսկ կռվի կելնեմ Ներսեհ իշխանի դեմ: Թող կամ նա՛ ինձ ոչնչացնե, և կամ ե՛ս նրան: Մեզանից ով որ կենդանի կմնա, թող նա էլ ժառանգե այս գեղեցկուհուն:

ՊԱՊԱՔ.—Տո՛ւր ձեռք սեղմեմ, այր մարդու վճիռ է:  
ՀԱՄՏՈՒՆ.—(աջը պարզելով) Սեղմի՛ր և եղի՛ր իմ վկան:

Վարագույր

ԵՐԿՐՈՐԴ ՊԱՏԿԵՐ

Ձալալ իշխանի հանդիսավոր ընդունելության ընդարձակ և սյունազարդ դահլիճը՝  
քանդակազարդ պատերով և առաստաղով, սրակամար պատուհաններով և ոսկեզօծ դռներով:  
Սյուների վրա կախված են հնատարազ գենքեր ու դրոշակներ, պատերի տակ շարված՝  
թավջապատ բազմոցներ:

ՏԵՍԻԼ Ա  
Ձալալ և Ռուզան

(Ներս մտնելով—միմյանց թևանցուկ. Ռուզան՝ թաշկիևակն աչքերին)

ՁԱԼԱԼ.—Հանդարտի՛ր, զավակս, հանդարտի՛ր: Քեզ արդեն ասացի, որ ես մաս չունիմ այդ  
գործում: Համտունն այցելել է քեզ առանց իմ գիտության. նա օգուտ է քաղել իմ  
բացակայությունից:

ՌՈՒԶԱԼ.—Ինձ վշտացնողը, հայր իմ, Համտունի այցելությունը չէ, այլ այն լուրը, որ պտտվում է  
ամրոցի կանանց բերանում: Ամեն անկյունում այդ մասին են խոսում:

ՁԱԼԱԼ.—Այդ լուրը հնարված է. ես քո ձեռը չեմ մերժել Ներսեհին:

ՌՈՒԶԱԼ.—(խնդագին) Ինչպե՞ս. դու չես մերժել նրան... ո՛հ, ասա՛, հայր իմ. ես կամենում եմ նորից  
լսել այդ:

ՁԱԼԱԼ.—Այո՛, զավակս, չեմ մերժել և ոչ իսկ մերժել կարող էի. Ներսեհը վաղուց սահմանված է քեզ  
համար:

ՌՈՒԶԱԼ.—(ուրախացած) Ա՛հ, որքա՛ն բարի ես, հայր իմ... (Համբուրում է հոր ձեռքը): Բայց ինչո՞ւ  
Ներսեհն այլևս չէ հաճախում այստեղ. տասն օրեն ավելի է՝ ինչ չեմ տեսել նրան:

ՁԱԼԱԼ.—(սստելով աթոռի վրա և յուր մոտ նստեցնելով Ռուզանին) Լսի՛ր դուստրս և ամեն բան  
կիմանաս: (Ինքն իրեն): Պետք է վերջապես ծանոթացնել սրան բուն ճշմարտությանը: (Դառնալով  
Ռուզանին): Բավական ժամանակ է, սիրելի Ռուզանս, ինչ հրամանով, ո՛չ մի անախորժ լուր չէ  
թափանցել քո դստիկոնը սրտիդ խաղաղությունը վրդովելու համար: Թե ինչե՛ր էին անցնում իմ  
իշխանության մեջ, թե ինչ հոգսեր էին կնճռում քո հոր ճակատը, թե ինչո՛ւ նա օրերով  
բացակայում էր ամրոցից, այս ամենի մասին չէր հայտնվում քեզ ոչինչ...

ՌՈՒԶԱԼ.—(հորն ընդհատելով) Ինչպես, հայր իմ, դու հոգսեր ու վշտեր ես ունեցել և ոչինչ չես  
հայտնել ինձ:

ՁԱԼԱԼ.—Այո՛, սիրելիս, որովհետև ճանաչում էի քո զգայուն սիրտը և չէի կամենում վշտացնել  
նրան:

ՌՈՒԶԱԼ.—Ա՛խ, հայր իմ միթե կարելի է:

ՁԱԼԱԼ.—Այդպես էլ պետք էր, սիրելի զավակս: Քո մասնակցությունը չէր կարող իմ վշտերը  
բառնալ, ուրեմն և հարկ չկար տխրեցնել քեզ իզուր: Բայց այժմ որովհետև կամենում ես Ներսեհի  
բացակայության պատճառն իմանալ, ուստի ստիպված եմ ծանոթացնել քեզ այն  
հանգամանքներին, որոնց հետ կապ ունի Ներսեհի բացակայությունը:

ՌՈՒԶԱԼ.—Լսում եմ քեզ, սիրեցյալ հայր:

ՁԱԼԱԼ.—Այս դարը, որի մեջ ապրում ենք, սիրելի Ռուզան, արտասուքի, արյան ու թշվառության  
դար է: Ինչպես Հայաստանի բոլոր մանր իշխանությունները, նույնպես և իմ երկիրը  
շրջապատված է թշնամիներով, դրանցից մինն ու վտանգավորը որ թաթարաց վայրենիների  
գունդն է, բռնած ուներ մինչև այժմ հաչենի սահմանը և հարմար առիթի էր սպասում իմ երկիրը  
մտնելու և այն հիմնահատակ անելու: Իմ հպատակներն ամեն օր երկյուղի ու սարսափի մեջ էին, և  
նրանց իշխանը, որ քո դժբախտ հայրն է, չէր կարողանում զենքի զորությամբ ապահովություն  
բերել յուր հպատակներին: Նրանց գլխին կախված էր փորձության սուրը:

ՌՈՒԶԱԼ.—Աստված իմ... Եվ այդ ամենի մասին ոչինչ չե՛ք հայտնել ինձ:

ՋԱԼԱԼ.—Այո՛, Ռուզան. և ահա՛ այս էր պատճառը, որ երբ Ներսեսը քիչ ժամանակ առաջ եկավ ինձ մոտ ձեր ամուսնության նկատմամբ իմ վերջնական համաձայնությունն ստանալու, ես նրան ասացի, «Որոյակ իմ, քեզ հայտնի է իմ իշխանության ու ժողովրդի արդի անապահով դրությունը. դու գիտես, թե ի՞նչ վտանգ կարող է հասնել նրանց, եթե գեթ մի օր ինքս ինձ տամ անհոգ զվարճության: Իմ երկրի սահմանը բռնող թշնամին արծվի սրատեսություն և շան հոտառություն ունի. բավական է իմ կողմից փոքր զանցառություն և ահա նրա գնդերը կբռնեն մեր բլուրները, իսկ ա՛յն երկիրն, ուր նրանց ոտքն է կոխում, կանաչ չի բուսուցանում: Իմ դատեր ամուսնությունը, ասացի, մի հասարակ հանդեսով չի անցնիլ. իսկ իշխանական տան վայել խրախճանով պարապելու ես ժամանակ չունիմ, համբերիր, ասացի, մի առ ժամանակ, մինչև իմ այս թշնամին յուր որջը կդառնա և իմ երկրի մեջ կտիրե ապահովություն, այն ժամանակ ես կօրհնեմ ձեր միությունը և մեր բոլոր ժողովուրդը կմասնակցի այդ ուրախության»:

ՌՌԲՉԱԼ.—Եվ Ներսեսին, իհարկե, խոստացավ համբերել:

ՋԱԼԱԼ.—Այո:

ՌՌԲՉԱԼ.—Իսկ այդ խոստումը մի՞թե կարող էր արգելել նրան ըստ սովորականին մեզ այցելելու:

ՋԱԼԱԼ.—Կարող էր արգիլել, եթե նա կերթար քո և յուր երջանկության խոչընդոտները բառնալու:

ՌՌԲՉԱԼ.—Ուրեմն նա գնացել է մեր թշնամու դե՞մ պատերազմ:

ՋԱԼԱԼ.—Այո՛, պատերազմ: Եվ աստծո աջը զորավիճ կլինի նրան:

ՌՌԲՉԱԼ.—Անշուշտ: Բայց ես զարմանում եմ, թե ինչո՞ւ Ներսեսը մի խոսք անգամ չասաց այդ արշավանքի մասին, երբ վերջին անգամ եկավ յուր հրաժեշտն ինձ տալու:

ՋԱԼԱԼ.—Ազնիվ երիտասարդն ինձ ևս չհայտնեց ոչինչ: Բայց յուր ձեռնարկության լուրը մեր հետամուտները բերին:

ՌՌԲՉԱԼ.—Իսկ այդ ձեռնարկության ե՞լքը:

ՋԱԼԱԼ.—Առաջին հարձակումը հաջողակ է անցել: Ներսեսը գրավել է թշնամու դիրքը, իսկ այնուհետև նոր լուր դեռ չունիմ. այսօր անշուշտ մեզ սուրհանդակ կգա:

ՌՌԲՉԱԼ.—Եվ երանի՛, թե նա ուրախ լուր բերե:

ՋԱԼԱԼ.—(վերկենալով տեղից) Աստծո օգնությամբ ուրախ լուր կբերե: Միայն թե դու քեզ հանգիստ պահիր այժմ և ազատ եղիր ամեն հոգսերից: Ներսեսը, հույս ունիմ, կվերադառնա հաղթությամբ: Եվ որպեսզի հակառակորդները ժամանակ չունենան գործելու, ես քո ձեռը հանդիսաբար կհանձնեմ իշխանին, հե՛նց որ նա հաղթանակով մուտ կգործե այստեղ:

ՌՌԲՉԱԼ.—Ահ, շնորհակալ եմ, հայր իմ: (Յամբուրում է ձեռը) Դու անսահման բարի ես դեպի քո դուստրը:

ՋԱԼԱԼ.—Կատարում եմ իմ պարտքը, որոյակ, միայն իմ պարտքը: (Դուրս է գնում):

## ՏԵՍԻԼ Բ

### Ռուզան (միայնակ)

Այժմ ամեն ինչ պարզ է ինձ համար: Այս լուրը հնարված էր: Ես այդ պիտի գուշակեի Յամտունի անսպաս այցելությունից և զուր տեղը չանհանգստացնեի հորս, բայց չկարողացա: Ես հանցավոր չեմ: Երբ մարդ ունի այդպիսի գանձ, որի պահպանության համար դողում է ամեն վայրկյան, այն ժամանակ հողմի շունչն իսկ թունդ է հանում նրա սիրտը: Այո՛, այսպես է: Իմ աննման իշխանի սերը դարձրել է ինձ կասկածոտ... բայց, աստված իմ, այս ի՞նչ նորություն էր, որ հայրս հաղորդեց: Ուրեմն Ներսեսը կանգնած է այժմ թշնամու դեմ... կամ գուցե արդեն կռվում է նրա հետ... իսկ եթե հանկարծ մի նետ՝ ապիրատ ձեռքից արձակված՝ գա և զարկե նրա գեղալանջ կրծքին... եթե հանկարծ մի տեգ նրա կողը մեխվի, կամ մի դարանակալ սուր նրա արևը խավարե ... Օ՛, այն ժամանակ... բայց ոչ. հեռո՛ւ ինձանից վեհերոտ մտքեր. արդար գործին աստված ինքն է առաջնորդում նրա աջը կպաշտպանե խաչի զինվորներին...

Բայց իմ հայրը, տեր աստված, որքա՞ն վշտերով, որպիսի՞ հոգսերով ծանրաբեռնված է եղել և այս ամենը ինչպե՞ս ծածկել է ինձանից... Եվ ինչո՞ւ, չեմ հասկանում, մի՞թե ես այս գերդաստանի անդամը չեի և չի պիտի գիտենայի թե՛ ինչե՞ր են գործվում իմ հոր իշխանության մեջ, իմ տանը, իմ շուրջը. ինչո՞ւ, պիտի ծիծաղեի ես այն ժամանակ, երբ իմ հոր սիրտը արտասվում էր թաթուն... մի՞թե ես նրան չեի՛ կարող օգնել, մի՞թե ես ոչինչ չեի՞ կարող զոհել... (Լսվում է շշուկ և՛ գալարափողի ձայն, Ռուզանը դիմում է դեպի պատուհանը): Այս ի՞նչ ձայներ են...

ՏԵՍԻԼ Գ  
Նույն և Շանույշ

ՇՆՈՒՅՇ.—(շտապով ներս վազելով) Տիրուհի՛, ուրախ լուր...

ՌՈՒՉԱՆ.—Ի՞նչ կա, Շանույշ. ի՞նչ աղմուկ է այս:

ՇԱՆՈՒՅՇ.—(ուրախությամբ շնչասպառ) Ներսեհ իշխանը, տիրուհի...

ՌՈՒՉԱՆ.—(շտապով ընդհատելով) Ի՞նչ, նա եկա՞վ... (Անհանգիստ): Ասա շուտ, նա եկա՞վ...

ՇԱՆՈՒՅՇ.—Այո՛, տիրուհի. փողերը նրա գալուստն են ավետում:

ՌՈՒՉԱՆ.—(խնդագին) Ա՛հ, աստված իմ. շնորհակալ եմ քեզանից, դու երջանկության նոր աղբյուր բացիր ինձ. (դառնալով Շանույշին): Բայց ո՞ւր է նա, Շանույշ, չէ՞ գալիս ինձ մոտ...

ՇԱՆՈՒՅՇ.—Ահա, նա, տիրուհի:

ՏԵՍԻԼ Դ  
Ռուզան և Ներսեհ  
(Ներսեհ է մտնում Ներսեհը)

ՌՈՒՉԱՆ.—Ներսեհ, սիրեցյալդ իմ, այս որբա՛ն անհանգստությունն պատճառեցիր ինձ:

ՆԵՐՍԵՅ.—Ների՛ր ինձ, բարի Ռուզան, որ մեր երջանկությունը ապահովելու համար՝ այս անգամ քեզանից գաղտուկ գործեցի:

ՌՈՒՉԱՆ.—Եվ եթե ավելի երկարեր բացակայությունդ, սրտիս տխրութենն պիտի ընկճվեի:

ՆԵՐՍԵՅ.—Ա՛, մի՞թե չգիտեիր թե՛ ուր էլ որ լինիմ, քեզ համար կապրիմ:

ՌՈՒՉԱՆ.—Այո , բայց պատերազմի դաշտո՞ւմ...

ՆԵՐՍԵՅ.—Պատերազմի դաշտո՞ւմ... օ՛, այնտեղ մեռնողը ապրում է ավելի՛ քան ամենից երկարակյացը աշխարհի մեջ: Եվ կա՞ արդյոք մի կյանք ավելի փառապանծ, քան այն՝ որ ժառանգում է զինվորը՝ հայրենիքի համար մեռնելով: Այո՛, Ռուզան, չկա նույնպես մի տեղ, ուր քաջի կուրծքը կարողանար շունչ քաշել այնպե՛ս ազատ, ինչպես պատերազմի դաշտում, ուր բանակները կռվում են մահու և կյանքի դեմ... Չկա ավելի մեծ հաճույք՝ քան տեսնել հայ քաջերին արյունախանձ կատաղության մեջ՝ երբ բորբոքում է ճակատամարտը, կամ սուսերամերկ և սրարշավ՝ երբ նահանջում է թշնամին: Ամեն անգամ, երբ կռվի խառնակության մեջ, փշրվող նիզակների մոտ, կամ նետերի տարափի տակ աչքիս է ընկնում հայրենական դրոշակը, որ ազատ ծածանում է քաջերից մինի ձեռքում. ամեն անգամ, երբ տեսնում եմ այդ դրոշակի փառքի համար նահատակվող մեր մանկտին, սիրտս լցվում է հրճվանքով, բազուկներս գերբնական ուժ են ստանում, և իմ ձայնը որոտում է ինչպես մի մրրիկ, որ շառաչում է անտառի մեջ... Այո՛, Ռուզան, սիրելի է պատերազմի դաշտը, մանավանդ ա՛յն ժամանակ, երբ այնտեղ դարբնվում է հայրենիքի փառքն ու փրկությունը...

ՌՈՒՉԱՆ.—Օ՛, ինչպե՛ս ոգևորում ես դու ինձ... կցանկանայի լինել մի զինվոր և կռվել քո դրոշի տակ... Բայց ասա՛ ինձ. ինչ ելք ունեցավ քո արշավանքը, և ի՞նչ հաջողություն քո սուրը:

ՆԵՐՍԵՅ.—Մի թե հաղթվելուց ետ քո աչքին կերևայի՞:

ՌՈՒՉԱՆ.—(հրճվանքով) Ուրեմն հաղթությա՞մբ վերադարձար:

ՆԵՐՍԵՅ.—Այո՛, քեզ համար, իմ պաշտելի կույս:

ՌՈՒՉԱՆ.—Կեցցե՛ս, իմ քաջ, և ուրեմն թշնամին անհետացա՞վ մեր սահմաններից:

ՆԵՐՍԵՅ.—Անհետացավ իսպառ:

ՌՈՒՉԱՆ.—Եվ ժողովուրդն այսուհետև պիտի ապրի խաղաղության մե՞ջ:

ՆԵՐՍԵՅ.—Անշուշտ:

ՌՈՒՉԱՆ.—Եվ գեղջուկն յուր դաշտը կհերկե հանգիստ, իսկ մշակն յուր արտը կինձե ապահո՞վ...

ՆԵՐՍԵՅ.—Ոչ ոք այլևս չի խանգարիլ նրանց:

ՌՈՒՉԱՆ.—Ո՛վ իմ աննման, այժմ ավելի քան երբեք սիրում եմ քեզ, և եթե իմ այս սրտի փոխարեն կյանքս էլ պահանջեիր, սիրով կնվիրեի քեզ, իբրև ժողովրդայն ազատարարին... դեհ, այժմ պատմիր ինձ քո արշավանքի մանրամասնությունը:

ՆԵՐՍԵՅ.—Ամենայն սիրով... բայց իշխանները գալիս են, դեռ դիմավորենք նրանց:

**ՏԵՍԻԼ Ե**

Առաջինները, Ձալալ, Մամբան, Թեճի, Չաբարե,  
Սմբատ, Պապաբ, Յամտուն, Ումեկ

**ՋԱԼԱԼ.**— Իշխաններ, դուք ճանաչում եք այն երիտասարդին (մատնացույց անելով Ներսեսի վրա):  
Յուր մանկության հասակից, ճանաչում եք և նրա հինավուրց ազգատոհմը:

Սրա նախնիքը հայտնի էին իրենց հավատարմությամբ դեպի մեր թագավորները և  
անձնվիրությամբ՝ դեպի հայրենիքը: Ինչպես տեսնում եք, արժանավոր որդին հետևում է յուր  
նախահարց շավղին: Նա այսօր հաղթական վերադառնում է այն ասպարեզից, ուր դուք վաղուց  
գործում էիք, և ուր գործել են յուր նախնիք: Թաթարաց այն հզոր բանակը, որ մեր սահմանում  
գտնվելով՝ ահ ու սարսափ էր ազդում Խաչենի ժողովրդին, Ներսեսի իշխանի շնորհիվ իսպառ  
ջնջված է, իսկ նրա գլխավորները՝ գերված ու կապված: Այսպիսով, ուրեմն, մեր երկրի  
խաղաղությունը ապահովված է երկար, և այս բարիքը մենք պարտական ենք իշխան Ներսեսին:  
Ցանկանալով արժանապես վարձատրել նրա այս արիության գործը, կամենում եմ այդ առթիվ  
ստանալ իշխանուհիվ և ձեր հաճությունը, իշխաններ:

**ՄԱՄԲԱՆ.**— Վարձատրիր իշխանին այնպիսի պարգևով, որին արժանի է յուր ցույց տված  
ծառայությունը. ես դրա համար տալիս եմ իմ սրտագին հաճությունը:

**ՉԱԲԱՐԵ.**— Հայրենիքի օգտին նվիրած ծառայությունը արժանի է միշտ լավագույն  
վարձատրության: Ես համաձայն եմ քո մտադրության հետ:

**ԻՇԽԱՆՆԵՐ.**— Մենք ևս, մենք ևս:

**ՋԱԼԱԼ.**— (հանդիսաբար մոտենալով Ներսեսին) Որոյակ իմ, դու արժանի ես այն պարգևին, որը  
վաղուց հետո սահմանված է եղել քեզ համար, բայց որը տակավին հանձնված չէ եղել քեզ  
հանդիսացար: Այդ պարգևը դու ամենաթանկագինն ես համարել բոլոր բարիքներից: Եվ ահա իմ  
հատուկ ցանկությամբ և իշխանուհիվ ու մեր հարգելի իշխանների հաճությամբ ես տալիս եմ քեզ  
այն իբրև մրցանակ քո փառավոր հաղթության: (Բռնելով Ռուզանի ձեռքը և հանձնելով  
Ներսեսին): Ահա՛ նա:

**ՆԵՐՍԵՅ.**— (զգացված) Դու ինձ ամենաերջանիկը կացուցիր աշխարհում, մեծ իշխան:

**ՋԱԼԱԼ.**— (զրկելով երկուսին և համբուրելով) Դուք արժանի եք միմյանց, որոյակներս:

**ՄԱՄԲԱՆ.**— Ապրեցեք միմյանց համար և երջանիկ եղեք: (Գրկելով և համբուրելով երկուսին): Այսօր  
մենք մեր հարգելի իշխանների հետ միասին կկատարենք ձեր նշանադրության հանդեսը և  
(դառնալով Ներսեսին) կտոնենք քո փառավոր հաղթությունը: Իսկ գարնան, երբ մեր լեռները  
կգեղեցկանան, մենք կօրհնենք ձեր միությունը:

**ՉԱԲԱՐԵ.**— (մոտենալով) Իսկ ես, քանի դեռ մահը չէ այցելել իմ ծերության, այժմյանից եմ օրհնում  
ձեր ապագա միությունը: (Գրկում և համբուրում է երկուսին):

**ԻՇԽԱՆՆԵՐԸ.**— (հետզհետե մոտենալով՝ շնորհավորում են Ներսեսին ու Ռուզանին, բացի  
Համտունից, որ կանգնած է հեռու):

**ՄԱՄԲԱՆ.**— (Համտունին) Դու միայն, Համտուն իշխան, անտարբեր ես դեպի այս հասարակաց  
ուրախությունը:

**ՍՄԲԱՏ.**— (ինքն իրեն) Որովհետև խեղճի սրտում վառվում է նախանձի կրակը:

**ՀԱՄՏՈՒՆ.**— (առաջ գալով) Ինձ տանջում է այն հոգսը թե՛ Ներսեսի իշխանի անխորհուրդ կերպով  
թաթարաց զորքերին ջարդելը եթե Չարմաղան մեծ զորապետն իմանա և ավելի մեծ ուժով մեզ  
վրա հարձակի, ի՞նչ պիտի անենք:

**ՆԵՐՍԵՅ.**— (եռանդով և հանդիսաբար) Եթե մատնիչները նրան չեն առաջնորդել, մենք նրան  
կդիմավորենք մեր սրով և կրծքով...

**ՄԱՄԲԱՆ.**— Իսկ այժմ, իշխաններ, գնանք մեր ուրախությունը առնելու: (Բոլորը դուրս են գնում,  
բացի Պապաբից ու Համտունից):

**ՏԵՍԻԼ Թ**

Համտուն և Պապաբ

ՀԱՄՏՈՒՆ.—Պապաք իշխան, այս նախատինքն ես չի պիտի տանեմ: Դու գիտես, որ հայ իշխանական տների մեջ մեր Սյունյաց տունը, գրեթե, առաջինն էր: Նա բարձակից էր Ասպետական և Արծրունի նախարարության: Իմ նախնիքն արծաթե գահ, ոսկի գավազան և մարգարտե վարսակալ էին գործածում և թագավորական սեղանի վրա՝ իբրև գահերեց, չորս հարյուր նախարարություններից բարձր էին նստում: Նրանք ինամություն են արել արքայական տների հետ, և նրանց հաջորդները Բաղաց թագավորության հիմնադիրներն եղան: Ձալալ իշխանը չի պիտի համարձակեր այս փառավոր տոհմի պատիվն այսքան անարգելու: Ես ամենից վատարանը կլինիմ եթե իմ անպատվության վրեժը չառնեմ նրանից կրկնապատիկ:

ՊԱՊԱՔ.—Ինչո՞ւ Ձալալից: Քո հակառակորդը Ներսես իշխանն է:

ՀԱՄՏՈՒՆ.—Իսկական հերոսը չի մերկացնում սուրը սինվորի դեմ, որին կարող է ընկճել լախտի մի հարվածով: Իմ համագոր հակառակորդը Ձալալ իշխանն է, նրա հետ էլ ես իմ հաշիվը կտեսնեմ:

ՊԱՊԱՔ.—Նշանադրությունը եղավ, այժմ արդեն ուշ է վրեժխնդրության վրա մտածել:

ՀԱՄՏՈՒՆ.—Վրեժն երբ էլ լուծվի, հաճույք կպատճառե լուծողին:

ՊԱՊԱՔ.—Բայց այսուհետև այլևս ի՞նչ վրեժ կարող ես լուծել:

ՀԱՄՏՈՒՆ.—Ինչ վրեժ՞, օ՛ր, ես գիտեմ, թե ինչ. ես արդեն որոշեցի:

ՊԱՊԱՔ.—Սպանե՞լ տալ Ձալալին:

ՀԱՄՏՈՒՆ.—Երբեք: Ով որ սպանում է հակառակորդին, նա ազատում է նրան տանջվելուց: Ձալալը պիտի ապրե, որպեսզի Համտունի ստեղծած չարիքներից շարունակ տանջվի:

ՊԱՊԱՔ.—Բայց ի՞նչ ես որոշել անել:

ՀԱՄՏՈՒՆ.—Լսիր, Պապաք, դու գուցե պատմությունից գիտես, որ իմ նախնիքներից մինն՝ Անդոկ նախարարը, պարսից Շապուհ թագավորից կրեց մի անարգանք, այն է՝ արքայական սեղանի վրա՝ Հայոց նախարարաց կարգին մեջ՝ փոխանակ երրորդ գահն ստանալու, տասն և չորրորդ ստացավ: Անդոկ այդ նախատինքնը չկարողացավ տանել և պարսից հզոր թագավորից յուր վրեժն առավ՝ նրա տերության մայրաքաղաք Տիզբոնն ավերելով և հրդեհելով: Ես այդ հպարտ մարդու սերունդներից եմ և գիտեմ նրա չափով վրեժ առնելու արհեստը:

ՊԱՊԱՔ.—Բայց Անդոկի վրիժառությունը սուսկալի հետևանքներ ունեցավ: Սյունյաց բարեշեն նահանգը ավերակ դարձավ այդ պատճառով:

ՀԱՄՏՈՒՆ.—Գիտեմ: Գուցե իմ վրիժառությունն ևս նույն հետևանքն ունենա: Ես Սյունյաց տոհմի վերջին շառավիղն եմ: Ա՛յն ձեռքը, որ իմ կյանքի թելը կկարճե, կանհետացնե աշխարհից նաև Սյունյաց անունը: Բայց ինձ համար միևնույն է.. ավելի լավ է մեռնել, քան անպատիվ ապրել: Ես չի պիտի կարողանամ իմ գայրույթը զսպել: Լսվում են երաժշտության ձայներ: Մինչև որ այս (ցույց տալով դեպի երաժշտության կողմը) ստեղծվող երջանկությունը չխանգարեմ:

ՊԱՊԱՔ.—Բայց ինչո՞վ:

ՀԱՄՏՈՒՆ.—(անուշադիր) Այո՛, իմ աչքերը չեն կարող անտարբեր նայել ա՛յն տեսարանին, երբ քահանան այս միությունը օրհնելով՝ իմ օրինական հարսնացուն կհանձնե ձորոգետի Ներսեսին. այդ տեսարանը չպետք է տեղի ունենա:

ՊԱՊԱՔ.—Մի քանի շաբաթից հարսանյաց թափորը կճանապարհվի դեպի Մեծիրանից վանքը:

ՀԱՄՏՈՒՆ.—Եվ այնտեղ էլ, ուրեմն, պսակը կկատարվի:

ՊԱՊԱՔ.—Անշուշտ:

ՀԱՄՏՈՒՆ.—Յոգ չէ, թող կատարվի. այսուամենայնիվ, նորապսակները չեն տեսնիլ իրենց առագաստը:

ՊԱՊԱՔ.—Հասկացա: Ուրեմն սուրբ Հակոբա անտառում, երկու դարանակալ նետեր կթռչեն դեպի նրանց::

ՀԱՄՏՈՒՆ.—Ո՛չ. ավելի մեծ չարիք կպատահի:

ՊԱՊԱՔ.—Այսի՞նքն:

ՀԱՄՏՈՒՆ.—Լսիր ինձ: Այս ամրոցում դո՛ւ ես իմ միակ մտերիմն, ուստի հայտնում եմ քեզ (զգուշությամբ այս ու այն կողմ նայելով), որ հենց պսակի օրը այստեղ կհասնեն Չարմաղանի զորքերը:

ՊԱՊԱՔ.—(սարսափահար) Այդ ի՞նչ ես գուժում:

ՀԱՄՏՈՒՆ.—Հանգիստ կաց և լսիր: Հենց որ առաջին գուժկանը կհասնե, դու միջոց գտիր ամրոցից փախչելու, որպեսզի մյուս հանցավորների հետ զուր տեղը չզոհվիս թաթարաց սրին:

ՊԱՊԱԶ.—Եվ դու կատակ չե՞ս անում:

ՀԱՄՏՈՒՆ.—(ծանրությամբ) Կար ժամանակ, երբ ես էլ սիրում էի կատակներ, բայց այդ ժամանակն անցավ. անարգված մարդը միայն վրեժ է առնում:

ՏԵՍԻԼ Ժ

Առաջիններ և մի սպասավոր

ՍՊԱՍԱՎՈՐ.—(ներս մտնելով) Տյարք, իշխան տաճարապետը սպասում է ձեզ: (Գլուխ տալով դուրս է գնում):

ՏԵՍԻԼ ԺԱ

Համտուն և Պապաք

ՀԱՄՏՈՒՆ.—Գնանք, բարեկամ, միամիտ բախտավորները զվարճանում են, գնանք մասնակցենք նրանց ուրախությանը:

ՊԱՊԱԶ.—Բայց քո հայտնությունը իմ արյունը սառեցրեց:

ՀԱՄՏՈՒՆ.—Հոգ չէ, խաչենի գինին նորից կտաքացնե, գնանք:

ՊԱՊԱԶ.—(դժվարանալով) Ավելի լավ է, որ միասին չմտնենք դահլիճ:

ՀԱՄՏՈՒՆ.—Բարի, ուրեմն դու գնա առաջ, իսկ ես կգամ հետո:

ՊԱՊԱԶ.—(առաջանալով և ինքն իրեն) Արժանի վրեժ է, եթե լուծվի, բայց ես թող սրան համախոհ չճանաչվիմ: (Դուրս է գնում):

ՏԵՍԻԼ ԺԲ

Համտուն (միայնակ)

Հիմա՛ր կնամարդ, չէ կամենում ինձ հետ միասին մտնել մարդկանց մոտ, որպեսզի հետո մեղսակից չհամարվի ինձ: (Գլուխը շարժելով): Հապա, անմիտ. ի՞նչ էիր մտածում, որ նախանձի դժոխքը վառում էիր այստեղ: (Ցույց տալով սիրտը): Մի՞թե Համտունին էլ համարում էիր մի Պապաք, որ հակառակորդի հետ կռվեր՝ կանանց հետ դաշնակցելով: Չէ, բարեկամ, հավաքնում միայն աղվեսն է շահատակում, իսկ առյուծի համար կա անեզր անապատ, ուր նա խեղդում է ոչ թե հավ, կամ խլուրդ, այլ վագր ու հովազ: Եթե հարկ կա վրեժ առնելու, ապա պետք է այնպես անել, որ այդ վրիժառուությանից աշխարհը սասանի... (Դուրս է գնում):

Վարագույր

ԱՐԱՐՎԱԾ ԵՐԿՐՈՐԴ

Ջալալ իշխանի ընդունելության դահլիճը (տե՛ս առաջին արարվածի երկրորդ տեսարանը), որ զարդարված է տոնական տարազով: Սյուների խոյակները պսակված են կանաչ դրասանգներով և գույնզգույն վարդերով, որոնք օձապտույտ իջնում են մինչև սյուների խարիսխները: Կանաչահյուս ժապավեններ՝ մանեկածև կախված՝ միացնում են դահլիճի կամարաշարերը և նույնպիսի հյուսեր զարդարում դռների և պատուհանների բարավորները: Դահլիճի մեջտեղը բացված է փառավոր սեղան՝ արծաթե ամաններով ու թակույկներով: Դահլիճի խորքում կանգնած են երգիչների և երգչուհիների խմբեր:

Վարագույրը բացվելուց՝ բազմականները բոլորած են սեղանը, սպասավորները գինի են մատուցակում, իսկ երգիչները երգում են:

ՏԵՍԻԼ Ա

Ջալալ, Մամբան, Ռուզան, Ներսեհ, Չաքարե, Սմբատ, Ումեկ, Թենի, Պապաք, Երգիչներ, Երգչուհիներ, սպասավորներ, Երաժիշտներ

Երգիչներ

Գարուն՝ կանաչ և ծաղիկներ  
Բերավ, փռեց մեր լեռներին.

Երգչուհիներ

Եվ իշխանի հատու սուներ՝  
Խաղաղություն մեր սրտերին:

Բոլորը միասին

Բայց երանի անանց լիներ այս գարուն,  
Եվ ծաղիկներ միշտ փթթեին անթառամ,  
Եվ խաղաղ կյանք մեր ազգակյաց համարյուն՝  
Երկար ամոք՝ բաշխեր երկին բարեխնամ:

Երգիչներ

Բայց, վա՛շ, բնության գեղեցկություն  
Պիտի ավրե ծերուկ ձմեռ:

Երգչուհիներ

Եվ հայ սրտի խաղաղություն՝  
Սուր թշնամվույն աշխարհավեր:

Բոլորը միասին

Օ՛ն, աղջիկներ, պատրաստեցեք մեզ պաշար՝  
Ձմռան սաստիկ ուժի դեմը առնելու,  
Իսկ դուք, տղայք, սրեցեք սուր և տապար՝  
Մեր թշնամյաց կառափները ջարդելու:

ՋԱԼԱԼ.—(բաժակը ձեռին) Սիրելի բարեկամներ, անդրանիկ դստերս ամուսնությունից հետո՝ անցել են արդեն յոթ երկար տարիներ, և բոլոր այդ ժամանակ մեր լեռներում դեռևս չէ կատարվել մի խրախճան: Իմ սիրելի փեսայի քաջարության շնորհիվ այսօր, ահա, առաջին անգամ, ցնծության երգեր են հնչում այս կամարների տակ: Անցան ամառ, աշուն և ձմեռ, ահա՛ վերջանում է նաև մեր լեռների գեղեցիկ գարունը, և սակայն մեր ժողովուրդը գտնվում է տակավին ապահովության մեջ: Այսօր, ուրեմն մենք տոնում ենք ոչ միայն իմ դստեր ու փեսայի հարսանիքն, այլև մեր ժողովրդի խաղաղության տարեդարձը, որ բոլորել է Ներսեհ իշխանի շնորհիվ... Ուրեմն, սիրելիներս, առաջին բաժակը նվիրենք ամուսնացող զույգի և ժողովրդայն բարեկենդանության կենացը:

ՉԱԼՆԻՍԱԿԱՆԶ.—(բաժակները բարձրացնելով) Ամուսնացող զույգի և ժողովրդայն բարեկենդանության կենացը:

ԵՐԱԺՇՏՈՒԹՅՈՒՆԸ.—(ձայնակցում է հանդիսականներին):

ՈՒՄԵԿ.—(շտապով տեղից բարձրանալով) Սպասեցեք, իշխաններ. (դառնալով Ջալալին) մեծափառ տեր, իմ իրավունքը բռնաբարված է. ես բողոքում եմ քեզից քո արդարության առաջ:

ՋԱԼԱԼ.—(ծիծաղելով) Ի՞նչ, մի՞թե ես քո դեմ մի անիրավություն արի:

ՈՒՄԵԿ.—Այո՛, տեր, բախտը մեզ տալիս է երկու «կենաց բաժակ» դատարկելու առիթ, իսկ դու այնուց միացնում ես մի բաժակի մեջ: Ես տաճարապետ եմ քո մեծության հրամանով, ուստի պահանջում եմ, որ այդ «կենացները» զատ-զատ դատարկվին:

ՋԱԼԱԼ.—Իրավունք ունիս: Ուրեմն առաջ ժողովրդի բարեկենդանության կենացը:

ՈՒՄԵԿ.—Չամաձայն եմ (հանդիսականներին): Բազմականներ, ժողովրդի բարեկենդանության

կենացը: Մաղթենք, որ այն լինի հաստատ և հարատև:

ՀԱՆԴԻՍԱԿԱՆԸ.—Ժողովրդի բարեկենդանության կենացը: (Խմում են):

ՌԲՄԵԿ.—Ահա՛, այդպես. պետք է հարգել կարգն ու կանոնը:

ՋԱԼԱԼ.—(Ծիծաղադեմ) Սիրելի իշխան, դու նախանձախնդիր ես կենացների կանոնավոր բաշխման, գովում եմ եռանդդ: Բայց ես այդոնք միացրի, որովհետև ամեն բանում սիրում եմ միություն:

ՌԲՄԵԿ.—Բայց միությունն անհրաժեշտ է թշնամու զորքի առաջ և ոչ զինվոր սրվակների, որոնք նույնքան դեմ են միության, որքան մեր վարդապետները՝ կուսակրոնության:

ԹԵՆԻ.—Մեր տաճարապետը խոսում է իբրև հերետիկոս. պե՞տք է արդյոք հնազանդիլ նրան:

ՌԲՄԵԿ.—Երբ հերետիկոսը ստամոքսներ է կառավարում, պետք է նրան հնազանդել: Այդ հանցանքը, մայր Թենի, ոչ ոքին չի տանիլ դժոխք:

ՉԱԶԱՐԵ.—Կեցցես, Ումեկ, այսօր դու ավելի խելոք ես, քան երեկ:

ՍՄԲԱՏ.—Ումեկ իշխանը խելոք է խոսում, երբ հարցը վերաբերում է ստամոքսին:

ՌԲՄԵԿ.—Եվ ավելի խելոք, երբ վերաբերում է քաջության:

ՋԱԼԱԼ.—Հարկավ, ուրիշների...

ՌԲՄԵԿ.—Ես վերջինը չեմ մեր քաջերի մեջ:

ՋԱԼԱԼ.—Դրա ապացո՞ւյցը:

ՉԱԶԱՐԵ.—(Ծիծաղելով) Ա՛յն, որ խուչախների կռվում ինքն եղավ առաջին գերին:

ՍՄԲԱՏ.—Եվ մեծ իշխանի արշավանքում՝ առաջին փախստականը:

ՌԲՄԵԿ.—Դուք ակնարկում եք իմ երկչոտությունը. բայց ձեր հիշածները դեռ չեն ապացուցանում ոչինչ: Ես տեղի եմ տվել անհաջող բախտին: Ի՞նչ կանեիք դուք, եթե իմ տեղը լինեիք:

ՍՄԲԱՏ.—(աշխույժով) Մենք ավելի լավ կհամարեինք քաջությամբ մեռնել:

ՌԲՄԵԿ.—(զվարթ անտարբերությամբ) Իսկ ես լավ համարեցի ապրել: Սա թեպետ քաջություն չէ, բայց խոհեմություն է: Ով որ չէ կամենում մեռնել, նա իրավունք ունի ապրելու: (Դառնալով Ներսեսին) Ի՞նչ կասես սրան, իշխան:

ՆԵՐՍԵՅ.—(ծիծաղելով) Ես դժվարանում եմ պատասխանել:

ՌԲՄԵԿ.— Եվ լավ ես անում: Պսակվող մարդը ամենից քիչ իրավունք ունի տաճարապետի ներկայությամբ ճշմարտություն խոսելու:

ՌՌԲՉԱՆ.—Իսկ ես համարձակ կասեմ՝ թե ով փախչում է ապրելու համար, նա արդեն մեռնում է կենդանվույն:

ՄԱՍԶԱՆ.—Իրավունք ունիս, զավակս: Եվ իրավ, ի՞նչ կլիներ մեր վիճակը, եթե Ումեկ իշխանը յուր այս տարօրինակ խոհեմությամբ հրամանատար լիներ մեր զորքերին:

ՌԲՄԵԿ.—Հավատա՛, իշխանուհի, ամեն ինչ խաղաղությամբ կվերջանար: Ի՞նչ հարկ կա կռվել զորեղի դեմ ա՛յն ժամանակ, երբ ինքդ ես զգում քո թուլությունը: Այդպիսի դեպքում կամավոր պարտությունը հավասար է հաղթության:

ՉԱԶԱՐԵ.—Տեր տաճարապետ, քո քարոզը գեղեցիկ կհնչեր մի կուսանոցում, բայց դու նստած ես զինվորների հետ:

ՌԲՄԵԿ.—Ճշմարիտ զինվորը չի վիատիլ իմ խոսքերից:

ՋԱԼԱԼ.—Որպեսզի չվիատի նաև սուտ զինվորը, ապա վարի՛ր պաշտոնդ առանց փիլիսոփայելու:

ՌԲՄԵԿ.—Բյուր ներողություն, մեծ իշխան: (Ծառաներին) Մատուցակներ, լցրեք բաժակները գինով (բաժակը ձեռին՝ տեղից բարձրանալով և հանդիսականներին դառնալով): Բարեկամներ, խմենք այժմ մեր սիրարժան հարսի և հարգարժան փեսայի կենացը. մաղթենք իշխանագուն ամուլներին երկար կյանք, մշտավառ սեր, անսպառ երջանկություն...

ՀԱՆԴԻՍԱԿԱՆԸ.—Կեցցե՛ն իշխանագուն ամուլները:

ՌԲՄԵԿ.—Եվ երջանիկ սիրահարները: (Երաժիշտներին): Երաժիշտներ, ձայնակցեցե՛ք մեր ուրախությանը: (Երաժշտությանը նվագում է):

Խումբը երգում է

Երբ ծագում է մեզ արևը լուսավոր,  
Հայ տղաներ, սթափեցե՛ք ձեր քնից,  
Լծե՛ք եզինք, առե՛ք գութանն ու արոր  
Եվ փութացե՛ք դաշտը հերկել ցողալից:

Իսկ երբ հեռվից մեր թշնամին երևի,  
Հայ տղաներ, թողե՛ք արորն ու եզինք,  
Հարձակվեցե՛ք թշնամու դեմ կատաղի,  
Կռվեցե՛ք քաջ և փրկեցե՛ք հայրենիք:

ՈՒՄԵԿ.—(դառնալով դեպի Պապաք) Պապաք իշխանը լուռ է և տխուր: (Հանդիսականներին):  
Բազմականներ, ո՛վ արդյոք ձեզանից կարող է պատճառն ասել, թող խոսե, ես նրան մի գտարյուն  
նժույզ կընծայեմ:

ՊԱՊԱՔ.—Մի՛ վատնիր գույքը, իշխան, ես ուրախ եմ այնքան, որքան իրավունք ունիմ:

ՍՄԲԱՏ.—(հեզնությամբ) Եթե իշխանը մտածում է գալոց չարիքների մասին, ապա նա ամենից քիչ  
իրավունք ունի ուրախանալու:

ՊԱՊԱՔ.—(հեզնությամբ) Դու մարգարե կլինեիր, իշխան, եթե Հրեաստանում ծնվեիր:

ՍՄԲԱՏ.—Եթե ճիշտ գուշակեցի, ուրեմն մեր երկիրն էլ մարգարեներ է ծնում:

ՊԱՊԱՔ.—Դու չսխալվեցար:

ՈՒՄԵԿ.—Արևս վկա, առաջին անգամս եմ տեսնում մի մարդ, որ ուրախության ժամերն իսկ  
նվիրում է հասարակաց հոգսերին:

ՊԱՊԱՔ.—Իսկ ես շատ եմ տեսել մարդիկ, որոնք հասարակաց հոգսի ժամերը նվիրել են  
ուրախության:

ՈՒՄԵԿ.—Եվ դրանք, ուրեմն, իմաստնաբար են գործեր վասնզի հոգսերը կան միշտ և կլինին,  
մինչդեռ ուրախությունը հազվագյուտ է մեր օրերում: Ավելի լավ է հոգսերից խլել մի ժամ և տալ  
ուրախության, քան ուրախության վայրկյանը նվիրել հոգսերին:

#### ՏԵՍԻԼ Բ

Առաջիններն և սպասավոր

ՍՊԱՍԱԿՈՐ.—(մտնելով և դիմելով Ջալալին) Մեծափառ տեր, հեծելագորն ու թափորը կազմ ու  
պատրաստ սպասում են քո հրամանին՝ Մեծիրանից վանքը ճանապարհվելու համար:

ՋԱԼԱԼ.—(դառնալով Ումեկին) Տե՛ր տաճարապետ, տուր քո հրամանները, թափորը սպասում է  
մեզ:

ՈՒՄԵԿ.—(բարձրաձայն) Օ՛ն, ուրեմն, իշխաններ և իշխանուհիներ. թողնե՛ք սեղանն յուր  
բախտին, դիմենք այժմ այնտեղ, ուր մեր ուրախությունը պիտի պսակվի: Եպիսկոպոսը վաղուց  
սպասում է վանքում: Ճանապարհը հեռի է, եթե մի փոքր էլ այստեղ ուշանանք՝ սրբազանը  
կբարկանա և մեզ պատժելու համար վանքի դռները կփակե:

ՀԱՆԴԻՍԱԿԱՆՔ.—Պատրաստ ենք, իշխան, առաջնորդի մեզ: (Վեր են կենում տեղերից):

ՈՒՄԵԿ.—(առաջ անցնելով) Օ՛ն, ուրեմն, թող երաժշտություն սկսե թմբուկները թնդացնեն  
լեռները, ոչ մի մահկանացու տխուր չմտա այստեղ: Հառա՛ջ, բարեկամներս:

ՉԱԲԱՐԵ.—(պատուհանից նայելով) Ա՛յս ինչ է... Սպասեցե՛ք, իշխաններ, սպասեցե՛ք... Գլուխը  
բռնած ետ է գալիս):

ՀԱՆԴԻՍԱԿԱՆՔ.—(թափվելով Չաբարեի վրա) Ի՞նչ կա, իշխան, ի՞նչ պատահեց քեզ:

ՄԱՍԲԱՆ.—(վախեցած և շտապով) Սիրելի տա՛գր...

ՋԱԼԱԼ.—Ի՞նչ եղավ քեզ, եղբայր իմ...

ՌՈՒՉԱՆ.—Այս ի՞նչ է, ասոված իմ:

#### ՏԵՍԻԼ Գ

Առաջինները և մի գուժկան

(որ մտնում է քրտնաթոր, շնչասպառ և օձիքը պատռած)

ՊԱՊԱՔ.—(տեսնելով գուժկանին և ինքն իրեն) Հա՛, ուրեմն չեմ խաբված:

ՋԱԼԱԼ.—(բոլորին լսելի ձայնով) Ա՛հ... գուժկա՛ն...

ԲՈՂՈՐԸ.—(բոլորը սարսափած ետ նայելով) Գուժկա՛ն...

ՌՈՒՉԱՆ.—(նայելով Ներսեհին) Ասովա՛ծ իմ:

ՄԱՍԲԱՆ.—(սարսափած) Այս ի՞նչ է պատահել:

ՋԱԼԱԼ.—(գուժկանին) Ի՞նչ պիտի գուժես, թշվառական, ասա՛ շուտ:

ԳՈՒԺԿԱԼ.—(բոլորին լսելի ձայնով) Չարմաղան գորապետի եղբայր Ջուլան ահագին բանակով հասել է Առջաձոր. նրա գունդերից մի քանիսը դիմում են այս ամրոցը, իսկ ասպատակները ցրվեցան դեպի գյուղերը: Թշնամու անցած տեղերը Պետարակ, Շամբոռ, Բարտավ, ավերված և բնակիչները սրե անցած են:

ՉԱՐԱՐԵ.—(վշտանար) Աստվա՛ծ իմ, աստված իմ, այս ի՞նչ արիր դու: (Ընկնում է աթոռի վրա):

ՄԱՄՔԱՆ.—Այս ի՞նչ լսեցի. այս ինչ թշվառություն հասավ մեզ:

ՌՈՒԶԱԼ.—Ներսե՛հ... հա՛յր իմ...

ՆԵՐՍԵՅ.—Յանգիստ եղիր, Ռուզանս, չարժե մի լուրից այդպես շուտով այլայլվի:

ԹԵՆԻ.—Օ՛, մեր մեղքերի համար պատժում է մեզ աստված...

ՋԱԼԱԼ.—(կատաղի բարկությամբ) Աստվա՛ծ իմ, աստվա՛ծ իմ, աստվա՛ծ իմ, այս ի՞նչ հարվածներ ես բերում մեր գլխին... Մի՞թե, արդարև, այս պատիժները կրելու չափ հանցավոր ենք քո առաջ... պակասե՞լ է, արդյոք, Յավիտենականի գուրթը, թե՞ չարարվեստ դժոխքն երկինքն է փոխադրվել... մի տարի, մի տարի անգամ այս ապաբախտ ժողովրդին միջոց չես տալիս ազատ շունչ քաշելու, և դառնության բաժակը նա մինչև մրուրն է քամում...:

ՉԱՔԱՐԵ.—(սթափվելով) Ջալալ, եղբայր իմ, այդ ի՞նչ ասացիր, դու հայիոյեցի ամենակարող աստծուն:

ՋԱԼԱԼ.—Ի՞նչ, սարսափո՞ւմ ես ապագա գեհեմից, մենք այստեղ արդեն դժոխքի մեջ ենք: (Ընկնում է աթոռի վրա և գլուխը ձեռքերով բռնում):

ՆԵՐՍԵՅ.—(առաջ գալով) Իշխաններ, ինչո՞ւ եք սառել, արյուն չե՞՞ վազում ձեր երակներում, Գերվելո՞ւ եք սպասում, թե երկնքից օգնության:

ՍՄԲԱՏ.—Ի՞նչ կարող ենք անել այս անակնկալ ժամուն:

ՆԵՐՍԵՅ.—Ինչ կարող ենք անե՞լ... Եվ այդ դո՞ւ ես ասում, Սմբատ իշխան, մի՞թե քո նախահարց փառքը քո ձեռքով ես կամենում մրտտել: Կռվի դաշտը ընդարձակ է, սուր և մահ... ահա մեր գործը:

ՌԻՄԵԿ.—Ինչ կամենում եք անել, խոհեմությամբ արեք, որ թշվառությունը չծանրանա մեր գլխին:

ՆԵՐՍԵՅ.—(բարկացած) Յեռո՞ւ, վատարանց, խոհեմության մասին միայն դու մտածիր...

ՋԱԼԱԼ.—(բարձրանալով աթոռից) Եվ իրավ, իշխաններ, ինչո՞ւ եք սառել: Մի՞թե մահն այդքան վախեցնո՞ւմ է ձեզ: Մեր մանկությունը պատել են արյունոտ խանձարուրում, մեր հասակն աճել է կռվի արհավիրներում, հոգիներս էլ պիտի փչենք ռազմի դաշտի վրա: Թշնամու սրին, մինչև նրա մեզ հասնելը, զոհվել են արդեն բյուր մեզ նմաններ, ինչո՞ւ, ուրեմն, հապաղենք մեր եղբայր բախտին կցորդ լինելու: Օ՛ն անդր, դեպի սուր, անպաշտպան ժողովուրդը սպասում է մեզ:

ՆԵՐՍԵՅ.—(սուրը հանելով) Դեպի սուր, քաջե՛ր:

ԲՈԼՈՐԸ.—(սրերը հանելով) Դեպի սո՛ւր և դեպի մա՛հ:

Վարագույր

## ԱՐԱՐՎԱԾ ԵՐՐՈՐԴ

Տեսարանը ներկայացնում է Խոխանաբերդ ամրոցի տակ՝ մի հովտաձև դաշտավայր՝ մի կողմից բարձրացած բլրակով, որի ստորոտում զարկած է գորապետի շքեղ ու ընդարձակ խորանը: Նրա մեջ նստած են Ջուլա և Բուրա-Նուհի, ետևները կանգնած ունենալով մի-մի սպառազինյալ թիկնապահ: Խորանի հատակը ծածկված է գորգով, որի վրա ձգված են մի քանի թավշյա օթոցներ: Դրանցից միսի վրա չոքած է Յամտունը: Չորապետի խորանից հեռու, դաշտավայրի երկարությամբ, զարկած են գորքերի բազմաթիվ վրաններ, որոնց մոտերքը անցուդարձ են անում զինվորներ:

ՏԵՍԻԼ Ա.

Ջուլա, Բուրա-Նուհի, Յամտուն, երկու թիկնապահ

ՋՈԼԱ.—(Յամտանին) Այո՛: Ջալալ-Տոլան այս անգամ արդեն գործել է այնպիսի հանդգնություն, որը մենք նրան չի պիտի ներենք: Յամարձակվել թաթարաց գորքերը ջարդե՞լ, այն գորքերը, որոնք իմ

եղբոր՝ Չարմաղանի ամենաընտիր գնդերն էին կազմո՞ւմ, այդ աններելի է հավիտյան:

ԲՈՒՐԱ.— Եվ հանդգնել մեր գնդապետներին բանտարկել յուր ամրոցո՞ւմ:

ՋՈԼԱ.— Արդյոք ձեր լեռներում ի՞նչ էին մտածում մեր մասին: Մի՞թե կարծում էին թե՛ թաթարաց ուժը սպառվել, կամ նրանց սուրը հողի մե՛ջ է թաղվել:

ՀԱՄՏՈՒՆ.— Ո՛չ այս և ո՛չ այն, պայծառափայլ տեր: Մեր լեռներում բոլորն էլ գիտեն, որ թաթարաց ուժը անսպառ է, և նրան սուրը՝ միշտ փայլուն և հատու: Միայն իշխաններն են, որոնք երբեմն թեթև հաջողություններից շլանալով՝ մոռանում են պարտ ու պատշաճ հարգանքը տալու թե՛ հզոր իշխաններիդ (գլուխը խոնարհելով) և թե մեծ խանին: Եվ եթե այդ իշխանների մեջ գտնվում են այնպիսիներն, որոնք ձեր մեծությանց զորությունը ճանաչելով՝ ծառայում են խանին հավատարմությամբ, դրանք էլ, դժբախտաբար, ծաղրի են ենթարկվում ստահակ իշխանների կողմից:

ՋՈԼԱ.— Այդպիսի ջերմեռանդ և մեզ հավատարիմ իշխաններից մինը դու ես, հավատացած եմ:

ՀԱՄՏՈՒՆ.— (խոնարհությամբ) Մինչև այսօր իմ պարտքից ավելի ոչինչ չեմ արել:

ՋՈԼԱ.— Մեզ էլ հենց այդ է հարկավոր: Ով որ ճանաչում է յուր պարտքը, նա էլ վայելում է իրավունքներ: Մենք, իհարկե, չենք թողիլ, որ քեզ նման հավատարիմները ճնշվին ստահակներից: Մենք քեզ ոչ միայն կպաշտպանենք, այլև կհասցնենք բարձր աստիճանի: Քո հավատարմությունը մեզ հայտնի եղավ ա՛յն ժամանակ, երբ սուրհանդակդ հասնելով Սևան՝ գուժեց եղբորս՝ մեծ զորապետ Չարմաղանին յուր գունդերի ջարդվիլը: Մենք իսկույն առինք մեր զորքերը և մտինք Արցախ: Տիրելով Ջալալի մի քանի գավառներին, այսօր ահա գտնվում ենք նրա ամրոցի առաջ: Այսուհետև արդեն դու պետք է մեզ առաջնորդես: Եթե քո խորհուրդը կօգնե մեզ՝ Ջալալի բերդն առնելու, այն ժամանակ ես նրանից կխլեմ Աղվանից բոլոր իշխանությունը և կհանձնեմ քեզ: Եվ որպեսզի դու այլևս հակառակորդ չունենաս, ես կգերեմ ինձ հետ այն բոլոր իշխաններին, որոնց ցույց կտաս:

ՀԱՄՏՈՒՆ.— Պատրաստ եմ ծառայելու մեծափառ խանին:

ՋՈԼԱ.— Առավոտվանից արդեն մեր զորքերը պաշարել են խոխանաբերդը և մի քանի անգամ էլ հարձակվել են նրա մատչելի կողմերի վրա: Բայց, ինչպես տեսնում եմ, ներսի դիմադրությունը բավական զորեղ է: Ասա՛ ինձ, որքա՞ն զորք ունի Ջալալն յուր ամրոցում:

ՀԱՄՏՈՒՆ.— Հինգ հարյուր զինվորից ավելի չկա, բայց այդ էլ մեծ ուժ է, քանի որ նրանց կառավարում են փորձառու և ընտիր զորապետներ:

ՋՈԼԱ.— Այսինքն ովքե՞ր:

ՀԱՄՏՈՒՆ.— Առաջին՝ իշխան Հասան-Ջալալը, որ հուսաբեկ զինվորին իսկ հոգի է ներշնչում: Երկրորդ՝ նրա եղբայր ծերունի Չաբարեն, որի մագերը սպիտակել են պատերազմների մեջ, և երբեք չի հաղթվում ա՛յն գունդը, որին նա առաջնորդում է: Երրորդ՝ Գուգարաց Սմբատ իշխանը, որ լեռնականների ահ ու սարսափն է: Չորրորդ՝ Չորոգետի Ներսեհ իշխանը, որ նշանավոր է յուր միշտ աներկյուղ, և նամանավանդ հանդուգն քաջությամբ, և հենց այս վերջինն էր, որ ձեր գունդերը ջարդեց Մռավի մոտ:

ԲՈՒՐԱ.— Եվ մենք, ուրեմն, այդ վերջինին գլխատման կարծանացնենք, իսկ մնացյալները գերի վարվելով՝ կարող են մեզ ծառայել Սմրդանդի բաղնիքներում:

ՋՈԼԱ.— Բայց ինչո՞ւ այդ իշխանները հենց այս միջոցին հավաքվել են այդտեղ: Մի՞թե Ջալալը մեր գալուստը գիտեր:

ՀԱՄՏՈՒՆ.— Ո՛չ, տեր իմ. նրանցից մի երկուսն յուր ազգակիցներն են, որոնք գրեթե միշտ գտնվում են իշխանի հետ, մյուսները հրավիրված են, որովհետև իշխանը հարսանիք ուներ:

ՋՈԼԱ.— Հարսանի՞ք:

ՀԱՄՏՈՒՆ.— Այո՛:

ՋՈԼԱ.— Որդի՞ն է ամուսնացնում:

ՀԱՄՏՈՒՆ.— Ո՛չ, տեր իմ. որդիքն անչափահաս են. նա ամուսնացնում է դուստրը:

ՋՈԼԱ.— Ո՞ւմ հետ:

ՀԱՄՏՈՒՆ.— Չորագետի Ներսեհ իշխանի, որի համար ասացի թե՛ ձեր բանակը ջարդողն էր: Նա Ջալալի աղջիկն առնում է իբր մրցանակ յուր հաղթության:

ՋՈԼԱ.— Մի՞թե, ուրեմն մենք նրա համար ավելի լավ հարսանիք կանենք, քան կարող էր անել Հասան-Ջալալը:

ԲՈՒՐԱ.— (խղճահարվելով) Բայց ինչ որ էլ լինի, հորեղբայր, պետք է խոստովանել որ մեր արշավանքը վատ ժամանակ պատահեց: Ես, գոնե, չէի կամենալ այսքան անգթաբար խանգարել

մի ուրախություն: Ես խղճում եմ Ձալալին:

ՋՈՒԱ.—Քեզ պես երիտասարդին բնական է խղճահարվիլը, բայց երբ իմ հասակը կառնես, այն ժամանակ կցանկանաս ավելի արդարությամբ պատժել՝ քան թուլությամբ խղճահարվիլ:

ՀԱՄՏՈՒՆ.—Եիշտ ես հրամայում, տեր, որովհետև Ձալալը նույնպես կարող էր խղճալ ձեր զորքերին և չկոտորել տալ նրանց, բայց նա հակառակն արավ, համոզված լինելով թե՛ արդարությամբ պատժում է յուր թշնամիներին:

ՋՈՒԱ.—Կեցցես, իշխան, դու արժանի ես Աղվանից տիրապետը լինելու, և ես այդ պատվին կարժանացնեմ քեզ: Միայն ասա, իրա՞վ, որ լսածիս չափ մեծ գանձեր ունի ձեր Ձալալ-Տուլան:

ՀԱՄՏՈՒՆ.—Գրեթե այնքան, որքան կարող էր ունենալ մեծափառ խանը:

ՋՈՒԱ.—Ճշմարի՞տ:

ՀԱՄՏՈՒՆ.—Ստեյլ քո մեծության առաջ ինչպե՞ս կհամարձակվիմ:

ՋՈՒԱ.—(ուրախությամբ) Ա՛հ, ուրեմն մենք այս բերդի ստորոտից հեշտությամբ չենք հեռանալ: Մենք կբանանք Ձալալի սնդուկները և կհրամայենք հենց իրեն՝ իշխանին, փոխադրել յուր գանձերը մեր լայն քսակները:

ԲՈՒՐԱ.—Հորեղբայր, միթե կարծում ես, թե այդ գանձերի մեջ կարող ես գտնել մի այնպիսի հազվագյուտ բան, որ մեր Թաթարստանը չունենա՞ր: Չարժե ուրեմն այդքան ուրախանալ այն բանի համար, որից ինքդ շատ ունիս:

ՋՈՒԱ.—Երիտասարդ ես, Բուրա, երիտասարդ: Երբ ինձ պես վաթսուն տարիքդ կառնես, այն ժամանակ, եթե կենդանի լինեմ, կհարցնեմ. «Ինչպե՞ս է, որդի քո բարեկամությունը ոսկվո հետ», և դու կպատասխանես՝ «մտերմական է, հորեղբայր»:

ՀԱՄՏՈՒՆ.—(Բուրային) Ձալալի գանձերի մեջ, տեր-Նուին, դուք, արդարև, չեք գտնիլ այնպիսի մի հազվագյուտ բան, որից հարուստ Թաթարստանը չունենար, բայց յուր սնդուկներից դուրս նա ունի մի այնպիսի գանձ, որի նմանը, արդարև, մեծ Թաթարստանը չունի. և արժե, տեր, որ այդ գանձը դո՛ւ ունենաս:

ՋՈՒԱ.—(հետաքրքրությամբ) Ինչպիսի՞ գանձ է այդ:

ՀԱՄՏՈՒՆ.—Մի աղջիկ, որ հրեշտակից ավելի գեղեցիկ է և արշալույսից ավելի հրաշալի:

ՋՈՒԱ.—(տեղը հանգստանալով) Ա՛, հասկացա, դատարկ բան է:

ԲՈՒՐԱ.—(լարված հետաքրքրությամբ) Մի աղջիկ, որ հրեշտակից ավելի գեղեցիկ է և արշալույսից ավելի հրաշալի՞, և անո՞ւնը...

ՀԱՄՏՈՒՆ.—Ռուզան:

ԲՈՒՐԱ.—Որ դեռ ամուսնացած չե՞ր:

ՀԱՄՏՈՒՆ.—Որի հարսանիքն էր այս օրերս, բայց այդ հարսանիքը ձեր գալովը խանգարվեց:

ԲՈՒՐԱ.—Ասացիր, որ շա՞տ է գեղեցիկ:

ՀԱՄՏՈՒՆ.—Ամբողջ Թաթարստանը կնախանձի քեզ, տեր, եթե նրան քո ամուսին տեսնես:

ԲՈՒՐԱ.—(ոգևորված) Այդ գեղեցկուհին իմը կլինի: Եթե բոլոր աշխարհն անգամ ինձ ընդդիմանա, այսուամենայնիվ, ես նրան կառնեմ: (Դառնալով դեպի Ձուլան) Հորեղբայր, ի՞նչ կասեիր, եթե ես իմ հոր՝ Չարմաղանի կողմից հրամայեի բերդի պաշարումը վերցնել և Ձալալ իշխանի դուստրը ինձ կնության առնելով՝ բարեկամություն հաստատեի նրա հետ և մեր զորքերը նրա երկրից հանեի:

ՀԱՄՏՈՒՆ.—(ինքն իրեն վախեցած) Ի՞նչ է ասում...

ՋՈՒԱ.—(նեղանալով) Հապա ո՞ւր կմնա քո հոր զորքերի ջարդվելու վրեժը և այս բանակի այսքան ժամանակ հոգնեցնելու արդյունքը:

ՀԱՄՏՈՒՆ.—(Բուրային) Տեր-Նուին, Ռուզանն առանց այն էլ քոնը կլինի, բայց պետք է քո հոր համար էլ բաժին տանես Ձալալի գանձերից: Առանց օժիտի աղջիկ չեն առնիլ, այն էլ ամենահարուստ հայ իշխանի աղջիկը:

ԲՈՒՐԱ.—Իրավունք ունիս: Բայց քանի որ, քո ասելով, այդքան զորություն կա Ձալալի բերդում, ուրեմն ո՛չ մեր զորքերը նրա բերդը կառնեն, և ո՛չ էլ ես՝ նրա աղջիկը:

ՀԱՄՏՈՒՆ.—Երկար պաշարումը կստիպե նրանց անձնատուր լինել:

ԲՈՒՐԱ.—Նախ՝ մենք չենք կարող երկար ամիսներով նստել այս բերդի տակ: Երկրորդ պաշարյալները կարող են համառիլ և սովից մեռնիլ:

ՋՈՒԱ.—Ավելի լավ. թող բոլորը կոտորվին: Այն ժամանակ մեր զորքերը անաշխատ կառնեն բերդը:

ԲՈՒՐԱ.—Բայց ես չեմ կամենում, որ այն աղջիկը ևս սովից մեռնի ամբողջում:

ՀԱՄՏՈՒՆ.—Ուրեմն, եթե ինձ կլտեք, ես ձեզ կտամ մի խորհուրդ, որով հեշտությամբ ձեր նպատակին կհասնեք:

ՋՈՒԱ.—Ասա՛ տեսնեմ:

ՀԱՄՏՈՒՆ.—Հրամայեցեք այս շոջակա հայ գյուղերից հավաքել հազար հոգի, կին թե տղամարդ, աղջիկ թե երիտասարդ, մանուկ թե ծեր: Դրանց բոլորին ձեռնակապ կանգնեցնել տվեք այս հովտում, որ հանդիպակաց է Ջալալի պալատին: Հազար կապյալների ետևում թող կանգնեն հազար սուսերամերկ զինվորներ: Այս պատգամ ուղարկեցեք հալալին և հայտնեցեք նրան ձեր մեծությանց հրամանը, այն է՝ հանձնել ձեզ բերդը և յուր դուստրը: Եթե կհամաձայնի՝ բարի, եթե ոչ հենց որ պատգամավորը կվերադառնա բացասական պատասխանով, իսկույն կհրամայեք հազար կապյալները կոտորել: Այս միջոցը դուք գործ կդնեք ամեն օր, մինչև որ կամ Ջալալը, յուր հպատակների կոտորածը դադարեցնելու համար կհանձնե ձեզ բերդը և կամ ներսի իշխանները ապստամբելով՝ ամրոցը կմատնեն ձեզ:

ԲՈՒՐԱ.—Այդ հնարը լավ է, բայց չափազանց անգուրբ է:

ՀԱՄՏՈՒՆ.—Քո մեծությունը չէ ճանաչում հայի համառությունը:

ՋՈՒԱ.—Անշուշտ, որովհետև այս առաջին անգամն է, որ սա գործ ունի ձեր կամակոր ազգի հետ:

ԲՈՒՐԱ.—Լավ, թող այդպես լինի:

ՋՈՒԱ.—(դառնալով յուր թիկնապահին) Ջափա՛ր, շուտով հասիր մեր պաշարող զորքերին և ասա Գիուգ զորապետին, որ հարձակումը դադարեցնե. ապա թող գյուղերից ժողովել տա հազար հոգի և ամեն բան կարգադրե այնպես, ինչպես իշխանն ասաց: Դեհ, շուտ:

ՋԱՓԱՐ.—Այս րոպեին, տե՛ր: (Դուրս է գնում):

## ՏԵՍԻԼ Բ

### Առաջիններն և մի բարապան

ԲԱՐԱՊԱՆ.—(ներս մտնելով) Պայծառափայլ տյարք, ձեր մեծությանց ներկայանալու համար եկել են Ջալալ իշխանի մարդիկն՝ ընծաներով, կհրամայե՞ք ընդունել և բերել նրանց այստեղ:

ՋՈՒԱ.—Ընդունի՛ր: (Բարապանը դուրս է գնում) Անշուշտ խաղաղություն խնդրելու համար են եկել: Բայց ես նրանց և ոչ մի առաջարկությունը պիտի ընդունեմ: Ինձ հարկավոր է Ջալալի ամրոցն, որ այս երկրի ապստամբության ծննդարանն է, և որն ես հիմնահատակ պիտի անեմ: Իսկ իշխանի գանձերն առանց յուր բարեհաճ կամացն իսկ մերը կլինին: Այս բերվածները դեռ կընդունինք իբրև առհավատյա:

ՀԱՄՏՈՒՆ.—Այո՛ տեր, դուք զրկած կլինիք ձեր բանակը հարուստ ավարից և ձեր քսակներն՝ անգին գանձերից, եթե նրա խաղաղության առաջարկությունն ընդունեք, կամ բավականանաք նրա դրկած ընծաներով, որոնք, անշուշտ, ոչ այլ ինչ են, եթե ոչ նրա իշխանագն հյուրերի գրպանների թափթփումքը:

ԲՈՒՐԱ.—Իսկ որ ամենից ավելի է, մինչև որ նրա դուստր Ռուզանն իմ վրանը չբերվի, և ոչ մի խաղաղության դաշն պիտի կռվի: Ռուզանն առնելուց ետ՝ մենք ձեռք չենք տալ նրա ամրոցին. ես իմ հոր անունով կշնորհեմ Ջալալին յուր ազատ իշխանությունը:

ՋՈՒԱ.—Բուրա՛, ուրեմն դու կամենում ես իմ դիտավորությունը խանգարե՞լ և մի հայի աղջկա համար զոհում ես պատիվը քո հոր, որի զորքերը հենց այս իշխանի հրամանով այնպես անգթաբար ջարդվեցան, և որոնց վրեժը դու պարտավոր ես լուծել:

ԲՈՒՐԱ.—Դու արյուն խմելով ես ծերացել, Ձուլա հորեղբայր, և չես կշտանալ, եթե երկրի երեսի բոլոր քրիստոնյաների արյունը ծծես: Բայց ես բավական եմ համարում այն կոտորածն, որ մինչև այստեղ հասնելիս մեր զորքերն արին: Այդ էլ բավական մեծ վրեժ էր մեր ջարդված զորքի համար: Ես վճռել եմ:

ՀԱՄՏՈՒՆ.—Տեր-Նուին, եթե դու այս անգամ հաճիս Ջալալին շնորհել յուր իշխանությունը, դրանով այս կողմերում թաթարաց համար կպատրաստես մի անպարտելի թշնամի: Եթե Ջալալն այժմ խաղաղություն է խնդրում, այդ նրա համար է, որ ձեր բանակները հանկարծ վրա հասան, և նա ինչույթով պարապած լինելով՝ ժամանակ չունեցավ պատրաստվելու: Բայց եթե նրա աչալուրջ ժամանակ այս երկիրը մտնեիք, դուք այստեղ կգտնեիք այնպիսի դիմադրություն, որի նմանին թաթարը չէ հանդիպել ոչ մի տեղ:

ՋՈՒԱ.—(Բուրային) Ինչպե՞ս ես գտնում այս հայի խորհուրդը, որ ինձանից ու քեզանից ավելի լավ է ճանաչում յուր ազգն ու իշխաններին:

ԲՈՒՐԱ.—(անուշադիր աչքերը խորանի դռանը սևեռած) Քո խոստման համաձայն՝ իրեն

Նպաստավոր, իսկ մեզ՝ աննպաստ: Բայց ահա գալիս է Ջալալի պատգամավորը, թող նրան լսենք:

ՀԱՄՏՈՒՆ.—(ինքն իրեն) ՉԷ հաջողվում: Ի՞նչ հիմարություն արի Ռուզանի անունը հիշելով: (Դեպի դուռը): Ա՛հ Չաքարե իշխանը...

#### ՏԵՍԻԼ Գ

Առաջիններն, Չաքարե, հինգ ընծայակիրների և մի դրոշակի հետ

ՉԱՔԱՐԵ.—(մտնելով և խորը գլուխ տալով, որի ժամանակ դրոշակակիրը դրոշը խոնարհում և այնպես պահում է մինչև. խոսակցության վերջը: Տեր-գորապետ, տե՛ր Լուին, իշխան Յասան-Ջալալ-Տուլան խոնարհ բարեկամությամբ ողջունում է ձեր մեծությանց մուտքը մեր երկիրը: Եթե այսօրվանից ձեր մի քանի գունդերը հարձակված չլինեին մեր բերդի վրա, մենք ձեր գալուստը կընդունեինք իբրև շնորհաբեր այցելություն խանի հեռավոր կալվածներին:

— Բայց որովհետև այդ հարձակումը տեղի ունեցավ, ուստի մենք ստիպվեցանք պաշտպանվել: Բայց իշխան Ջալալ-Տուլան բնավ չէ ցանկանում սրով դիմադրել խանի զորքերին, ըստ որում նրան ծանոթ է ձեր սրի ուժը և հաջողությունը: Ուստի խոնարհելով ձեր զորության առաջ, իմ բերանով խնդրում է, որ բարեհաճեք նվիրել իրեն ձեր թանկագին բարեկամությունը և յուր երկրից հանել ձեր զորքերը: Դրա փոխարեն նա խոստանում է յուրաքանչյուր տարի վճարել վեհափառ խանին ձեր կողմից որոշված հարկը: Իսկ առայժմ խնդրում է ընդունել այս (ցույց տալով ընծաները) առհավատյան:

ՋՈՒԱ.—Ես ընդունում եմ Յասան-Ջալալի ուղարկած ընծաները. (ընծայակիրներն ընծաները դնում են գետնին) և նրա խոնարհած դրոշը. բայց սպասում եմ, նաև, բերդի բանալիներին և յուր դուստր Ռուզանին, իմ եղբորորդի Բուրա-Լուինին (ցույց տալով Բուրային) կնության համար: Սրանք դրկելուց ետ՝ նա յուր իշխաններով կիջնե իմ բանակը՝ անձամբ յուր իշխանությունը իմ ձեռը հանձնելու, որովհետև ես այն պիտի տամ առավել արժանավոր (ցույց տալով Համտունին) մարդու...

ՉԱՔԱՐԵ.—(խոնարհած դրոշը խլելով, կանգնում է հաղթական ձևով և ապա նայում է Համտունին, որին մինչև այն չէր նշմարել) Ա՛... դու այստե՞ղ ես... այդ դո՞ւ ծանոթացրիր նրանց Ջալալի դստեր հետ:

ՀԱՄՏՈՒՆ.—(իբր անտարբերությամբ) Այո՛:

ՉԱՔԱՐԵ.—Եվ ո՞ր սատանան ներշնչեց քո մեջ այդ գարշելի մատնությունը :

ՀԱՄՏՈՒՆ.—Նա, որին դու քեզ եղբայր ես անվանում:

ՉԱՔԱՐԵ.—Թող դժոխքը վարձատրե քեզ, հայրենիքի դավաճան:

ՋՈՒԱ.—(Չաքարեին) Իմ ներկայությամբ համարձակվում ես հայիոյել իմ հյուրի՞ն:

ՉԱՔԱՐԵ.—Ես հայիոյում եմ վատարանց մատնիչին:

ԲՈՒՐԱ.—Պատգամավոր, դու ուշանում ես. քո իշխանն սպասում է քեզ: Գնա՛ և հայտնիր նրան Ձուլա զորապետի պատասխանը: Իսկ իմ՝ Չարմադանի որդվո Բուրա-Լուինի կողմից ավելացրու, որ ես իմ հոր անունով կշնորհեմ Ջալալին յուր ազատ իշխանությունը, եթե միայն նա կհամաձայնվի կնության տալ ինձ յուր Ռուզան դուստրը: Իսկ եթե ոչ, հենց որ մեր պատգամավորը կվերադառնա բացասական պատասխանով, մենք կսկսենք կոտորել ա՛յն հազար կապյալները, որ այդ իսկ նպատակով ժողովել պիտի տանք այստեղ: Եվ այդ կոտորածը մենք կշարունակենք ամեն օր, մինչև որ Ջալալը կզիջանի մեր կամքին: Այժմ ազատ ես, գնա՛: (Դառնալով յուր թիկնապահին): Աբու, ընկերացի՛ր պատգամավորին և նրա իշխանի պատասխանը բեր մեզ շուտով:

ԱԲՈՒ.—Գլխիս վրա, տեր:

ՋՈՒԱ.—(հուզված) Բուրա, դու շատ ողորմածությամբ ես վարվում քո հորդ անարգող թշնամու հետ:

ԲՈՒՐԱ.—Ես այդպես եմ կամենում: (Չաքարեին): Դու ազատ ես (Չաքարեն դրոշակը ձեռքին շրջում է ելնելու յուրայիններով):

ՋՈՒԱ.—(բարկությամբ Չաքարեին) Կամակո՛ր հայ, դու չլսեցի՛ր, երբ քեզ ասացի թե՛ ընդունում եմ ընծաները...

ՉԱՔԱՐԵ.—(ցույց տալով ընծաները) Ահա՛ ընծաները:

ՋՈՒԱ.—Եվ դրոշակը:

ՉԱՔԱՐԵ.—Երբ իմ իշխանապետի առաջարկությունը չընդունեցիք, դրոշակն ազատ ետ պիտի դարձնեմ նրան:

ՋՈՒԱ.—(կատաղութամբ) Հանդգնում ես մինչև այդտեղ (թիկնապահ Աբուհն): Առ դրա ձեռքից այդ դրոշակը: (Թիկնապահը մոտենում է խլելու):

ՉԱՔԱՐԵ.—(ծախ ձեռքով մի կողմը հրելով թիկնապահին) Հեռո՛ւ այդ պիղծ ձեռքերով... առաջ հոգիս այս մարմնից, հետո դրոշակն իմ ձեռքից:

ՋՈՒԱ.—Հոգիդ կբաղեն հենց այս րոպեին: (Կոչելով դեպի դուրսը): Չինվորներ՛ր (Ներս են թափվում մի քանի սուսերամերկ զինվորներ): Սատակեցե՛ք այդ անզգամին: (Չինվորները բարձրացնում են սրերը, Չաքարեն աներկյուղ կանգնած է նրանց մեջ):

ԲՈՒՐԱ.—(շտապով վեր թռչելով տեղից և բարկացած դեպի զինվորները գոչելով) Դարձրե՛ք սրերդ իրենց պատյանները: (Ջուլային): Հորեղբայր, ինչո՞ւ չես հարգում զինաթափ ծերությունը: Մի՞թե մենք իրավունք ունինք սպանել ա՛յն մարդուն, որ մեր մեծահզորության վրա վատահանալով՝ մտել է մեր վրանը իբրև մի ապահով տեղ: (Չինվորներին): Դո՛ւրս կորեք և չիամարձակվեք այսուհետև սուր բարձրացնել անզեն մարդու վրա: (Չինվորները դուրս են գնում):

ՋՈՒԱ.—(բարկությամբ և ինքն իրեն) Ահա՛ իմ եղբոր անմտության հետևանքը... ո՞վ է տեսել, որ մի համբակ այս իրավունքը բանեցնե...

ՉԱՔԱՐԵ.—(Բուրային) Գերազնիվ տեր, մատուցանում եմ քեզ իմ անկեղծ հարգանքը: Դու արժանի ես իշխելու, որովհետև մեծահոգի ես և գիտես հարգել պատգամավորի իրավունքը: Եթե մենք սուր ի ձեռին կռվելու լինինք քո դեմ, դարձյալ քո արժանիքը պիտի մեծագրենք... մնաս բարյավ: (Դուրս է գնում յուրայիններով):

ՋՈՒԱ.—(բարկությամբ բորբոքված) Բուրա՛, դու անարգեցիր քո հորեղբորն օտարի և յուրայինների առաջ:

ԲՈՒՐԱ.—Ընդհակառակը, հորեղբայր, ես քեզ ազատեցի մի անպատվությունից, որ նաև մեր սուրն ու անունը պիտի արատավորեր:

ՀԱՄՏՈՒՆ.—(ինքն իրեն) Այս էլ բավական է, որ Ջալալի աղջկան Թաթարստան կուղարկեմ:

Վարագույր

ԱՐԱՐՎԱԾ ՉՈՐՐՈՐԴ  
ԱՌԱՋԻՆ ՊԱՏԿԵՐ

Ջալալ իշխանի խորհրդարանը. աջ ու ձախ բացվում են երկու խոր, ընդարձակ դռներ, որոնք ծածկված են վարագույրներով: Սենյակի մեջտեղը սեղան և աթոռներ:

ՏԵՍԻԼ Ա  
Ռուզան (խիստ վրդովված)

Եվ ուրեմն այսպես. թշնամին չէ գոհանում մեր հպատակությամբ և դրկած ընծաներով, նա ինձ էլ պահանջում է յուր կնության, հակառակ դեպքում սպառնում է կոտորել հազարավոր անմեղներ... Եվ այս դժոխային լուրը ես լսեցի իմ ականջով, թեպետև ջանացին ծածկել: Այո, լսեցի, սա ուրեմն երազ չէ և ոչ էլ ցնորք... վշտերից ծանրագույնը հասնում է ինձ հենց այն օրը, երբ ես այնքան մոտ էի երջանկությանը... Ո՞վ դառն ճակատագիր... Ուրեմն ես, դժբախտության աղջիկս, պատճառ պիտի լինիմ արյունահեղ կոտորածի՛. ես, որ մանկությունից սովորել եմ ծառայել իմ հոր ժողովրդին, ես, որ խնամել եմ նրա որբը, մխիթարել այրին, պատսպարել աղքատին, ես, որ անթուն հսկել եմ հիվանդների մահճի մոտ և իմ ձեռք սրբել այնքան շատ արտասուք. այսօր, ուրեմն, պատճառ պիտի լինիմ արյան ու անեծքի... օ՛ հ, ո՛չ, անկարելի է. այդ չի պիտի լինի... իմ աչքերը չեն տեսնիլ այդպիսի աղետ, եթե պետք է զոհ, ապա թող զոհեն ինձ, թող ուղարկեն թշնամուն, թող մատնեն ինձ թաթարին, ես չեմ տրտնջալ, և ոչ էլ կհակառակեմ, միայն թե աղետը վերանա ժողովրդից... միայն թե նրա լացի ձայնը չհասնե իմ ականջին: Ո՞վ է գալիս այստեղ: (Նայելով վարագույրի ետևից) Հայրս և իշխանները. գալիս են խորհրդի, պահվիմ այստեղ, տեսնեմ՝ ինչ են որոշում... (մտնում է աջ դռան վարագույրի ետևը):

ՏԵՍԻՆ Բ

ՋԱԼԱԼ, Չափարե, Ներսեհ, Մամբան, Սմբատ, Ումեկ, Պապաբ:

ՈՒՄԵԿ.—(Ջալալին) Այսպես է, իշխան, դրությունը ծանր է, պետք է շտապել մի ելք գտնել:

ՋԱԼԱԼ.—(մտախոհ և տխուր) Պետք է շտապել, այո՛: Բայց խնդիրն այն է, որ շտապելով էլ չենք կարող ելք գտնել:

ՉԱՔԱՐԵ.—Դանդաղելով նույնպես չենք շահիլ ոչինչ:

ՈՒՄԵԿ.—Ուրե՞մն:

ՉԱՔԱՐԵ.—Պետք է որոշենք, թե չարիքներից ո՞րն է փոքրագույնը, և այն էլ ընտրենք:

ՋԱԼԱԼ.—Թշնամու պահանջը պարզ է. երկուսից մինը պիտի զոհենք՝ կա՛մ ժողովուրդը, կա՛մ իմ Ռուզանը:

ՄԱՄՔԱՆ.—(վշտանար) Իմ Ռուզա՞նը... Օ՛, մի ասեք այդ, մի արտասանեք նրա անունը:

ՋԱԼԱԼ.—Ուրեմն որոշեցեք, ո՞րն է փոքրագույնը... (ամենքը լուռ են): Ինչո՞ւ չեք խոսում... (դառը ժպիտով) Հո ամենքդ գիտեք, որ մի հատ ոսկին ավելի քիչ արժե, քան թե հազարը:

ՉԱՔԱՐԵ.—Եղբա՛յր իմ...

ՋԱԼԱԼ.—Անանիա Ծիրակացին<sup>1</sup> անշուշտ կտարակուսեր, եթե նրան ասեի թե՛ իմ մի ոսկին ավելի արժե, քան ուրիշների նման հազարը... Իսկ դո՞ւք, դո՞ւք ինչ եք ասում:

ՉԱՔԱՐԵ.—Սիրելի եղբայր, ժողովուրդը նույնպես բաղկանում է իշխանի հարազատ որդիներից, հայրը չպետք է խտիր դևե յուր զավակների մեջ:

ՋԱԼԱԼ.—Ուրեմն, քո կարծիքով պետք է մեկը զոհել՝ որ հազարը փրկվի:

ՉԱՔԱՐԵ.—Արդարությունն ու պարտքս հրամայում են ասել այո՛:

ՋԱԼԱԼ.—(եռանդով և վշտահար) Ուրեմն ե՛ս եմ միայն, որ մեղանչում եմ պարտքի և արդարության դեմ... Օ՛ ինչպես հեշտ է դատապարտել... բայց եկեք առաջ կուրծքս պատառեցեք՝ հանեցեք այստեղից ծնողի սիրտը և նրա փոխարեն դրեք իշխանինը. այն ժամանակ գուցե հայրը չզգա ոչինչ, և իշխանն յուր դուստրը զոհե ժողովրդին է: (դառնությամբ)... Ո՞վ արդյոք ձեզնից կարող է բանալ այս տախտակն, որն աստված ամրացրեց...

ՉԱՔԱՐԵ.—Հիշի՛ր Հեփթայեին, սիրելի եղբայր...

ՋԱԼԱԼ.—Հեփթայեն յուր աղջիկը զոհեց աստծուն, իսկ ես պիտի զոհեմ գարշելի թաթարին:

ՉԱՔԱՐԵ.—Այս զոհն էլ, անշուշտ, աստված է պահանջում:

ՄԱՄՔԱՆ.—(հուզված) Մի՛ ասիր այդ, սիրելի տագր, աստված անիրավ զոհ չի պահանջիլ:

ՉԱՔԱՐԵ.—Նրա խորհուրդն անքննին է և կամքն անհասանելի:

ՋԱԼԱԼ.—Եթե անքննին է, ուրեմն չքննենք և դառնանք մեր խնդրին: (դառնալով Ներսեհին): Դու ինչո՞ւ չես խոսում որոյա՛կ:

ՆԵՐՍԵՀ.—Ես սպասում եմ քո հրամանին:

ՋԱԼԱԼ.—Խոսի՛ր, հայտնի՛ր քո կարծիքը: Եթե ես կորցնում, եմ իմ դուստրը, դու կորցնում ես քո կյանքի լուսատուն:

ՆԵՐՍԵՀ.—Երբե՛ք: Ավելի շուտ խաչենը դեպի ակունքը կդառնա, քան թե Ռուզանը կխլեն իմ ձեռքից:

ՋԱԼԱԼ.—Ի՞նչ անենք ուրեմն:

ՆԵՐՍԵՀ.—Պիտի մերժենք բռնավորի պահանջը:

ՉԱՔԱՐԵ.—Պիտի մերժե՞նք:

ՆԵՐՍԵՀ.—Բացե՛իրբաց:

ՄԱՄՔԱՆ.—Օ՛, այդպես խոսիր, սիրելի որդյակ...

ՈՒՄԵԿ.—Իսկ այդ մերժման հետևա՞նքը:

ՉԱՔԱՐԵ.—Կլինի այն, որ բռնավորը կհրամայե կապյալները կոտորել:

ՆԵՐՍԵՀ.—Մենք թույլ չենք տալ այդ:

ՉԱՔԱՐԵ.—Ի՞նչ կարող ենք անել:

ՆԵՐՍԵՀ.—Մեր ունեցած ուժերով կհարձակվենք նրա դեմ:

ՉԱՔԱՐԵ.—Բայց այդ ուժն հինգ հարյուր զինվորից ավելի չէ, մինչդեռ թշնամին մեզ պաշարել է տասնյակ հազարով: Եթե նրա հարձակումն անակնկալ լիներ, մենք կարող կլինեինք դրսի ուժերը ժողովել և քաջաբար դիմադրել. բայց նա հասավ անսպաս և փակեց մեզ այստեղ՝ ինչպես զնդանում:

ՆԵՐՍԵՀ.—Խոխանաբերդն ամուր է և ունի առատ պաշար: Մեր զորքի մի քառորդը կարող է պաշտպանել նրան, իսկ մնացածով մենք անակնկալ թշնամու վրա կհարձակվենք և եթե

չկարողանանք մեծ կոտորած անել, գոնե կպատառենք մեզ փակող շղթան և կանցնենք շուտով Խաչենի հովիտը: Այնուհետև հեշտ կլինի զորք ժողովել գավառից և անընդհատ հարձակումով նեղել թշնամուն:

ՍՄԲԱՏ.—Մինչև այն էլ Գուգարքից իմ զորքերը կհասնեն, և դրացի իշխանները մեր շուրջը կժողովվին:

ՄԱՍՔԱՆ.—Եվ աստծու աջը զորավիգ կլինի ձեզ:

ՉԱՔԱՐԵ.—Սիրելի որդյակներս, Չայրենիքի համար կռվիլը և նրա ազատության գոհվիլը մեծագույն փառքն է աշխարհի մեջ: Այդ ճիշտ է: Բայց պետք է զոհել այնտեղ, ուր հույս կա փրկության, զոհն ապարդյուն է, եթե նա յուր ետևից բերում է միայն կորուստ և թշվառություն: Մեր զորքերն, այո՛, կարող են բեկանել թշնամու շղթան. նրանք հաջողությամբ կելնեն նաև դաշտը, բայց նրանց կհետևի բազմաթիվ թշնամին: Հինգ հարյուր զինվորը չէ կարող ճակատել մի բյուր զորքի դեմ. նա փախուստ կտա կամ իսպառ կջնջվի: Բացի այդ, մենք զորաժողովի համար պետք ունինք ժամանակի. մինչդեռ թշնամին կազմ է և պատրաստ. նա ոչ միայն կխանգարե մեր զորք ժողովելն այլև Խաչենք կավերե հիմնովին. նա սուր կբաշտ անպաշտպան ժողովուրդը և գյուղերն ամեն տեղ կդարձնե մոխրակույտ: Այս ամենը պետք է դուք աչքի առաջ ունենաք: ՋԱԼԱԼ.—Այդ ամենը, հարկավ, ես հաշվել էի վաղուց, այդ պատճառով էլ խոնարհեցա և իմ իշխանական հպարտությունը զոհեցի ժողովրդի փրկության: Ես նվեր դրկեցի թշնամուն իմ գանձի մեծ մասը և, իբրև հպատակ, խոստացա. հարկ տալ խանին. բայց նա այդ ամենը առ ոչինչ դրեց:

ՉԱՔԱՐԵ.—Այդպես արավ Ջուլան: Բայց Բուրա-Նուհնը, որ ըստ երևույթին, ավելի իրավունքներ է վայելում, քան ձերուկ հորեղբայրը, խոստացավ ազատել ժողովուրդը սրածուրծներից և թողնել թեզ ազատ թո իշխանության մեջ...

ՋԱԼԱԼ.—Բայց դրա համար խնդրում է իմ դուստրը իբրև փրկանք:

ՉԱՔԱՐԵ.—Այո՛:

ՋԱԼԱԼ.—Օ՛, և ի՞նչ քիչ բան է խնդրում: Եվ Հասան-Ջալալը պիտի ստորացնե իրեն ա՛յն աստիճան, որ յուր իսկ ձեռով հանձնե թաթարին յուր հրեշտակ աղջկա՞ն: Ոչ. այդ չի լինի: Ես կամենում էի, արդարև, ձեր բոլորի խորհուրդը լսել, որպեսզի իմանայի, թե քանի՞սը ձեզնից իրավունք են տալիս հորը՝ պաշտպանել դստերը: Այժմ գոհ եմ տեսնելով, որ միայն դո՛ւ ես զլանում ինձ այդ իրավունքը, սիրելի եղբայր: Եվ դու, իհարկե, կատարում ես թո պարտքը: Բայց ես վճռել եմ. ես բաց աչքերով չեմ մատնիլ իմ գառը՝ անգուրթ գազանին, թող թաթարն յուր սուրը նախ այս կուրծքը խրե և ապա թե մարմնիս վրա կոխելով՝ իմ գանձն հափշտակե:

ՆԵՐՍԵՅ.—Մենք նրա սուրը կփշոռենք յուր իսկ գլխի վրա:

ՍՄԲԱՏ.—Ուրեմն վճռված է, կանչենք թշնամու պատգամավորին և հայտնենք նրան մեր պատասխանը:

ՋԱԼԱԼ.—Հրամայի՛ր կանչել:

ՍՄԲԱՏ.—(գնալով դեպի ձախ դուռը և վարագույրը բանալով) Բարապան, ներս բեր պատգամավորին:

ՉԱՔԱՐԵ.—Քանի դեռ ուշ չէ, նորեն մտածեցեք, ձեր պատասխանը տալուց առաջ թող խոհեմությունն առաջնորդե ձեզ:

ՋԱԼԱԼ.—Խոհեմությունը մինչև այժմ չօգնեց մեզ, եղբայր, գործենք այժմ անխոհեմությամբ. գուցե այդպիսով բախտը ծիծաղի մեզ:

## ՏԵՍԻԼ Գ

Առաջիններն և Աբու

ՋԱԼԱԼ.—(դառնալով Աբուին) Ի՞նչ է պահանջում ինձանից թո տերը:

ԱՐՈՒ.—Քո դուստր Ռուզանը իրեն կնության:

ՄԱՍՔԱՆ.—Թող պապանձվի այդ լեզուն...

ՆԵՐՍԵՅ.—(ձեռքը դեպի սուրը տանելով) Դժոխքն է խոսում այս:

ՋԱԼԱԼ.—Ասա՛ այն բռնավոր գազանին, թե հենց այս րոպեին ես կիջնեմ դաշտը՝ իմ սրովս նրան պատասխանելու, դեռ այնքան թույլ չեն մեր բազուկները, որ չկարողանան տապալել իրենց թշնամուն: Գնա և հայտնիր այս թո տիրոջը:

(Աբուն դուրս է գնում):

ՆԵՐՍԵՅ.—(սուրը հանելով) Կեցցե՛ մեծ իշխանը, ահա իմ սուրը պատրաստ է նրան ծառայելու: ԻՇԽԱՆՆԵՐ.—(բոլորը միասին վեր կենալով և սրերը հանելով) Կեցցե՛ մեծ իշխանը, ահա՛ և մենք՝ պատրաստ նրա հրամանին:

ՋԱԼԱԼ.—Օ՛ն ուրեմն, հառա՛ջ, իշխաններ, հրամայեցե՛ք բանալ բերդի դռները, թող մեր զորքերը հետևին մեզ իսկույն: Եթե պիտի մեռնենք, ապա թող այդ լինի սուրը մեր ձեռին և կռվի դաշտի վրա: Անարգ կյանքից ավելի՝ ազատ մահն է գովելի. հառա՛ջ, քաջերս: (Բոլորը պատրաստվում են ելնելու):

ՏԵՍԻԼ Դ

Առաջիններն և Ռուզան

ՌՈՒԶԱՆ.—(դուրս գալով աջ դռան վարագույրի ետևից): Կացե՛ք, հայր իմ:

ՋԱԼԱԼ.—(ցնցվելով) Աղջիկս...

ՆԵՐՍԵՅ.—Ռուզան... (բոլորը միաբերան)

ՋԱԼԱԼ.—(ցնցվելով) Աղջի՛կս...

ՌՈՒԶԱՆ.—(բոլորին) Ո՛ր եք դիմում, իշխաններ:

ՋԱԼԱԼ.—Թշնամու դեմ, որոյա՛կս:

ՌՈՒԶԱՆ.—Ես չի պիտի թողնեմ:

ՋԱԼԱԼ.—Չազար կապյալներ պիտի զոհվին այնտեղ՝ եթե մենք ուշանանք:

ՌՈՒԶԱՆ.—(հանդիսավոր) Գիտեմ. բայց նրանց ես պիտի ազատեմ:

ՋԱԼԱԼ.—Օ՛հ, աղջիկս...

ՆԵՐՍԵՅ.—Ռուզան, ի՞նչ ասացիր:

ՄԱՄՔԱՆ.—Ի՛նչ եմ լսում: (Դիմում է դեպի Ռուզանը): Դատրի՛կս, ի՞նչ ես խոսում:

ՌՈՒԶԱՆ.—Ի՛նչ, մի՞թե կարծում էիք, թե ձեր խռովության ու վրդովման պատճառները գաղտնի պիտի մնային ինձնից: Ես բոլորն իմացա: Թեպետ ինձ արգելեցիք ներկա լինել ձեր խորհրդարանում. սակայն ա՛յս հասարակաց աղետի ժամանակ՝ ես չէի կարող ձեր հրամանը ճշտությամբ կատարել: Ես պահվեցա այդ վարագույրի ետև (ցույց է տալիս աջ դռան վարագույրը) և բոլորը լսեցի: Ես գիտեմ թե ո՞վ է այն անձն, որ Չամտուն իշխանի սրտում դավաճանություն է հղացել, թե ո՞վ է նա, որ բռնավոր Ջուլայի՝ մեր երկիրը արշավելուն պատճառ է դարձել և որ հազար անմեղ կապյալների կոտորելուն էլ պատճառ պիտի դառնա... այդ թշվառն ես եմ. ես ինքս էլ, ուրեմն, իբրև հանցավոր, պատիժը կկրեմ:

ՋԱԼԱԼ.—Աղջի՛կս, ի՛նչ ես կամենում անել:

ՌՈՒԶԱՆ.—Ես պարզ խոսեցի, տիրեցյալ հայր. ես պիտի զոհվիմ. ինձ պիտի զրկեք թշնամու բանակն և հանձնեք բռնավորին, որովհետև քո իշխանության և ժողովրդի բախտն այդ անձնագողությունից է կախված: Իսկ ես այնքան թուլասիրտ չեմ, որ իմ հայրենիքին այսպիսի մի զոհ բերելու համար վայրկյան անգամ տատանիմ: Ես վճռել եմ:

ՋԱԼԱԼ.—Երբեք, ես այդ չեմ անիլ:

ՌՈՒԶԱՆ.—Բայց, հայր իմ, եթե դու չանես, ես պարտավոր եմ անել և դրա համար արդեն քո հրամանն ունիմ: Քանի դեռ փոքր էի, ուսուցանում էիր ինձ՝ սիրել հայրենիքը իմ անձից ավելի, և նրա բարօրության համար զոհել ամենը, ինչ որ ունիմ թանկագին: Արդ, հասել է ժամը քո պատվերը կատարելու. մի՞թե դու այժմ հակառակը պիտի խրատես...

ՄԱՄՔԱՆ.—Ա՛հ, բավական է, Ռուզան, մի՛ խոսիր, ես ցնորվում եմ...

ՌՈՒԶԱՆ.—Քո մի հատիկ դատեր համար ես ցավում, մայր իմ, այնպես չե՞... Չապա ի՛նչ անեն ա՛յն հարյուրավոր մայրերը, որոնց որդիները մի քանի ժամից պիտի զոհվին անգուլթ դահիճների սրին: Ի՛նչ պիտի անեն այն հարյուրավոր հարսունք, որոնք մի ժամից պիտի այրիանան: Ո՞վ պիտի ինամե և մխիթարե այն հազարավոր մանուկներին, որոնք մի օրում պիտի որբանան... Մի՞թե արդարություն է, որ այսքան հոգիները քո դատե՞րը զոհվին: Ավելի լավ չե՞, որ դրանց բոլորին ազատելու համար զոհվիմ միայն ես: Եվ մի՞թե դո՛ւք, որ ազգի տերն եք ու պաշտպանը, պիտի զլանա՞ք նրան այդ կարևոր շնորհը:

ՋԱԼԱԼ.—(ձեռքով ճակատը բռնելով) Աստվա՛ծ իմ, աստվա՛ծ իմ, ինձ դրել ես երկու սրի մեջ՝ մեկը

մյուսից սայրասուր: (Ընկնում է աթոռի վրա և գլուխը առնում ձեռների մեջ):

ՌՌԲՁԱՆ.— Ուրեմն վճռված է. դուք սիրտ չունի՞ք ինձ հրամայելու. ես ինքս կերթամ. թող պատգամավորը ինձանից առաջ չհասնե յուր տիրոջ մոտ: (Կամենում է դուրս գնալ):

ՄԱՄՔԱՆ.— (մոտենալով և Ռուզանի թևն առնելով) Ռուզան, դատրիկս:

ՌՌԲՁԱՆ.— (քնքշաբար մորը հեռացնելով) Ա՛հ, մայր իմ, մի՛ խանգարի ինձ, աղաչում եմ...

ՄԱՄՔԱՆ.— (ավելի մոտենալով և գրկելով Ռուզանին) Ոչ, Ռուզան, ոչ, քեզ չպիտի թողնեմ, քեզ այսպես պիտի գրկեմ, իմ կուրծքը քեզ համար պատնեշ պիտի շինեմ. թող թափվին ինձ վրա բռնավորի դահիճներ. թող նրանք առաջ ինձ մաս-մաս կտրտեն և ապա թե քեզ իմ գրկից խլեն: Ես բաց աչքերով չի պիտի տեսնեմ քեզ գերի՝ անհավատ բռնավորի ձեռքում, քե՛զ, Ռուզա՛ն, որին վարդի պես պահել, վարդի պես մեծացրել եմ. դու պիտի իննայես մորդ, որի աչքերի լույսն ես, Ռուզան...

ՌՌԲՁԱՆ.— Ա՛հ, մայր իմ, մայր իմ... դու մորմոքում ես իմ սիրտը, դու թուլացնում ես իմ արիությունը...

ՄԱՄՔԱՆ.— (աղաչավոր ծայրով դեպի իշխանները) Իշխաններ, դուք կանգնել եք անգործ, մի՞ թե չեք զգում մեր թշվառության ծանրությունը, փոխացե՛ք, գործեցե՛ք՝ ինչ որ կարող եք...

ԻՇԽԱՆՆԵՐ.— (առաջ շարժվելով) Մենք սպասում ենք մեծ իշխանի հրամանին:

ՌՌԲՁԱՆ.— (հրամայաբար) Թող ոչ ոք ձեզանից առաջ չշարժվի:

ՄԱՄՔԱՆ.— (հուսահատ ծայրով) Ռուզա՛ն... աղջի՛կս... (թուլացած նստում է աթոռին):

ՆԵՐՍԵՅ.— (առաջ գալով) Ռուզա՛ն, ես մինչև այժմ լռեցի, որովհետև չի պիտի կարենայի ազդել քեզ վրա ավելի, քան կարող էին ազդել մի հոր վշտահար դեմքը և մի թշվառ մոր աղաչավոր լեզուն:

Բայց որովհետև դու անդրդվելի ես մնում այդ հսկա ուժերի առաջ, ուրեմն ես այլևս չի պիտի աշխատեմ քո սիրտը շարժելու: Ես չի պիտի խոսեմ մեր բարեկամության վրա, մեր ջերմ և անզուգական սիրո վրա, որին ուխտել ենք հավատարիմ մնալ մինչև ի մահ, այլ միայն պիտի աղաչեմ, որ մի փոքր համբերես: Ես այս րոպեին իմ քաջերով կթռչեմ դեպի այն հանդիսավայրն, ուր հազար կապյալներն են. ես կջնջեմ այդ զոհերի դահիճների խումբը, ես կազատեմ նրանը...

ՌՌԲՁԱՆ.— (ընդհատելով) Իսկ դրան հետևող կրկնապատիկ թշվառությո՞ւնը, իսկ թշնամու ահագին բանա՞կը:

ՆԵՐՍԵՅ.— Ես դրանց դեմ ոտքի կհանեմ բոլոր Արցախը. գեղացիների բրեքով միայն կջնջեմ այն բանակն, որ դու ահագին ես անվանում: Չանցած մի քանի օր, և Ջուլայի զորքերը անհետացած կլինեն մեր սահմաններից:

ՌՌԲՁԱՆ.— Դու այդ չես կարող անել, սիրելի Ներսեհ:

ՆԵՐՍԵՅ.— Եթե դժոխքի կատաղիներն անգամ զինվեն իմ դեմ, ես չի պիտի հաղթահարվիմ: Այս կուրծքի մեջ, ուր բաբախում է մի սիրտ քեզ սիրելու համար, սնանում է և մի առյուծ՝ քեզ պաշտպանելու համար: Քանի դեռ շնչում եմ, քանի դեռ արյուն է վազում իմ երակներում, և քանի այս բազուկը կորովի է, ես թույլ չեմ տալ, որ բռնավորի պիղծ ձեռքերը մոտենան քեզ: Բայց երբ ես անկարող կլինեմ քո անհրավ ճակատագիրը ջնջելու, երբ ես իմ քաջերով կընկնեմ պատերազմի դաշտում, այն ժամանակ, Ռուզան, ազգի փրկության սեղանի վրա դու կհանես քո ողջակեզը:

Ուրեմն դեռ այժմ մենք կերթանք գործելու: (Շարժվում է դեպի առաջ):

ՌՌԲՁԱՆ.— (հրամայաբար) Ներսե՛հ: (Ներսեհը կանգ է առնում, Ռուզանը շարունակում է մեղմով):

Ներսեհ, իմ հոգվի անգին հատոր, գիտես, որ քեզ սիրում եմ. սիրում եմ իմ բոլոր հոգվով, իմ սրտի բոլոր կարողությամբ: Մինչև այսօր դու էիր իմ մտածմունքը, դու էիր իմ հրճվանքը, դու էիր իմ սիրո և հիացման առարկան... օ՛հ, հիշում եմ ինչպե՛ս մեր անուշ զրույցների և զբոսանաց ժամերում՝ ինձ թվում էր, թե աշխարհն էլ չունի վշտեր, թե ցավերն ու չարիքները վերացել են երկրից: Ինչպե՛ս ես քեզնով հպարտանում էի և քո ապագա կենակցությունն ինձ հետ՝ համարում բախտի մեծագույն մի շնորհ. զի հավատում էի՝ թե այդ միությամբ մեզ համար պիտի բացվի երջանկության այն աղբյու՛րն, որից հավասարապես պիտի օգտվենք թե՛ մենք, թե՛ մեր հարազատները և թե ժողովուրդը... Բայց ահա՛ աստված տնօրինեց այլ կերպ: Նա փակեց մեր առաջ երանության դուռը և բացավ փորձության մի փշայից ճանապարհ, որով պիտի անցնենք: Անցնենք, ուրեմն, առանց դժգոհության, զի ոչ ոք կարող է աստծո խորհուրդները քննել կամ գուշակել թե՛ այս ամենը չի իսկապես բարիք, որ նա ղրկել է մեզ վշտերի կերպարանքով...

Խոնարհե՛նք նրա սուրբ կամքի առաջ և մեզ վիճակված դառն բաժակը քամենք կամակար: Իրա՛վ, սա մեր սրտին կբերե տանջանք, բայց և ժողովրդին կտա փրկություն: Ուրեմն և դու, սիրեցյալը

իմ, քաջացիր և կրիր քո բաժին զրկանքն և հենց այդ զրկանքում քո վարձը որոնիր, զի մեզվից ոչ ոք ունի իրավունք՝ ժողովրդի ազատությունն յուր բախտին զոհելու:

ՆԵՐՍԵՅ.— Ես բախտ չեմ որոնում, ով աննման կույս, բայց իբրև հայ զինվոր՝ պարտավոր եմ հայ կնոջ մեջ՝ հայ անվան պատիվը պաշտպանել:

ՌՌԻԶԱՆ.— Այդ պարտքը ես կվճարեմ. զի իմ վճիռն անդարձ է, ինչպես զոհի վերջին շունչը, որ նա ավանդում է մահու թագավորությանը... Ուրեմն կացե՛ք բարյավ և մի՛ խանգարե՛ք ինձ (պատրաստվում է դուրս գնալու):

ՋԱԼԱԼ.— Աղջիկս...

ՄԱՄԲԱՆ.— Ռուզան...

ՍՄԲԱՏ.— (առաջանալով) Իշխանուհի, դու կապտում ես մեր սրբազան իրավունքն, արգելելով մեզ կատարել մեր պարտքը. մի՛ թույլ տար, աղաչում եմ, որ զինվորի սուրը կարմրի ամոթից:

ՌՌԻԶԱՆ.— Ժամանակն անցնում է, իշխաններ, մի խանգարե՛ք ինձ: Ձինվորի պատվասիրությունը ստիպում է ձեզ կռվել. գիտեմ, բայց դա կլինի մի չարիք, որ դուք կգործե՛ք, և որին կհետևե՛ն ավելի մեծ թշվառություն: Ձեր ունեցած ուժին ես ծանոթ եմ քաջապես: Չաքարե հորեղբայրս ամեն ինչ խոսեց, ես ամեն ինչ լսեցի: Դուք չպիտի կարենաք դիմադրել թշնամուն, ուրեմն և հուսահատ փորձի մի՛ դիմե՛ք: Ես չեմ կամենում, որ իմ պատճառով զոհերի թիվն ստվարանա. թողե՛ք ինձ...

(Յեռանում է դեպի դուռը):

ՄԱՄԲԱՆ.— (ճչալով) Ռուզան...

ՋԱԼԱԼ.— (բարկությամբ) Կա՛ց Ռուզան, հրամայում է հայրդ:

ՌՌԻԶԱՆ.— (արտասվալից ծայրով) Բայց կանչում են կապյալները...

ՆԵՐՍԵՅ.— (առաջն առնելով) Ես դեռ մեռած չեմ, Ռուզան:

ՌՌԻԶԱՆ.— (կանգնելով դռան առաջ, դեմքը դեպի բեմը ձեռքը հրամայաբար դեպի Ներսեսը պարզելով) Մի քայլ անգամ չհամարձակվես փոխել... (Պատկեր):

Վարագույր

ԵՐԿՐՈՐԴ ՊԱՏԿԵՐ

Ամրոցի մատուռի սյունազարդ գավիթը, որի վրա բացվում է մատուռի դուռը:

ՏԵՍԻԼ Ա

Պապաք և Թենի

ՊԱՊԱՔ.— Ռուզանն իմաստուն որոշումն էր արել երկիրը թշնամուց ազատելու համար. բայց հայրն արգելեց նրան այդ որոշումն իրագործելու:

ԹԵՆԻ.— Այդ ես իմացա և չեմ մեղադրում իշխանին. ոչ մի ծնող չի հրժարիլ յուր սիրած աղջիկը մատնել թշնամուն:

ՊԱՊԱՔ.— Բայց միևնույն է, թշնամին վերջ ի վերջո կտիրանա նրան:

ԹԵՆԻ.— Կտիրանա՞: Ինչպե՞ս:

ՊԱՊԱՔ.— Իշխաններն արդեն ելնում են Ջուլայի դեմ. այդ կնշանակե՛ թե նրանք գնում են ուղղակի մահվան առաջ, վասն զի թշնամին բազմաթիվ է և մեր հինգ հարյուրին կջարդե մի ժամում:

Այնուհետև նա բերդը ամեն կողմից կպաշարե և կառնե անաշխատ: Այստեղ գտնվողներին, իհարկե, սուր կքաշե, իսկ Ռուզանին կտանե յուր հետ:

ԹԵՆԻ.— Դու սարսափեցնում ես ինձ, իշխան:

ՊԱՊԱՔ.— Այո՛, ա՛յդ կլինի մեր ճակատագիրը, ամենքին կկոտորեն:

ԹԵՆԻ.— Ամենքի՞ն, և նույնիսկ կանա՞նց:

ՊԱՊԱՔ.— Կանանցից երիտասարդներին գուցե գերի տանեն, բայց պառավներին մյուս աշխարհը կուղարկեն:

ԹԵՆԻ.— (սարսափահար) Ի՞նչ անենք, ուրեմն, իշխան, փրկության մի ճանապարհ չորոնե՞նք:

ՊԱՊԱՔ.— Փրկության միակ ճանապարհը կլինի այն, որ գտնվի մեկը, որ հորդորն Ռուզանին յուր որոշումն իրագործելու:

ԹԵՆԻ.— Ի՞նչ հարկավոր է հորդորել, քանի որ նա ինքը պատրաստ է զոհվելու. բանն այն է, որ նրան արգելում են:

ՊԱՊԱՔ.—Նա կարող է փախչել:

ԹԵՆԻ.—Բայց բերդի դռները փակված են ամուր, իսկ ամեն ելքի մոտ դրված են պահապաններ:

ՊԱՊԱՔ.—Այս մատուռի ավանդատունն ունի մի պատուհան, որ նայում է դեպի կաղնիների

անտառը: Այդ պատուհանից հեշտությամբ կարելի է իջնել:

ԹԵՆԻ.—(մտածելով) Այդտեղ, արդարև, կա այդպիսի մի ելք:

ՊԱՊԱՔ.—Հայտնի՞ր այս մասին օրիորդին:

ԹԵՆԻ.—Հայտնե՞մ...

ՊԱՊԱՔ.—Այո՛, անպատճա՛ռ. և քանի շուտ՝ այնքան լավ:

ԹԵՆԻ.—(տարակուսելով) Բայց...

ՊԱՊԱՔ.—Չպետք է տարակուսել և ոչ էլ ուշացնել: Մի փոքր ժամանակից Ռուզանը կգա այստեղ, որովհետև հայրը՝ արգելելով նրան յուր որոշումն իրագործել, իրավունք տրվավ միայն իջնել այս մատուռը և աղոթել: Ուրեմն ուր որ է՝ նա կգա. աշխատիր խոսել հետը իսկույն:

ԹԵՆԻ.—Բայց, իշխան, այդ ես չեմ կարող անել, լեզուս չի զորիլ...

ՊԱՊԱՔ.—(վճռաբար) Խոսի՛ր ասում եմ, ցո՛ւյց տուր ճանապարհը. հակառակ դեպքում մենք ամենքս կորած ենք: Ահա՛ և օրիորդը (ցույց տալով գավթի մի կողմը), գալիս է նաժշտի հետ.

աշխատի՛ր առաջ հեռացնել այդ աղջկան, ապա խոսիր հետն առանձին: Ես կերթամ իշխանների մոտ, գուցե կարողանամ համոզել նրանց՝ ուշացնել հարձակումը: (Դուրս է գնում):

#### ՏԵՍԻԼ Բ

##### Թենի (միայնակ)

(Նայելով դեպի Ռուզանի կողմը) Խեղճ աղջիկ. գալիս է աղոթելու... որքա՛ն վշտահար է... Բայց ի՞նչ անեմ, խոսե՛մ արդյոք. ցո՛ւյց տամ փախստյան ճանապարհը... Սա, արդարև, կլինի մի բարիք բոլոր երկրի համար... Բայց եթե հանկարծ իմանա՞ն... Ո՛հ, սիրտս ճմլվում է. չգիտեմ ի՞նչ անեմ, խղճում եմ այս հրեշտակին... Բայց Պապաքն ասաց՝ թե մեզ բոլորիս կկոտորեն... այդ հո ալելի սարսափելի է...

#### ՏԵՍԻԼ Գ

##### Նույն, Ռուզան և Շանուշ

ԹԵՆԻ.—(առաջանալով դեպի Ռուզանը) Իմ բարի զավակս..

ՌՈՒԲԱՆ.—Դու այստե՞ղ ես, մայր Թենի, չէի կասկածում. անշուշտ աղոթում էիր խեղճ կապյալների համար:

ԹԵՆԻ.—Այո՛, զավակս:

ՌՈՒԲԱՆ.—(Շանուշին) Շանուշ, դու գնա՛. ես կաղոթեմ և կվերադառնամ Թենիի հետ:

ՇԱՆՈՒՅՇ.—Թող աստված լսե քո աղոթքը, իմ բարի տիրուհի: (Հեռանում է):

#### ՏԵՍԻԼ Դ

##### Թենի և ՌՈՒԲԱՆ

ՌՈՒԲԱՆ.—(հուզված) Թենի, մա՛յր Թենի, այս ի՞նչ վիշտ հասավ մեզ... ամեն բան իմացար, այնպես չե՞...

ԹԵՆԻ.—Այո՛ զավակս...

ՌՈՒԲԱՆ.—Այժմ ասա՛, ի՞նչ անեմ, ո՞ր դիմեմ իմ դժբախտ գլուխը ողբալու համար:

ԹԵՆԻ.—Հանգստացիր, որդյակս, աստված ողորմած է. նա չի զլանալ մեզ յուր օգնությունը:

ՌՈՒԲԱՆ.—Հանգստանա՛մ... օ՛, մի ասիր այդ, Թենի, ինչպե՞ս կարող եմ ես հանգստանալ, քանի որ գիտեմ, թե մի քանի ժամից մահն իմ պատճառով յուր ահռելի շնչով պիտի մոտենա հազար անմեղների, քանի որ գիտեմ, թե մի քանի ժամից բյուր հայի բերան անեծք պիտի կարդա իմ անվան... Օ՛, ինչո՞ւ մայրս ինձ ծնեց. ինչո՞ւ ինձ կյանք տվող վայրկյանը՝ չեղավ ինձ մահաբեր... իսկ այժմ ինչո՞ւ արգելեցին ինձ. ինչո՞ւ թոյլ չտվին այս թշվառությունը բառնալու... Մի՞թե ես կկամենայի մատնել ինձ գազանին, եթե չիմանայի, թե իմ հայրն անգոր է՝ յուր երկիրը փրկելու:

ԹԵՆԻ.—Սիրելի զավակս, դու, արդարև, կամեցար բարի գործ կատարել, քո զոհն, անշուշտ,

հաճելի կլիներ աստծուն. բայց ի՞նչ արած, ծնողների սիրտն էլ քարից չէ տաշած, նրանք չէին կարող թույլ տալ քեզ՝ այդ անել:

ՌՌԲԱՆ.— Իսկ դու, մայր Թենի, չէ՞ որ այս զոհը կարևոր ես համարում:

ԹԵՆԻ.— Անշուշտ, որոյակս, լավագույն է, որ մարդ ինքը միայն մեռնի, քան յուր պատճառով հազարավորներ:

ՌՌԲԱՆ.— (փարվելով Թենիին) Օհ, շնորհակալ եմ, մայր Թենի. ուրեմն դու ինձ կօգնես այս սուրբ գործի մեջ, այնպես չէ՞:

ԹԵՆԻ.— Կօզնե՞մ... ինչո՞վ, աղջի՛կս:

ՌՌԲԱՆ.— Տույց կտաս ինձ մի փախստյան ճանապարհ...

ԹԵՆԻ.— (ինքն իրեն) Անշուշտ աստված է կամենում, որ այս աղջիկը զոհվի: (Ռուզանին)

Փախստյան ճանապարհ... ի՞նչ ես խոսում, զավակս, մի՞թե կարող եմ:

ՌՌԲԱՆ.— Աղաչում եմ Թենի, ի սեր աստծո, ի սեր այն խաչին, որի վրա Փրկիչը բարձրացավ. խոսի՛ր, ցույց տուր ինձ մի ելք. դու ավելի տեղյակ ես ամրոցի անցքերին. իմ սիրտը հուզված, ուղեղը շփոթված է. ես ոչ մի ելք չգիտեմ...

ԹԵՆԻ.— Աղջիկս, դու ինձ երդվեցիր զարհուրելի երդումով, պիտի կատարեմ ինդիրդ...

ՌՌԲԱՆ.— Պիտի կատարե՛ս. բարի. ուրեմն խոսի՛ր, ասա՛, ո՞ր տեղից կարող եմ ես ելնել:

ԹԵՆԻ.— Այս մատուռի ավանդատունը ունի մի պատուհան, որ հանում է դեպի կաղնիների անտառը: Իսկ այդտեղից մի կածան իջնում է ուղղակի թշնամու բանակը...

ՌՌԲԱՆ.— (ուրախացած) Ա՛հ, հիշում եմ, իրավ որ այդտեղ կա մի ցածուն պատուհան: Շնորհակալ եմ, մայր Թենի, անհուն շնորհակալ: Դու ուրեմն ճանապարհը բացիր ինձ համար և իմ հոր ժողովուրդն ազատված է քո շնորհիվ... Օրհնյալ է աստված, որ ողորմեց մեզ յուր անհուն ողորմությամբ: Բայց քեզնից, մայր Թենի, ունեմ դարձյալ մի ինդիր:

ԹԵՆԻ.— Դարձյալ մի ինդիր՞:

ՌՌԲԱՆ.— Ամենավերջինը...

ԹԵՆԻ.— Ի՞նչ, սիրելի՛ս...

ՌՌԲԱՆ.— Տուր ինձ քո ա՛յն մատանին, որի մեջ ասում էիր, թե թույն կա պահված:

ԹԵՆԻ.— (նայելով մատի վրա մատանուն) Այս մատանի՞ն, բայց ինչո՞ւ է պետք:

ՌՌԲԱՆ.— Տո՛ւր ինձ, աղաչում եմ, դա կարող է ինձ փրկել:

ԹԵՆԻ.— Փրկե՛լ, ինչի՞ց:

ՌՌԲԱՆ.— Դժոխքից, գեհենի կրակներից:

ԹԵՆԻ.— Չեմ հասկանում խոսքերդ:

ՌՌԲԱՆ.— Օ՛, շո՛ւտ, ժամանակն անցնում է:

ԹԵՆԻ.— (անզգայաբար հանելով մատանին և տալով Ռուզանին) Ահա՛, բայց ասա՛, ինչի՞ համար ես ստանում այն:

ՌՌԲԱՆ.— (արագ քրքրելով մատանու պսակը) Ասում էիր, որ այստեղ, այս գոհարի տակն է պահված, այնպես չէ՞:

ԹԵՆԻ.— Այո այդտեղ կա զորեղ մահաթույն, բայց ինչո՞ւ է պետք այն:

ՌՌԲԱՆ.— (պահելով մատանին) Ա՛հ, շնորհակալ եմ քեզանից, մայր Թենի: Երբ իմ զոհաբերության գնով փրկված կլինի այս երկիրը, ա՛յն ժամանակ ես կօգտվիմ քո այս նվերից՝ անհավատ գազանին չմատնվելու համար... այժմ մնաս բարով: (Շտապով մտնում է մատուռը և դուռը ետ դնում):

ԹԵՆԻ.— Բայց դու.. իշխանուհի...

ՏԵՍԻԼ Ե

Թենի (Միայնակ)

Չլսեց, աստված իմ... (Շվարած): Ի՞նչ արի ես, արդյոք չսխալվեցա՞մ, արդյոք նա չշփոթեցրե՞ց ինձ...

Մի՞թե ցույց պիտի տայի ճանապարհը... բայց Պապաքն ասաց, թե մեր բոլորի փրկությունը կախված է նրա զոհաբերությունից: Այո՛, այդպես է. բայց մատանի՛ն. մի՞թե պետք է տայի նրան: Արդյոք դրանով մի ոճիր չգործեցի... (Մտածում է) Կարծեմ ոչ. ընդհակառակն... Եթե Ռուզանը զոհում է իրեն՝ մեզ ազատելու համար, ապա ես էլ ազատում եմ նրա արդար հոգին: Թող ուրեմն իմ խիղճը չտանջե ինձ իզուր...

Վարագույր

ԱՐԱՐԿԱԾ ՅԻՆԳԵՐՈՐԴ  
ԱՌԱՋԻՆ ՊԱՏԿԵՐ

Մի մացառուտ լեռան զառիվայր ստորոտ, որ ծածկված է ծառերով, թուփերով և տեղ-տեղ՝ մեծամեծ ժայռերով: Լեռան կատարին երևում է Խոխանաբերդը՝ բարձր պարիսպներով և հզոր աշտարակներով:

ՏԵՍԻԼ Ա  
Շանույշ և Սուրիկ (միմյանց հանդիպելով)

ՍՈՒՐԻԿ.—Շանույշ, դո՞ւ էլ եկար տիրուհուն պտրելու:  
ՇԱՆՈՒՅՇ.—Այո՛, Սուրիկ. սիրտս չհամբերեց. ես էլ եկա նրան որոնելու:  
ՍՈՒՐԻԿ.—Նա այստեղից չէ անցել, հավատացած եմ, ես այնպիսի ճանապարհով իջա, որ ամբողջ զառիվայրը կարող էի տեսնել, բայց օրիորդն իմ աչքին ոչ մի տեղ չերևաց:  
ՇԱՆՈՒՅՇ.—Ինձ թվում է թե՛ նա մոլորվել է մացառուտում:  
ՍՈՒՐԻԿ.—Գուցե, բայց և այնպես նա չի ազատվիլ մեր ձեռքից. հետամուտները շատ են. ուր որ է նրա առաջը կառնեն:  
ՇԱՆՈՒՅՇ.—Իսկ եթե նա արդեն հասած լինի բանակը:  
ՍՈՒՐԻԿ.—Այն ժամանակ արդեն գործը կոժվարանա, մենք չենք մոտենալ բանակին:  
ՇԱՆՈՒՅՇ.—Ուրեմն ժամավաճառ չլինենք, անցնենք զատ-զատ կողմեր, գուցե մեզանից մեկին հաջողի պատահել նրան:  
ՍՈՒՐԻԿ.—Անցնենք: (Բաժանվում են աջ ու ձախ):

ՏԵՍԻԼ Բ  
Շանույշ և Ռուզան

Ռուզանը երևում է զառիվայրի բարձրում, որտեղից նա ժայռերն ու թուփերը բռնելով իջնում է դեպի վայր, հերարձակ, շտապ քայլերով և երկյուղազին այս ու այն կողմը նայելով. բեմը դատարկ է:  
ՇԱՆՈՒՅՇ.—(վերադառնալով) Ոչ մի տեղ չէ երևում: Այս կողմը (ցույց է տալիս եկած կողմը) քարաժայռերն են և նրանց ներքևը՝ սարսափելի անդունդ. ոչ ոք այդտեղից անցնել չի կարող: Իսկ այստեղից (ցույց է տալիս հակառակ կողմը) սկսում է մեծ հովիտը, որի վրա բանակած է թշնամին: Եթե մի քայլ այն կողմն անցնեմ, նրա դժոխային գունդերը կերևան: Ինձ մնում է եկածս ճանապարհով կրկին վերադառնալ (պատահմամբ նայում է բարձր և տեսնում է (Ռուզանին): Ահա նա... ահա՛... Ո՛հ, աստված իմ, շնորհակալ եմ քեզանից... տե՛ս ինչպե՞ս աներկյուղ դիմում է նա դեպի յուր դահիճը: Ծածկվիմ այստեղ, մինչև նա կիջնե: (Քաշվում է մացառի ետևը): Ո՛հ, աստված իմ, ինչպի՞ր նրան, ուժ տուր իմ բազուկներին՝ զորով դարձնել նրան յուր ծնողների գիրկը:  
ՌՈՒՉԱՆ.—(իջնելով դեպի բեմը և մի քանի քայլ մնացած՝ կանգ առնելով զառիվայրի վրա) Ինձ չէին կամենում թողնել, ինձ արգելում էին. իմ պատճառով ուզում էին ժողովուրդը զոհել և սգո մեջ թողնել բյուրավոր ընտանիքներ: Ո՛չ. այդ բոլորի փոխարեն նշանակված զոհը ես եմ և ես միայն կզոհվիմ: Մի քանի վայրկյան ևս, և ես կհասնեմ թշնամուն, իմ ձեռքը կտամ բռնավորին և սրա փոխարեն կստանամ իմ հոր և յուր ժողովրդյան ազատությունը...  
Իսկ այնուհետև անելիքս որոշված է. այդ մասին այլևս մտածելիք չունիմ... Բայց... (տատանվելով որոշման մեջ): Ո՛հ, ինչպե՛ս դժվար է՝ թողնել իմ ետևից մայրս կիսամեռ, հայրս սգավոր, փեսաս սրտաբեկ... հեռանալ սիրելիներից. հեռանալ հայրենիքից... և այս ծաղիկ հասակում խամրիլ խորշակահար... Ա՛հ, ծնկներս ծավլում են... (բռնում է ծայրից): Աստված իմ, ուժ տուր ինձ. արիացրո՛ւ ինձ՝ այս լուծը մինչև ի վերջ տանելու... (հեկեկում է և ապա մի քանի քայլ

առաջանալով՝ բացականչում): Բայց ի՞նչ եմ անում... Ինչո՞ւ եմ ուշանում. չե՞ որ բանբերից առաջ պիտի հասնեմ զոհերին... (առաջանում է դեպի այն կողմը, ուր պահված է նաժիշտը):

ՇԱՆՈՒՅՇ.—(պահված տեղից ելնելով) Բայց ես չի պիտի թողնեմ, տիրուհի:

ՌՈՒՉԱՆ.—(վեր թռչելով) Ա՛հ, Շանույշ, դու այստե՞ղ ես. այդ ինչպե՞ս եկար և ինչո՞ւ:

ՇԱՆՈՒՅՇ.—Ո՛հ, տիրուհի, դու չի պիտի գնաս թշնամու մոտ, դու պիտի խղճաս քո ծնողներին:

ՌՈՒՉԱՆ.—Այդ դո՞ւ պիտի սովորեցնես ինձ, խեղճ աղջիկ: Դարձիր ամբողջ առանց ուշանալու. դու այնտեղ կհարկավորվիս:

ՇԱՆՈՒՅՇ.—Բայց ո՞ւմ պիտի հարկավորվիմ. իմ միակ տիրուհին այստեղ է. ես եկա նրան ծառայելու. ես նրան պիտի օգնեմ ամբողջ բարձրանալու:

ՌՈՒՉԱՆ.—Այդ նեղությունը քեզ չի պիտի տամ, Շանույշ, դարձի՛ր, ասում եմ քեզ. մի՛ ուշացնիր ինձ: Մինչև թշնամուն հասնիլը դեռ բավական ճանապարհ կա. մի փոքր ևս և բանբերը կհասնե բռնավոր տիրոջ մոտ, և կապյալները սրո կերակուր կդառնան. թող որ շտապեմ նրանց ազատելու:

ՇԱՆՈՒՅՇ.—Եվ քեզ գազանին մատնելու, այնպես չե՞. ո՛հ ոչ. չեմ կարող. թույլ չի պիտի տամ: Եվ եթե ինձ չսես... (Ընկնում է ծնկան վրա և բռնում է Ռուզանի ոտքերից), այսպես պիտի ընկնեմ քո առաջ. պիտի փարեմ քո ծնկներով, պիտի արգելեմ քեզ:

ՌՈՒՉԱՆ.—(աշխատելով հեռացնել նրան) Յեռո՞ւ... Անխոհեմ աղջիկ. ինձ չկարողացան արգելել իմ ծնողների արտասովոր աչքերը, և այժմ դո՞ւ պիտի արգելես. հեռո՞ւ ասում եմ քեզ: (Յեռացնում է նրան):

ՇԱՆՈՒՅՇ.—Բայց դու չգիտես, տիրուհի, թե ի՞նչ հանցանք ես գործում նրանց դեմ. թե ի՞նչ թշվառություն ես բերում նրանց գլխին... Եթե տեսնեիր, թե ինչպե՞ս էր կոծում մայրդ և դառն արցունքներ թափում... Եթե տեսնեիր, թե ինչպես ողբում էր հայրդ, և ինչպե՞ս լալիս ու ճիչեր էին արձակում քույրդ, փոքր եղբայրներդ, և ամբողջ դրդոդում էր նրանց հեկեկանքների ձայնից...

ՌՈՒՉԱՆ.—(արտասովորապես) Ա՛հ լռի՛ր, Շանույշ, այդ բոլորը ես գիտեմ, բայց դու նորեն պատմելով կտորում ես իմ սիրտը, լռի՛ր...

ՇԱՆՈՒՅՇ.—Իսկ Ներսեսի համար դեռ ոչինչ չասացի, տիրուհի, թե ինչպես վիրավոր և հուսահատ...

ՌՈՒՉԱՆ.—(արագ ընդհատելով) Բավական է, Շանույշ, դու կամենում ես թուլացնել իմ արիությունը, բայց այդ չի հաջողիլ քեզ. ես գիտեմ իմ զոհաբերության ծանրությունը. բայց նա անհրաժեշտ է: Այժմ թո՛ղ ինձ, գնա՛ իմ սիրելիների մոտ և տա՛ր նրանց իմ վերջին ողջույնը: Ասա՛ իմ մորը, որ ես թշվառացող ծնողաց անեծքները իրենից հեռացնելու համար զոհեցի ինձ... Ասա՛ իմ հորը՝ որ յուր ժողովրդի ազատությունը գնելու և յուր փառավոր անունը ապագայում արատից զերծ պահելու համար զոհեցի ինձ. ասա իմ սիրելի քրոջն ու եղբայրներին՝ որ իմ անունն անմոռաց ունենան և հետևեն իմ օրինակին՝ երբ այդ հայրենիքը պահանջե... Եվ, վերջապես, ասա Ներսեսին, որ ես իմ սերը խեղդեցի այս թշվառ սրտում միայն նրա՛ համար, որ նա յուր բախտը ազգից անիծված մի կնոջ հետ չկապե... Այժմ հեռացի՛ր... (Առաջանում է դեպի հովտի կողմը):

ՇԱՆՈՒՅՇ.—(առաջն առնելով) Դու դարձյա՞լ գնում ես:

ՌՈՒՉԱՆ.—(հրելով Շանույշին) Թո՛ղ, ասում եմ քեզ: (Առաջանում է մի քանի քայլ դեպի խորքը և ապա ճչալով ետ քաշվում):

Ա՛հ, այսքան մո՞տ ենք մենք թշնամուն: (Դարձյալ երկու քայլ առաջանալով): Ահա՛, ահա՛ այստեղից երևում է բոլորը: Նայի՛ր, Շանույշ, ո՛հ, մի՞թե չես սարսափում: Տե՛ս, բոլոր հովիտը և գետափը ծածկված է թշնամու վրաններով: Իսկ այս շքեղ խորանը, որ այսքան մոտ է մեզ, բռնավորինը չե՛ արդյոք: Նայի՛ր, սուսերամերկ պահապանները դժոխքի հրեշների պես հսկում են նրա դռանը: Իսկ այս կողմը, տե՛ս, կանգնած են կապյալները, ո՛հ, որքա՛ն շատ են. յուրաքանչյուրի գլխին շողում է մի սուսեր, նայի՛ր և սարսափիր... Իսկ այն ծերունիները. այն փոքրիկ տղաները, այն կանայքը... բոլորն էլ ձեռնկապ... նրանք լալիս են, այնպես չե՛: Իսկ այս առույգ երիտասարդների խումբը, որ գլխակոր կանգնած է դահիճների առաջ... Ո՛հ, այս տեսարանը կտրատում է իմ սիրտը... Բայց աստված իմ. ահա և Յամտունը՝ գարշելի դավաճանը, տե՛ս՝ ինչպես է ճեմում յուր զոհերի առաջ: (Ետ քաշվելով): Շանույշ, էլ ժամանակը հասավ, համբերելու ուժ չմնաց: Մինչև այժմ սրտիս մեջ տրոփ և ոտքերումս մի դող էի զգում, այժմ, ընդհակառակն, արիություն եկավ վրաս, ես այլևս չեմ սարսափում բռնավորի առաջն ելնելու: Այս թշվառներն ազատելու և դավաճանը պատմել տալու հույսը լցնում է իմ սիրտը ուրախությամբ: Այժմ ես կերթամ. մնաս բարյավ... (Առաջանում է):

ՇԱՆՈՒՅՇ.— Բայց ես սպասում էի թե՛ այս ամենը կսարսափեցնեք թեզ, տիրուհի:  
ՌՈՒՉԱՆ.— (ետ գալով) Բայց ոչ. Նայի՛ր ինձ. տե՛ս թե՛ գեղեցի՞կ եմ դեռ, գեղեցի՛կ եմ այնքան, որ բռնավորի սիրտը շարժել կարողանամ: Նայիր ինձ. ուղղիր իմ մազերը. ուղղի՛ր հագուստներս, թող բռնավորը հիանալու չափ գեղեցիկ գտնե ինձ:  
ՇԱՆՈՒՅՇ.— (անզգայաբար ազդելով նրան) Դու գեղեցիկ ես, տիրուհի, գեղեցիկ՝ ինչպես հրեշտակ, բայց էլ ինչո՞ւ է պետք գեղեցկությունը:  
ՌՈՒՉԱՆ.— Բռնավորի աչքերն ու միտքը կուրացնելու... Այժմ դու դեպի ամրոցն՝ ե՛ս դեպի գոհերը: (Առաջանում է):  
ՇԱՆՈՒՅՇ.— (վերջին անգամ արգելելով) Տիրուհի՛ ...  
ՌՈՒՉԱՆ.— (ուժգին հրելով Շանույշին) Յեռո՛ւ, ասում եմ թեզ, համառ աղջիկ, (Վազում է դեպի բեմի խորքը):  
ՇԱՆՈՒՅՇ.— (ընկնելով գետնին) Ա՛հ, ամեն բան վերջացավ...

Վարագույր

ԵՐԿՐՈՐԴ ՊԱՏԿԵՐ

Թաթարաց բանակը: (Տե՛ս երրորդ արարվածի տեսարանը):  
Չորապետի խորանից քիչ հեռու կանգնած են մի շարք կապյալներ:

ՏԵՍԻԼ Ա

Ջուլա, Յամտուն, Ա ծերունի, Բ ծերունի, պառավ կին, մի շարք կապյալներ, որոնք հեռանում են Բուրայի խորանից

ՋՈԼԱ.— (մոտենալով կապյալներին) Ինչի՞ համար եք հավաքվել, ի՞նչ էիք ուզում իմ եղբորորդուց:  
Ա ԾԵՐՈՒՆԻ.— Գթություն, տե՛ր:

ՋՈԼԱ.— Գթություն ձե՞զ, մի՛ հուսար, ծերո՞ւկ: Քանի ձեր իշխանը ամրացած է բերդում, դուք չեք ազատվիլ մահից:

Ա ԾԵՐՈՒՆԻ.— Բայց ի՞նչ հանցանք ունի խեղճ ժողովուրդը:

ՋՈԼԱ.— Ոչինչ: Մեծերի համար ապրում է, մեծերի համար էլ պիտի մեռնի:

Ա ԾԵՐՈՒՆԻ.— Բայց մի՞թե այդ արդարություն է:

ՋՈԼԱ.— Լռի՛ր, անպիտան. համարձակվում ես իմ առաջարկության մասի՞ն խոսել. հո չե՞ս կամենում, որ գլուխդ շների առաջ ձգվի ա՛յս վայրկյանին: (Յեռանում է):

ՅԱՄՏՈՒՆ.— (խոսող ծերունուն) Ինչո՞ւ չես կապ դնում լեզվիդ, բարեկամ. մի՞թե չգիտես, որ ձեռքերը կապված մարդը չպետք է լեզուն շարժե:

Ա ԾԵՐՈՒՆԻ.— Լեզուն, տեր իմ, սրտի գործիքն է և ոչ ձեռքերի:

ՅԱՄՏՈՒՆ.— Դու երևի սպասում ես, որ մի սուր ցցեն սիրտդ և հետո՞ լռես:

Բ ԾԵՐՈՒՆԻ.— Ուրեմն, տեր իմ, սա մի մեծ բախտ է, որ այստեղ, մեզ հետ գտնվում է մի հայ իշխան՝ ազատ ձեռքերով:

ՅԱՄՏՈՒՆ.— Ի՞նչ ես կամենում ասել:

Բ ԾԵՐՈՒՆԻ.— Այն, որ քո լեզուն կարող է խոսել:

ՅԱՄՏՈՒՆ.— Վե՞րջը:

Բ ԾԵՐՈՒՆԻ.— Գթա՛, ուրեմն, մեզ և բարեխոսիք մեր փրկության համար:

ՅԱՄՏՈՒՆ.— Ի՞նչ կարող եմ անել: Ես էլ այս բանակում մի գերի եմ ձեզ նման:

Բ ԾԵՐՈՒՆԻ.— Գերի՞, ո՛հ, ո՛չ. թաթարները մի գերիի հետ չեն վարվիլ այդպես սիրով: Դու դեռ երիտասարդ ես և չես կարող դառն փորձերի մեջ ալևորածին խաբել:

ՅԱՄՏՈՒՆ.— (բարկությանմբ) Խաբե՞լ և ինչի՞ համար, հանդուգն ծերունի:

ՄԻ ՊԱՌԱՎ.— Որովհետև ամաչում ես ասել թե՛ դու մի մատնիչ ես:

ՅԱՄՏՈՒՆ.— Քաշի՛ր լեզուդ, գարշելի պառավ, ապա թե ոչ սուրս կլռեցնե նրան:

ՊԱՌԱՎ.— Իսկ աստծո անեծքի ձայնը ինչո՞վ պիտի լռեցնես:

ՅԱՄՏՈՒՆ.— (սուրը քաշելով) Դու շարունակո՞ւմ ես:

## ՏԵՍԻԼ Բ

### Առաջիններն և Բուրա

ԲՈՒՐԱ.—(հեգնությամբ ժպտալով) Իշխան... դահճի պաշտոնը կամենում ես թեթևացնե՞լ:

ՀԱՄՏՈՒՆ.—(ես քաշվելով) Քեզ հայիոյողների թիվը կամենում եմ պակսեցնել, տե՛ր:

ՊԱՌԱՎ.—(ինքն իրեն) Վա՛տ և խաբեբա:

ԲՈՒՐԱ.—Արևս վկա, իմ հոր պալատում դեռ մինչև այսօր քեզ չափ հավատարիմ մեկը չտեսա:

ՀԱՄՏՈՒՆ.—Մարմնավոր իշխաններին հավատարիմ լինել մեր կրոնն է մեզ պատվիրում:

ԲՈՒՐԱ.—(հեգնությամբ) Քո հայրենակիցների մեջ, երևի, միայն դու ես այդ կրոնը պաշտում:

ՊԱՌԱՎ.—Միայն դա՛ է, որ անարգում է այն:

ՀԱՄՏՈՒՆ.—(կատաղի հայացքով) Լեզո՛ւդ, անզգամ պառավ:

ՊԱՌԱՎ.—Պիտի անիծեմ քեզ, մինչև իմ վերջին շունչը:

ՀԱՄՏՈՒՆ.—Այդ շունչը երկար չի տևիլ:

ԲՈՒՐԱ.—Ուրեմն մի՛ վշտացնիր նրան, իշխան:

## ՏԵՍԻԼ Գ

### Առաջիններն և Ջուլա

ՋՈԼԱ.—(մտնելով) Բուրա, դու անծանոթ էիր հայի կամակորության:

ԲՈՒՐԱ.—Այստեղ մի փոքրիկ օրինակը տեսա:

ՋՈԼԱ.—Ավելի մեծը պիտի տեսնես:

ԲՈՒՐԱ.—Ի՞նչ է պատահել:

ՋՈԼԱ.—(դեպի ետ նայելով) Աբու, այստե՛ղ արի:

ԲՈՒՐԱ.—(անհամբեր) Ջալալն իմ առաջարկությունը մերժեց:

ՋՈԼԱ.—Բավական չէ մերժումը:

ԲՈՒՐԱ.—Հապա՞:

ՋՈԼԱ.—Իսկույն կլսես:

## ՏԵՍԻԼ Դ

### Առաջիններն և Աբու

ԲՈՒՐԱ.—(Աբուին, որ մտնում է) Հա՛, ի՞նչ լուր բերիր:

ԱԲՈՒ.—Ջալալ իշխանը, տեր, քո մեծության հրամանն անարգեց:

ԲՈՒՐԱ.—(բարկացած) Կրկնի՛ր նրա պատասխանը բառ առ բառ:

ԱԲՈՒ.—Ասա՛ այն բռնավոր գազանին, պատասխանեց նա, թե ես ա՛յս թույլ կիջնեմ դաշտը՝ իմ սրովս նրան պատասխանելու:

ՀԱՄՏՈՒՆ.—(ուրախանալով և ինքն իրեն) Ահա՛ թե ի՞նչ էի կամենում լսել... հրճվի՛ր այժմ, սի՛րտ իմ:

ԲՈՒՐԱ.—(կատաղաբար) Այդպե՛ս հանդգնեց պատասխանել այն շունը... Յուր դատեր փոխարեն նա յուր սո՛ւրն է առաջարկում ինձ: Լավ, ուրեմն: Ես այդ սուրը նրա գլխի հետ միասին իմ ոտքերի տակ կփշրեմ. նրա երկիրը արյան ու կրակի ծով կդարձնեմ: Մինչև մի քանի օր բոլոր այն շները թող անապատ դառնան (կանչելով դեպի բեմի խորքը): Է՛յ, դահիճներ, առաջ անցեք: (Ներս են մտնում մի խումբ կարմրագգեստ դահիճներ, իրենց դահճապետի հետ):

Այստե՛ղ, իմ աչքի առաջ, նախ կոտորեցեք այս գլխավորներին (ցույց տալով կապալների վրա), որոնք եկել էին իմ գթությունը հայցելու. մնացած խուժանը թող բաժին դառնա զորականի սրերին: (Դառնալով յուր դիմացը գտնվող կապալներին): Ես ձեզ խոստացա կյանքերնիդ շնորհել, եթե ձեր իշխանն իմ առաջարկությունը կրնդուներ: Բայց նա, ինչպես լսեցիք, ոչ միայն մերժել է այն, այլև խրոխտացել է թե՛ պիտի գա յուր սրովս ինձ պատասխանելու: Ուրեմն ես այժմ սուր քաշել կտամ ձեզ և ձեր դիակները կհրամայեմ դիզել նրա բերդի առաջ: Թող այդ հիմարը հասկանա, որ ես կատակ չեմ անում, և այնուհետև գա յուր պատասխանը տալու:

Ա ԾԵՐՈՒՆԻ.—(ծնկան վրա գալով) Գթություն, տե՛ր, մենք անմեղ ենք, այդ գիտես դու, գիտե և աստված:

Բ ԾԵՐՈՒՄԻ.—(ծնկան գալով) Խնայի՛ր մեզ, տե՛ր, դու ամենագոր ես, իսկ մենք՝ անպաշտպան:  
ԲՈՒՐԱ.—(բարկությամբ) Լռեցե՛ք, թշվառականներ: (Դահիճներին): Դահիճնե՛ր, ձեր գործը տեսե՛ք:

ՏԵՍԻԼ Ե

Առաջիններ և Ռուզան

ՌՈՒԶԱՆ.—(շտապով և շնչասպառ բեմը մտնելով և ձեռքը դեպի դահիճները պարզելով ճշում է)  
Ա՛հ, ոչ, սպասեցե՛ք... (Բոլորը ցնցվում են):

ԲՈՒՐԱ.—(դահիճներին) Սպասեցե՛ք:

ՀԱՄՏՈՒՆ.—(առանձին) Ա՛հ, Ռուզանը... բախտիս անիվը դարձավ...

Ա ԾԵՐՈՒՄԻ.—Իշխանուհի, Ռուզան, դու այստե՛ղ...

ԲՈՒՐԱ.—(զարմացած) Ռուզան...

ՋՈԼԱ.—(Համտունին՝ հետաքրքրությամբ) Ո՛վ է այս կինը:

ՀԱՄՏՈՒՆ.—(հուզված) Նա է...

ՋՈԼԱ.—Բայց ո՛վ: (Հարցական հայացքով նայում է կես՝ Համտունին և կես՝ Ռուզանին):

ՌՈՒԶԱՆ.—(առաջ գալով) Հասան-Ջալալի աղջիկ Ռուզանը:

ՋՈԼԱ.—(զարմացած) Հասան-Ջալալի աղջի՛կը...

ՌՈՒԶԱՆ.—Այո, նույն ինքը: (Դառնալով Բուրային): Չարմաղան մեծ զորապետի որդի Բուրան դու լինելու ես, անշուշտ:

ԲՈՒՐԱ.—(համեստությամբ) Այո, քո բարեկամը:

ՌՈՒԶԱՆ.—Գուցե այս րոպեին, բայց ոչ առաջ:

ՋՈԼԱ.—(Համտունին) Այս կինը կախարդելու է եղբորորդուս:

ՌՈՒԶԱՆ.—(Բուրային) Դու պատգամավոր էիր ուղարկել հորս մոտ և պահանջել ինձ՝ քեզ կնության, հակառակ դեպքում պիտի կոտորեիր այս անմեղներին:

ԲՈՒՐԱ.—Այո՛, իշխանուհի:

ՌՈՒԶԱՆ.—Երկու օր առաջ սկսված էր իմ հարսանիքը: Ես պիտի ամուսնանայի այն երիտասարդ իշխանազնի հետ, որին երկար ժամանակից ի վեր սիրում եմ: Բայց ձեր անակնկալ հարձակումը մեր ուրախությունը փոխեց տխրության...

ԲՈՒՐԱ.—(ցույց տալով Համտունին) Այս իշխանը կարող է վկայել, որ ես ցավել եմ դրա համար:

ՌՈՒԶԱՆ.—Շնորհակալ եմ... Այդ ցավը, սակայն չէ արգելել քեզ պահանջել իմ հորից՝ ուղարկել յուր դուստրը քեզ կնության:

ԲՈՒՐԱ.—Քո գեղեցկության գովեստն, որ այս իշխանն արավ, քեզ դարձրեց իմ սրտին կարի տեսչալի:

ՌՈՒԶԱՆ.—Սակայն քո պատգամը մեր ամրոցը լցրեց վշտով:

ԲՈՒՐԱ.—Ինչո՞ւ, իշխանուհի, Չարմաղանի որդին մի բանով ավելի արժե, քան ա՛յն իշխանազնը, որին քեզ հայրդ պիտի տար:

ՌՈՒԶԱՆ.—Չարմաղանի որդին շատ ավելի արժե... Բայց այդ չէ խնդիրը... Մենք զարշում ենք ձեզանից ոչ թե նրա համար, որ դուք այլակրոն, կամ, ըստ մեզ՝ անհավատ եք, այլ, որովհետև ձեր սուրն ու ձեռքերը պղծվում են շարունակ անմեղների արյունով. որովհետև դուք ձեր հացը զանգում եք թշվառների արտասուքով: Այնտեղ, ուր կոխում է ձեր ոտքը, սփռում է ավեր և ապականություն, ահա՛ այս ամենի համար մենք ատում ենք ձեզ:

ՋՈԼԱ.—(անհանգիստ շարժումներով) Եղբորորդիս կամ գժվել, կամ անզգայացել է:

ԲՈՒՐԱ.—Լռի՛ր և լսիր, ծերո՛ւկ:

ՌՈՒԶԱՆ.—Եվ այսպես՝ եթե իմ հայրը մերժեց քո առաջարկությունը, նա իրավունք ուներ, որովհետև ոչ մի ծնող չի հոժարիլ յուր դուստրը կնության տալ ա՛յն ազգի որդուն, որին ինքն ատում և որից զարշում է, սակայն ես, որ պաշտելու չափ սիրում եմ իմ փեսային և կյանքն առանց նրան համարում եմ դժոխք, այնուամենայնիվ, երբ իմացա թե՛ հորս մերժումը պիտի գրգռե ձեզ՝ այս անմեղները կոտորելու, և թե մերայինները չի պիտի կարենան ժամանակին այս մարդագրին արգելել, գաղտուկ փախա մեր ամրոցից և միայնակ եկա այստեղ, որպեսզի արգելք լինիմ այն կոտորածին, որ իմ պատճառով պիտի լիներ: (Դեմքը Բուրայից կիսադարձ պարզում է ձեռը նրան):  
Ահա քեզ իմ ձեռը:

ԲՈՒՐԱ.—(Ռուզանի ձեռը ազնվաբար բռնելով) Իշխանուհի, դու ինձ հիացրիր ոչ միայն քո գեղեցկությամբ, որ երկնային է, այլև այն անձնվիրությամբ, որ ցույց տվիր դեպի թշվառ

ազգակիցներդ: Քո խոսքերը թեպետ ծանր էին ու դառն, բայց որովհետև ճշմարտություններ էին, ուստի ես լսեցի ոչ առանց հաճության: Եվ ես քեզ անշուշտ կվերադարձնեի քո հոր գիրկը, եթե քեզ գտնեի պակաս արժանավոր: Բայց, ինչո՞ւ թաքցնեմ, այժմ արդեն քեզանից զրկվիլը ինձ համար կլինի մեծագույն կորուստ: Ուստի, որպեսզի դու չգարշես ինձանից՝ ես կսովորեմ այսուհետև հարգել քո կրոնը, որ կարողանում է այդքան արժանիքներ ծնեցնել մի աղջկա մեջ. ես կսիրեմ նաև ա՛յն ազգն ու ժողովուրդը, որ ծնում ու կրթում է քեզ պես զավակներ: Իսկ քեզ կտանեմ թաթարաց երկիրն՝ այնտեղի մեծագույն զարդը դարձնելու համար:

ՌՌԲԱՆ.— Դրա համար քեզանից խնդրելիք ունիմ:

ԲՈՒԲԱ.— Իմ բոլոր իշխանությունս տալիս եմ քո ձեռքը. հրամայիր, ինչ կամենում ես:

ՌՌԲԱՆ.— Ես խնդրում եմ քեզանից նախ՝ այս կապյալների և իմ հոր իշխանության մշտական ազատությունը և ապա (դառնալով դեպի Յամտուն և հանդիսաբար նրան մատնացույց անելով) այս դավաճանի գլխատումը:

ԲՈՒԲԱ.— (դեպի դահիճներն ու զորականները) Արձակեցե՛ք բոլոր կապյալներին և թողե՛ք նրանց:

(Ռուզանին): Իսկ քո հորը, տիրուհի, հենց այս վայրկյանից ազատ եմ հայտարարում յուր բացարձակ իշխանության մեջ: Ինչ վերաբերում է այս իշխանին (ցույց տալով Յամտունի վրա), որին ես երբեք չհարգեցի, սա կգլխատվի մի քանի րոպեից: (Դառնալով դահիճապետին):

Դահիճապետ, այս ապիրատի գլուխը մի ժամից կուղարկես Ջալալ իշխանին:

ԴԱՅԾԱՊԵՏ.— (մոտենալով Յամտունին և ձեռքը նրա ուսին զարկելով) Գնանք, բարեկամ, իմ գործն էլ թեթևացավ: (Դուրս է տանում նրան):

Ա ԾԵՐՈՒՆԻ.— (ծնկաչոք դեպի Ռուզանը) Ազնիվ իշխանուհի, մենք պատրաստ էինք քեզ համար զոհվելու, իսկ դու այս ի՞նչ արիր... (ծերունուն ձայնակցում են բոլոր կապյալներն իրենց օրհնություններով):

ՌՌԲԱՆ.— Ինչ որ ես արի, նույնը սովորեցրեք ձեր զավակներին անել, և ձեր հայրենիքը կազատվի ցավերից:

Վարագույր

ՎԵՐՋԱԲԱՆ

Տեսարանը ներկայացնում է մի կանաչազարդ հովիտ, ուր բանակած են թաթարները: Բեմի աջ կողմը Բուրայի իշխանական վրանն է՝ կազմված մի քանի բաժանմունքներից, որոնց առաջինը ներկայացնում է կանանոցը՝ զարդարված կերպասյա, փնջազարդ վարագույրներով: Վրանի մեջ դրված է գեղեցիկ գահավորակ՝ մետաքսյա օթոցով և թավշյա բարձերով: Նրա վրա կոթնած է Ռուզանը, առջևն ունենալով բոլորշի փղոսկրազարդ սեղանիկ, որի վրա դրված է արծաթյա Բուրան՝ ոսկյա գավաթի հետ:

ՏԵՍԻԼ Ա

Բուրա և Ռուզան

ԲՈՒԲԱ.— Ո՛վ իմ գեղանի, բոլոր ցանկություններդ արդեն կատարվեցան. քո հորն ու ժողովրդյան ես տվի ազատություն և ատելի Յամտունին պատժեցի չարաչար: Այնուհետև ցանկացար, որ իմ զորքերը հանեմ քո հոր իշխանության սահմաններից, որպեսզի նրա երկրում տիրե ապահովություն. այս վերջին ցանկությունն էլ, ահա, կատարեցի: Այժմ մենք հեռի ենք խաչենի հովիտներից և քո հայրենական լեռների միայն կատարներն ենք տեսնում: Արդ, հասել է ժամը, որ դու խոստումդ կատարելով՝ երջանկացնես ինձ: Օ՛ն ուրեմն, վանի՛ր թախիծը քո դեմքից և լուսալիր աչերդ արցունքներից ազատիր: Թո՛ղ հրճվանքի արևը սիրուն ճակատդ ոսկեզօծե և շուրթերիդ վրա՝ սիրո ժայտը խաղա: Թո՛ղ, որ ես մոտենամ քեզ. ո՛վ հավերժահարս, և սիրավառ կուրծքիս վրա այդ սիրուն գլուխդ հանգչեցնեմ:

ՌՌԲԱՆ.— Քո շնորհը դեպի ինձ՝ մեծ է, ո՛վ իշխան, բայց տո՛ւր ինձ, խնդրում եմ, մի փոքր ժամանակ:

ԲՈՒԲԱ.— (զարմացած և դժգոհ) Դարձյա՛լ ժամանակ. այս քանի՞երորդ անգամ:

ՌՌԲԱՆ.— Ոչ ավելի, քան մի ժամ... Ես կամենում եմ քո հաճույքը կատարելուց առաջ՝ վերջին

անգամ աղոթել և, դրա հետ միասին, կատարել մի սուրբ պարտք, որ ծանրանում է այժմ իմ խղճի վրա:

**ԲՈՒՐԱ.**—Գիտցի՛ր, ո՛վ Ռուզան, դու միակ կինն ես, որին ես այսքան զիջումներ եմ անում: Իմ հարեմի գեղեցկուհիների ամենից համառն անձնատուր է եղել ինձ մեր միայնության առաջին ժամում: Բայց թո՛ ձայնն ու հայացքը հաղթահարում են ինձ, ուստի չեմ կամենում, որ առանց թո՛ ցանկության, Նույնիսկ, շունչս մոտենա քեզ: Ուրեմն ես Նորեն տալիս եմ քեզ, ահա՛, մի ժամ ժամանակ: Բայց գիտցի՛ր, որ դա կլինի վերջինը: Այդ ժամն անցնելուց ետ՝ դու պիտի երջանկացնես ինձ թո՛ սիրաշունչ համբույրներով: (Դուրս է գնում):

**ՌՈՒՉԱՆ.**—(աչքերը խոնարհած) Թող այդպես լինի, տե՛ր...

## ՏԵՍԻԼ Բ

Ռուզան (միայնակ)

Ահա՛, հասավ ժամը՝ վերջին պարտքը կատարելու, կյանքին և աշխարհին վերջին բարևը տալու... Օ՛հ, ուրեմն, սի՛րս իմ, զորացի՛ր և գործի՛ր, պարտքերից ծանրագույնը կատարի՛ր քաջությամբ: Այն խաչը, որ մինչև այստեղ հոժարամիտ կրեցիր, այժմ պիտի փառավորես թո՛ կյանքի գնով... Թո՛ղ երկյուղն ապշե՛ արիությանդ տեսնելով. թող մահն ամոթից կարմրի թո՛ առաջ... (հանում է մատանին և գոհարը բարձրացնելով՝ նայում է տակը պահված թույնին):

Դո՛ւ, որ այդքան փոքր ես և, սակայն, ահավոր զորություն ունիս թո՛ մեջ. դո՛ւ, որ եղծանում ես արարչի հրաշակերտը՝ նրա երակների արյունը սառեցնելով և զգացմունքների անոթը փշրելով, անշուշտ, ստեղծված ես ո՛չ միշտ չարիքներ ծնանելու համար, և ո՛վ դիմում է թո՛ օգնությանը՝ չե՛ միշտ հանցավոր և անիծապարտ... Երբ բախտի չար կամքով դառնանում է սրտի անուշ քաղցրությունը, երբ բռնության շնորհիվ սիրո արթայությունը փոխվում է դժոխքի, երբ ապականությունը զորանալով՝ սպառնում է առաքինությանը նախատական կորուստ, այն ժամանակ դու, ո՛վ մահաբեր թույն, դառնում ես տենչալի և արդա՛ր հոգվույն. և եթե նրան բաժանում ես մարմնից և սատար լինում երկինք վերանալու, դրանով արդեն գործում ես բարիք՝ ազատելով հոգին մեղսածին կապերից: (Մատանին խրում է ոսկյա գավաթի մեջ) օ՛ն, ուրեմն, իջի՛ր հատակն այս քրի, որ հոսել է իմ երկրի կուսական լեռներից. հաղորդի՛ր սրան թո՛ բոլոր զորությունը, թունավորի՛ր սրա վերջին կաթիլը, որպեսզի սա սրտիս բերե հավիտենական քուն և փրկե հոգիս սիրատանջ վշտերից... (տեղից բարձրանալով՝ նայում է հեռուն): Այժմ մնաք բարով, հայրենի լեռնե՛ր, հայրենի երկի՛նք, հայրենի արև, ձեզ վրա նայում եմ ես վերջին անգամ և ձեզ նվիրում իմ ետին շունչը, իմ օրհնությունը... Մնաս բարով և դու, հայր՛ց ժողովուրդ, քեզ սիրեցի ես կաթոգին սիրով և թո՛ փրկության սեղանի վրա (բարձացնում է թունալից գավաթը) դնում եմ, ահա՛, իմ ողջակեզը... Ընդունի՛ր այս զոհը և աղոթի՛ր աստծուն, որ սա լինի վերջինը այն անբավ զոհերի, որ թո՛ որդիքը բերին քեզ կամակար... (խմում է թույնը և վրանի վարագույրը քաշելով՝ մտնում է նրա խորքը):

## ՏԵՍԻԼ Գ

Գուժկան, զինվորներ, Ջուլա և Բուրա

**ԳՈՒԺԿԱՆ.**—(աղմուկով ներս վազելով) Օ՛ն, ի զե՛ն, եղբա՛յրք, թշնամին հասնում է:

**ՉԻՆՎՈՐՆԵՐ.**—(շրջապատելով գուժկանին) Ովքե՞ր ես, ո՞ր կողմից...

**ԳՈՒԺԿԱՆ.**—Չայերը, հայերը, ահա՛ մեր ետևում:

**ՋՈՒԼԱ.**—(դուրս վազելով վրանից) Ի՞նչ աղմուկ է այս:

**ԲՈՒՐԱ.**—(դուրս գալով մյուս վրանից) Ո՞վ է համարձակվում մեր հանգիստը վրդովել:

**ԳՈՒԺԿԱՆ.**—Տեր իմ, հայերը վրա հասան հանկարծ, մեր վերջապահները կռվի բռնվեցան, բայց չկարողանալով դիմադրել նրանց, կիսով չափ ջարդվեցան և փախուստ դարձան:

**ԲՈՒՐԱ.**—(վրդովված) Իսկ մեր հեծելազո՞րը...

**ԳՈՒԺԿԱՆ.**—Պատահեց թշնամուն այս հովտի բերանում և կռվում է նրա հետ:

**ՋՈՒԼԱ.**—(կատաղաբար) Անիծյալնե՛ր, դավաճաննե՛ր, մինչև այդտեղ հանդգնեցա՞ն...

ԲՈՒՐԱ.—(դեպի զորականը) Ազդարարներ՝, նշան տվեք, թող ամենքը զենքի դիմեն: (Թմբուկները զարկում, շեփորները հնչում են. ամենքը շտապով դիմում են զենքի):  
ՋՈԼԱ.—(Բուրային) Ես գիտեի, որ վաղ թե ուշ այս չարիքը պիտի հասներ:  
ԲՈՒՐԱ.—Յոթեղբայր, չարիք սերմ անողը՝ չարիք էլ հնձում է:  
ՋՈԼԱ.—Բայց դու բարիք արիր այդ անիծյալ հայերին, էլ ուրիշ ի՞նչ են ուզում:  
ԲՈՒՐԱ.—Եկել են, անշուշտ մեր գողոնը խլելու:  
ՋՈԼԱ.—Ի՞նչ գողոն, տղա՛ս, Ջալալի գանձերը հո չառի՞նք:  
ԲՈՒՐԱ.—Գանձերից թանկագինը գտնվում է մեր վրանում... բայց խոսելու ժամանակ չէ.  
աճապարենք գործել (թիկնապահներին): Չապա քաջեր. իմ նժույզը: (Թիկնապահներն շտապում են նժույզներ բերել):  
ՋՈԼԱ.—Եվ ի՛մը շուտով:

#### ՏԵՍԻԼ Դ

Ներս Են վազում մի խումբ փախստյաներ

ԲՈՒՐԱ.—Այս ի՞նչ է, փախստյանե՞ր...  
ՄԻ ՓԱԽՍՏՅԱ.—Տեր-Նուին, հայերը սաստիկ թափով մեզ ցրվեցին:  
ԲՈՒՐԱ.—(զայրացած) Թշվառականներ, դուք համարձակվում եք փախչել, երբ մենք դեռ նոր ենք սուրը մերկացնում:  
ՓԱԽՍՏՅԱ.—Տեր իմ, անկարելի է դիմադրել:  
ԲՈՒՐԱ.—Քաշի՛ր լեզուդ, կնամա՛րդ, (մյուսներին և զորականին), օ՛ն, ամենքդ հառա՛ջ (սուրը հանելով դիմում է բեմի խորքը):  
ՋՈԼԱ.—Չառաջ, օ՛ն հառաջ... (հետևում է Բուրային):  
(Չորքերը գոռալով հետևում են նրանց):

#### ՏԵՍԻԼ Ե

Բեմից դուրս սկսում է ընդհարումն, շփոթ, աղաղակ, զենքերի շալցուն, իրար ետևից մտնում են բեմը թաթար փախստյաներ, որոնք խմբակներով փախչում են այս ու այն կողմը: Ապա երևում են հայոց ու թաթարաց ախոյաններ, որոնք մենամարտելով՝ մտնում են բեմը, ուր ոմանք ընկնում, և ոմանք փախուստ են տալիս: Սրանց հետևում են ուրիշ ախոյաններ, որոնք նույն ձևով կռվելով անցնում են բեմից: Լսվում են մոտեցող թմբուկների ու փողերի ձայներ, հաղթական աղաղակներ: Ներս Են մտնում հայոց իշխանները՝ Ջալալ, Չաքարե, Ներսեհ, Սմբատ, Ումեկ, իրենց թիկնասյուններով. նրանց հետևում են զորախմբերը:  
ՋԱԼԱԼ.—(Ներսեհին) Չապա, իմ քաջ, առաջ անցիր, Ռուզանս գտի՛ր:  
ՆԵՐՍԵՀ.—(դիմելով դեպի առաջին պատահած վրանը) Այս վրանը դատարկ է:  
ՋԱԼԱԼ.—(ցույց տալով կանանոցը) Ահա՛ կանանոցը, այստե՛ղ որոնի՛ր:  
ՆԵՐՍԵՀ.—(կանանոցի վարագույրը քաշելով) Ահա այստեղ է մեր սիրո հրեշտակը (մոտենալով Ռուզանին) Ողջույն քեզ, պաշտելիդ իմ:

ՋԱԼԱԼ.—(Ներս վազելով) Այստե՛ղ է Ռուզանս. (փարվելով աղջկանը). ո՛վ իմ անգին զավակ:  
ՌՈՒԶԱԼ.—(դժվարությամբ բարձրանալով գահավորակի վրա) Ներսեհ... հայր իմ... դուք այստե՞ղ...  
Ո՛վ ամենազոր աստվա՛ծ...  
ՋԱԼԱԼ.—(անհանգստությամբ) Այս ի՞նչ է, դու հիվանդ ես, սիրեցյա՛լ զավակս:  
ՆԵՐՍԵՀ.—Գուցե մի չարի՞ք հասավ քեզ...  
ՌՈՒԶԱԼ.—Օ՛, ոչինչ. այս շուտով կանցնի... Աստվա՛ծ իմ, ինչպե՛ս ուրախ եմ. ուրեմն դուք այստե՛ղ, իմ շուրջն եք... և այս երազ չէ, սիրեցյալ հայր, սիրելի հորեղբայր, և դու Ներսե՛հ, և դո՛ւք իշխաններ, ողջույն ձեզ. օ՛, որքան երջանիկ եմ, որ նորեն տեսնում եմ ձեզ... դե՛հ, պատմեցեք այդ ինչպե՛ս եղավ, ինչպե՛ս հասաք այստեղ...  
ՋԱԼԱԼ.—Աստուծո օգնությամբ, սիրելի զավակս:  
ՌՈՒԶԱԼ.—Բայց պատմեցեք, ես ուզում եմ լսել:  
ՆԵՐՍԵՀ.—Չենց որ թշնամին ամրոցի մոտից հեռացավ, մենք դուրս եկանք բերդից մեր սակավաթիվ զորքերով: Չիսնապետներին ցրեցինք գյուղերը զորաժողով անելու, իսկ մենք քայլ

առ քայլ հետևեցինք թշնամուն: Երկու օրվա ընթացքում մեր շուրջը ժողովեցան հինգ հազար քաջեր, որոնց հետ միասին և հարձակվեցանք թշնամու վրա: Թաթարաց գնդերը չվում էին զատ-զատ. մի քանի կետերում մենք նրանց ջարդեցինք, իսկ մի քանիսում փախուստ դարձրինք: Վերջին դիմադրությունը եղավ (զույգ տալով) այս հովտում, ուր մեռնողների թվում դժոխք ուղարկեցինք ծերուկ Ջուլային: Բայց Բուրա-Նուկը փախչողների հետ ազատվեց:

ՌՌԲՁԱՆ.—Օրհնյա՛լ է աստված... իսկ մեր քաջերից մի՞թե շատերն ընկան:

ՆԵՐՍԵՅ.—Հագիվ մի երկու տասնյակ զինվոր...

ՌՌԲՁԱՆ.—Իսկ իշխաններ՞ը՞րը բլուրը ողջ են:

ՍՄԲԱՏ.—Միայն Պապաքը զոհ գնաց յուր անխոհեմության: Նա կամեցել էր դասալիք լինել, ուստի և զինվորներից նետահար եղավ:

ՌՌԲՁԱՆ.—(դժվարաշունչ) Ուրեմն աստուծո աջը օգնության է հասել ձեզ... օրհնվի նրա անունը հավիտյա՛նս հավիտենից...

ՋԱԼԱԼ.—(անհանգստությամբ) Բայց քեզ ի՞նչ է պատահում, զավակս, դու հետզհետե նվազո՞ւմ ես...

ՉԱՔԱՐԵ.—Ի՞նչ չարիք է հասել քեզ, Ռուզան, խոսի՛ր հայտնապես:

ՆԵՐՍԵՅ.—Խոսի՛ր Ռուզան, քո դեմքի դալուկը սարսափեցնում է ինձ:

ՍՄԲԱՏ.—Միզուցե ապիրատի մեկը հարվածեց քեզ շփոթի ժամանակ:

ՌՌԲՁԱՆ.—Ես, այո՛, հարված ստացա, բայց ոչ ուրիշի, այլ իմ ձեռքից...

ՋԱԼԱԼ.—Քո ձեռքի՞ց... Դու, ուրեմն, վիրավորեցի՞ր քեզ:

ՌՌԲՁԱՆ.—Ես թունավորեցի ինձ...

ՋԱԼԱԼ.—(սարսափահար) Դո՞ւ... թու...նավորեցի՞ր քեզ... ով անբախտ զավակ...

ՆԵՐՍԵՅ.—(հուսահատաբար) Ո՛վ զարհուրելի գույժ, ինչո՞ւ երկինքը չէ փլուզում մեր գլխին...

ՌՌԲՁԱՆ.—Մի՛ տխրիք և մի հուսահատիք... Ես երջանիկ եմ, որ պիտի մեռնեմ ձեր գրկերում...

ՋԱԼԱԼ.—(վշտահար) Բայց ինչո՞ւ, ինչո՞ւ կամեցար մեռնել... մի՞թե բավական չէր քո փախուստը...

ՌՌԲՁԱՆ.—Օ՛, հայր իմ, մի՛ կշտամբիր ինձ... Եթե ես չփախչեի, եթե ես չզոհեի ինձ, թշնամին չէր հեռանալ քո բերդի ստորոտից...

ՉԱՔԱՐԵ.—(տխրահոռակ) Եվ մենք չէինք կարող զորաժողով անել և երկրի փրկությունը սրով ձեռք բերել:

ՍՄԲԱՏ.—(առանձին) Ճշմարիտ է ասում, սա ինքն է մեր փրկիչը...

ՆԵՐՍԵՅ.—(հուզված) Բայց մեզ փրկելուց ետ ինչո՞ւ կամեցար մեռնել...

ՌՌԲՁԱՆ.—(նվաղաձայն) Որպեսզի թշնամու ձեռը չփարեր քո հարսնացուկին...

ՋԱԼԱԼ.—Մի՞թե չգիտեիր, որ քո հայրը չէր թողիլ քեզ նրա ճանկերում:

ՌՌԲՁԱՆ.—Գիտեի. բայց չուզեցի որ թշնամին ճանաչեր ինձ իբրև գործիք դավադրության... Կամեցա, որ աշխարհն իմանա թե՛ հայ աղջիկը կարող է զոհվել, բայց երբեք խաբել...

ՋԱԼԱԼ.—(լալագին) Ո՛վ իմ աննման զավակ...

ՌՄՄԵԿ.—(իշխաններին) Բայց ո՞վ մատակարարեց սրան թույլը:

ՌՌԲՁԱՆ.—Մի բարի հոգի...

ՍՄԲԱՏ.—Ահա՛ այս զավաթի մեջ է մեզ ամենքին հայտնի Թենիի մատանին:

ՆԵՐՍԵՅ.—(վեր թռչելով) Թենիի մատանի՞ն... (մոտենում է դիտելու):

ՋԱԼԱԼ.—(զարհուրագին) Թենիի մատանի՞ն... Օ՛, որդեսպան (Ռուզանին). ուրեմն այդ պառա՞վը մատակարարեց քեզ թույլը...

(Ամենը սարսափի բացականչություններ են անում):

ՌՌԲՁԱՆ.—Նա մի բարի գործ կատարեց. ների՛ր նրան, հայր իմ...

ՋԱԼԱԼ.—(զայրագին) Ներել նրան, օ՛, ոչ. միակ և առաջին արյունը, որ պիտի թափվի իմ ամրոցում կլինի այդ ժանտ պառավի արյունը...

ՌՌԲՁԱՆ.—(վերջին շնչում) Ների՛ր նրան, հայր իմ, քեզ խնդրում է զավակդ յուր վերջին շնչում...

ՋԱԼԱԼ.—Բայց նա...

ՌՌԲՁԱՆ.—(ընդհատելով) Այո՛, Թենին կին է, կնոջ միշտ պետք է ներել...

ՋԱԼԱԼ.—(արտասվագին) Իսկ դու, զավակս, դու արդեն թողնում ես մեզ...

ՌՌԲՁԱՆ.—(վերջին շնչում) Թողնում եմ... այո՛, բայց հանգիստ և ուրախ... հավիտյան ձեզ օրհնելով... մնացեք բարով, հայր իմ... և դու Ներսես... և դուք, իշխաններ... տարեք իմ ողջույնը տարաբախտ մորս... աղաչեցեք, որ ներե ինձ և աղոթե ինձ համար... (հետզհետե նվազելով՝ ընկնում է գահավորակի վրա):

ՋԱԼԱԼ.—(հեկեկալով և Ռուզանին գրկելով) Ո՛վ իմ աննման, ո՞ւր թողեցիր ինձ...

ՆԵՐՍԵՅ.—(ծնկան գալով գահավորակի առաջ) Ռուզան, Ռուզան...  
ԲՈԼՈՐԸ.—(հեկեկում են):

Վարագույր

ՎԵՐՁ